



SSH
Current
Shelves
DU
740
A2
W3
v. 1639



WANTOK



OCEAN BLUE
Tuna in oil
Rait teist
yah!



Wan Wik, Desemba 15 - 21, 2005 NAMBA 1639 NIUSPEPA BILONG YUMI OL PNG STRET! K1.00 long Mosbi tasol - Ausait Mosbi K1.30



Wantok (Boroko, Papua New Guinea)
SSH Current Shelves
UC San Diego
Received on: 01-05-06

Mosbi gat
Kopiago tu...

SAPOS yu ting Lake Kopiago i stap long Sauten Hailans, bai yu kirap nogut olsem dispela nem i kam pinis long graun bilong ol Papua long Pot Mosbi.

Wanpela liklik hap kona long 9 mail klostu long hap ol hos i save resis bai i gat rot i go antap long maunten sait em wanpela hap kem o setelmen ol pipel bilong Leik Kopiago long Sauten Hailans provins i stap long en. Em ol wanpisin stret wantaim bikpela setelmen long hap.

Nem bilong dispela setelmen em, Kopiago.

Liklik bai Kopiago bilong Mosbi i waswas long wara tasol strong bilong wara i liklik tru. Em i save olsem sans

OL

PROVINS I NO WOK STRONG

Ol nesanel lida i tokaut olsem ol provinsel lida i no mekim strong wok bilong ol, olsem na ol pipel insait long ol distrik i wok long kisim taim

- LUKIM STORI LONG PES 3
- KOMENTRI: Ol provins i mas opim ai nau - PES 15

**Wok Maining
insait long
PNG Spesol**

**CATHOLIC
REPORTER**
bilong mun Desemba

Want a Great CHRISTMAS Deal?

Call in and see our stylish & more Powerful utilities today!

TOYOTA HILUX

2.5 litre Turbo Diesel engine, Double or Single cab, with with choice of 4x4 and 4x2

Available 15 Branches Nationwide
Offer Expires: 31/12/2005 or While Stocks last!

Stocks are Now available for immediate delivery

Ela Motors
TOYOTA

www.ela-motors.com.pg

PORT MORESBY PH 3229400 • LAE 4781800 • KOKOPO 9829100 • MADANG 8522188 • GOROKA 7321844 • MT. HAGEN 5421883 • WEWAK 8562255 • KAVIENG 9842788 • NJMGE 9835135 • TABUBIL 5489050 • VANIMO 8571254 • PORGERA 5473357 • BUKA 9739915 • LIHIR 9864099 • ALOTAU 54110100

Pot Mosbi Jenerel Haus sik sot long mani

Noreen Dada i raitim

POT Mosbi Jenerel Haus sik (POMGH) i wok long painim hat long mekim wok long wanem mani we i kam long gavman i no inap.

Dispela yia gavman i bin givim K17 milien tasol dispela i no inap. Olgeta yia POMGH i save askim long K30 milien long karimaut ol wok bilong em.

"Tingting bilong Gavman i mas olsem, putim mani we em i mas go long em. Klostu olgeta dai long haus sik o long et pos i ol sik we mipela ken tritim tasol mipela nogat planti masin, marasin o dokta long helpim ol pipel. Mipela save askim long K30 milien olgeta yia tasol gavman save givim

mani we i no kam klostu long dispela mak," Sief Eksekutiv Opisa long POMGH, Dokta Alphonse Tay i tok. "Wanpela gutpela kes em long Medikel Wod bilong mipela. Dispela wod em ol lain wantaim sik AIDS i save stap long en. Dispela wod i gat 60 bet. Taim nait sif i kam, wanpela nes tasol bai lukautim olgeta dispela siklain long nait - dispela i bikpela askim tumas long wanpela nes long wokim," Dokta Tay i tok.

Long sait bilong dispela straik we ol nes tok long mekim long neks wik, Dokta Tay i tok Dipatmen long Pesenel Menesmen na Fainens Dipatmen i bin lukluk pinis long ol askim bilong ol tupela wik i go pas pinis.

Dokta Tay i tok sapos ol nes i go het wantaim dispela straik, ol i mas gat wanpela bekap rosta long lukim olsem ol sik manmeri bai ino nap kisim taim.

"As wok bilong ol nes na ol dokta i bilong putim ol siklain pastaim. Sapos yu nes o dokta na yu les long tingim ol sik manmeri, ating yu mas pinis wok olsem nes o dokta. Ol nes i mas tingting gut. Sampela askim bilong olsem mani long kisim malolo, em mipela wok long wokim nau. Sampela bilong ol i stat long kisim mani pinis. Mipela ken peim husat i askim long malolo, tasol mani em Dipatmen long Fainens i mas givim. Ol nes i mas bel isi na wet," Dokta Tay i tok.

Fiji saveman apil long ol wantok soldia

.....Togel askim ABG long wokim samting kwiktaim

Veronica Hatutasi i raitim

SINGAUT i go long 8-pela Fiji soldia long Bogenvil long ol i mas go bek long kantri bilong ol.

Long wankain taim tu, askim i go long ol bipo Fiji soldia long was gut na noken larim ol konman husat i laik wokim ol samting i agensim lo long bagarapim gutpela nem ol Fiji soldia i gat long wol olsem ol top soldia bilong kamapim gutpela sindaun na bel isi insait long ol kain kantri.

Ol dispela toktok i kam long Dokta Steven Ratuva, wanpela politkel sosiolojis saveman na leksera long Yunivesiti bilong Saut Pasifik long Suva, Fiji. Dokta Ratuva i glasim dispela samting insait long wanpela ripot em bin givim, "Conmen and soldiers: What are our Fijian soldiers doing in Bougainville?"

"Singaut na askim bilong mi long ol dispela mangi Fiji long Bogenvil em, kam long ples na lusim dispela giaman konman Musingku. Planiti stori na wari i kamap long 8-pela Fiji soldia i stap long Bogenvil nau. Long ol ripot, konman Musingku i bin promisim wan wan long ol US\$1 milien long kamap sekyuriti na narapela em ol i go mekim wok misinari na narapela i tok ol i trenim ol yangpela pipel long kamap ol sekyuriti

bilong Musingku.

"Tasol wanem trupela stori i stap, bikpela samting we ol bipo Fiji soldia i mas, tingim em long lukaut gut long ol lain husat i laik yusim bikpela save bilong ol long ami wok long karimaut ol wok i no bihainim lo. Long dispela taim nau we sekyuriti bisnis i kamap bikpela bisnis long wol, bikpela samting em was gut long go insait long bisnis i bihainim lo.

"Ol Fiji soldia i gat gutpela nem olsem ol i stap long top lista long wol long sait bilong pait na wok long kamapim gutpela sindaun. Na dispela gutpela piksa i ken bagarap sapos ol bipo soldia i go insait long wok wantaim ol konman olsem Musingku," Dokta Ratuva i tok.

Em i tok ol Fiji soldia i no nupela long Bogenvil bikos planti i bin wok olsem ol pis kipa long 1997 inap long 2003 na ol bin helpim long kamapim gutpela sindaun long ailan. Koporel Sefanai Sukanaivalu em wanpela soldia i bin wok olsem pis kipa long Bogenvil i bin kisim bikpela namba na winim Victoria Kros.

Na Dokta Ratuva i tok wanem samting ol i wokim, ol i ken skruim gutpela wok o bagarapim gutpela sindaun long Bogenvil we ol bin hatwok long kamapim, na tu, dispela i ken bagarapim gutpela nem bilong ol Fiji sol-

dia we ol pipel long ailan i gat bikpela luk-save long ol.

Long wankain taim tu, Not Bogenvil Palamen memba James Togel i tok gutpela sindaun long Bogenvil we i bin kisim bikpela hatwok long kamapim i stap long hevi long han bilong ol kain grup olsem U-Vistrak na ol arapela moa na em i askim Otonomes Bogenvil Gavman (ABG) long lukluk na stretim dispela hevi bipo em i go nogut.

"Wantaim kamap bilong ol kain grup olsem ol Fiji soldia long Bogenvil, wok long painim gutpela sindaun long Bogenvil i stap long hevi. Ol Fiji soldia i brukim lo na stap long ailan na tu, ol i brukim Mama Lo bilong Bogenmvil. Yumi noken mas larim ol dispela samting i bagarapim gutpela sindaun long Bogenvil," Mista Togel i tok. Em i tok ABG i mas mekim samting kwiktaim bikos ol pipel i no laikim bai gutpela sindaun ol i kisim nau i bagarap.

Krismas askim bilong em long ol pipel bilong Bogenvil em long "wok bung gut wantaim na holim pas na lukautim gut dispela pis o gutpela sindaun ol bin hatwok long kisim na noken larim husat konman i bagarapim.

- Lukim moa stori long ol lain Fiji soldia long Bogenvil long REDIO AUSTRALIA NIUS - PES 34



PABLIK TOKSAVE

TOKSAVE I GO LONG OL EASIPAY KASTOMA LONG NCD NA LAE

TOKSAVE I GO LONG OL NCD KASTOMA OLSEM ANTAP LONG OL STOP N SHOP STUA, YU KEN BAIM EASIPAY YUNIT LONG:

- o BOROKO FOODWORLD GORDONS;
- o ANDERSONS FOODLAND KOKI; NA
- o ANDERSONS FOODLAND HARBOURSIDE

BILONG OL LAE KASTOMA, YU KEN BAIM EASIPAY YUNIT BILONG YU LONG:

- o PNG POWER OPIS - CORONATION DRIVE
- o FOOD MART LONG SEVEN STRIT

Easipawa - Easipay



Provinsnel menesmen i no wok gut - Kambori

Natasha Bodger i raitim

WOK bilong karimaut divelopmen na sanapim infrastrak-sa o rot na bris i no isi wok na nesanel gavman i painim hat long kisim sevis i go long ol pipel long wanem ol wokman-meri long ol provinsel etmin-istresen i no wok bung wantaim long mekim wok.

Sekreteri bilong Nesanel Plening na Implimentesen, Valentine Kambori i bin autim dispela toktok bihain long em i bung wantaim ol Dipatmen Seketeri, Provinsel Etmnistreta na ol Ejensi Bosman long makim namba tu kibung bilong ol we i kamap

long Mosbi long dispela wik Tunde.

Em i tok as tingting bilong dispela bung em long strongim bek tingting bilong ol na lukluk long ol rot we ol inap long senisim rot ol i wok long bihainim long wanem ol wan wan insait long ol provins bilong ol i gat bikipela wok tru.

Seketeri Kambori i tok ol sevis we i kam aninit long Midium Tem Developmen Strateji (MTDS) plen we ol i laik long karim i go long ol pipel i stap nating long wanem ol Provinsel Menesmen Tim em ol wok manmeri insait long provins i no save givim gut-pela bekim i go bek long

Nesanel Plening na Implimentesen Dipatmen o ol arapela dipatmen long ol bikipela provinsel na distrik projek na progrem.


"Dispela i soim olsem ol Teknikel lveluesen Komiti i no wokim wok bilong ol na tu mi laikim bai ol Provinsel Etmnistreta i mas kirap long silip bilong ol na wok bung wantaim ol provinsel gavman bilong ol," Seketeri Kambori i tok.

Em i tok i gat sampela provins we ol i no save wok gut long wanem ol provinsel etmnistreta bilong ol i no bihainim wok bilong ol olsem ol sif akaunting opisa na dipat-

men bilong mi bai lukluk gut bihain na bung wantaim ol long kamapim wanpela tingting long stretim dispela hevi.

"Sapos ol Provinsel na Distrik Menesmen Grup i no wok wantaim bai mipela i no inap long stretim ol wari bilong ol pipel insait long dispela provins na dispela bai lukim ol pipel i kisim taim," em i tok.

Em i autim olsem stat long neks yia na i go, opis bilong em bai lukluk long wok wantaim ol provinsel plening opis long karimaut sampela wok long sait bilong helt na eduke-sen.



OL PROVINS I MAS WOK: Wok bilong pulim rot na sanapim bris i no liklik samting. Ol provinsel opisa na lida i mas wok bung nau long karim divelopmen i go daun long ol distrik.

Philemon givim tok lukaut - Yusim gut baset moni

Natasha Bodger i raitim

MINISTA bilong Fainens na Tresera na bosman bilong moni, Bart Philemon i salensim ol dipatmen seketeri na provinsel etmnistreta long kisim salens nau na traime long wok bung wantaim ol narapela dipatmen long kamapim sevis insait long ol distrik bilong ol.

Dispela i bin kamap taim em i givim bikipela toktok long opim kibung bilong ol dipatmen bosman long Tunde.

Mista Philemon i tok taim ol i tok oraitim 2005 baset o moni plen, i no bin i gat planti askim na em i amamas long wanem em i lukim olsem planti ol lain i laikim dispela moni plen na i nogat birua long em.

"Nau em i taim bilong yumi ol man husat i save mekim disisen na karimaut wok long lukluk long dispela ol moni yumi kisim na traime long wok bung wantaim long karim sevis i go long ol pipel long ol taun na rurel eria," em i tok.

Minista i tok kantri bilong yumi em wanpela kantri we i gat planti ol risos tasol ol pipel i wok long kisim taim yet na poveti o hevi bilong nogat gutpela sindaun em wanpela bikipela samting we i stap insait long PNG.

Em i krai wantaim na tokim ol bikman olsem "nau em i taim bilong yumi long kisim senis i kam insait long kantri tru long ol wok karim aut na implimentesen wok we gavman i putim planti mani i go insait long ol distrik long givim luksave long ol."



OLOMAN, sapos yu go olsem long Bismark opis long Mosbi taun bai yu lukim planti man, meri na pikinini ol i sanap lain long baim tiket long go olsem long Popondeta, Alotau na Lae.

I no ol nambis tasol. Nogat. Ol Hailans tu i wok long ron long sip long go long ol dispela ples long baim buai. Em i gutpela long ron long sip, tasol tingim. Em krismas na sapos yupela pulamapim sip olsem yupela save pulamapim ka, lukaut. Sapos solwara i bagarap, bai yupela stap long laik bilong yupela yet nau.

KRISMAS nau na taim bilong ol wantok long kam pulap kapsait long haus bilong ol lain i stap long taun. Wanpela wantok i tait pinis na tok. Plis, sapos yu tingting long raun long taun. Noken go kamap long haus bilong em. Em givim binatang long ol dok bilong em na sapim tamiok i stap. Krismas em i taim bilong givim, tasol dispela kain taim em pasin bilong givim i save gat mak bilong em tu ya.

TAIM bilong ren i wok long hamarim Mosbi i stap. Ol su i pulap long wara, klos i no drai gut na ol tit bilong ol hul long rot i kamap ples klia. I no long taim bai ol kar i stat long lus i go insait long ol traipela hul long rot.

TOKSAVE i go pas long ol gutpela rida bilong Wantok Niuspepa. Putim ai long Wantok Niuspepa neks wik. Bai yu ken lukim sampela nupela samting i kamap insait. Pepa long neks wik bai las pepa bilong 2005. Em bai gat wanpela naispela krismas spesol insait long en, na tu, bai i gat lukluk bek long yia 2005. Insait long en bai i gat ol stori i lukluk long 2006 tu. Olsem na sapos yu laik lukim nupela stail Wantok Niuspepa bilong 2006, wetim pepa bilong neks wik na baim. Em niuspepa bilong yumi ol pipel bilong PNG stret.

Distrik sevis i mas stap - Kambane

Natasha Bodger i raitim

DISTRIK Sevis Implimentesen Progrem (DSIP) we em i bungim olgeta tingting bilong ol seketeri bai i mas strong moa bihain long em i kisim luksave bilong Nesanel Eksekutyuiv Kaunsil neks wik.

Dispela em toksave i kam long Seketeri bilong Fainens na Treseri, Thaddeus Kambane.

Mista Kambane i bin autim dispela DSIP plen we bai i makim rot bilong ol provinsel etmnistreta long bihainim stret na kamapim moa wok divelopmen insait long wan wan distrik bilong provins bilong ol.

Em i tok Minista bilong Fainens i tok em i laikim bai wok karimaut bai mas stat long mun Januari neks yia long wanem olgeta wokmanmeri bilong gavman i gat bikipela wok long karimaut aninit long dispela DSIP projek.

"Olgeta ol wokmanmeri i mas karim ol dispela projek long wanem sapos yumi no mekim dispela bai ol sevis insait long DSIP bai no inap long kamap stret na wok bilong gavman long mekim kamap ol dispela wok bai lus nating," em i tok.

Stackable Chairs!

Great for Church, Banquets, Schools, Offices, Waiting Rooms, Restaurants and Conventions.



Stackable Chair

- ▶ Product Code: 820NSB
- ▶ Royal Blue Colour
- ▶ Durable Plastic Shell
- ▶ Ergonomically Contoured for Increased Comfort
- ▶ Sturdy Steel Frame
- ▶ Stackable and Gangable

K81.40



Stackable Chair w/ Arm Rest

- ▶ Product Code: 8201NS
- ▶ Black Colour
- ▶ Durable Plastic Shell
- ▶ Ergonomically Contoured for Increased Comfort
- ▶ Sturdy Steel Frame
- ▶ Stackable and Gangable

K100.65

Prices are inclusive with GST

Waigani Drive, Port Moresby

PH: 325 6500

Fax: 325 0302

Email: sales@theodist.com.pg



Haus sik bai kamapim lo bilong mog

Noreen Dada i raitim kamapim wanpela long em. ti bodi bilong ol dai
 POT Mosbi Jenerel polisi long kisim hariap Long dispela taim man wok long pulap
 Haus sik etministresen sik mog o aibokis Haus sik i pulap long stret long mog yet na
 i tingting nau long bilong putim ol daiman planti dai bodi, ol plan- hausik i yusim. Planti

long dispela ol bodi ol etministresen i wok larim ol famili lusim
 famili ino kisim long long tingting nau long bodi long longpela taim
 planim. kamapim wanpela insait long mog. Long

Sief Eksekutiv Opisa, Dokta Alphonse Tay i tok i luk olsem ol i mas strongim sait bilong ol long ol sait bilong mog olsem dispela sevias i wanpela bikpela samting.

"Mipela ol Mipela no nap long

long dispela ol bodi ol etministresen i wok larim ol famili lusim
 long tingting nau long bodi long longpela taim
 kamapim wanpela insait long mog. Long
 polisi o rot long mekim ol famili long ol dai
 man long kisim bodi long famili memba
 bilong ol hariap na go planim.

Haus sik givim sevi Em i tok dispela
 olsem long givim ples polisi i ken kamap long
 long putim ol dai man. neks yia we ol bai luk-
 luk moa long en.



Indonesia tok PNG noken wari long sik bilong pisin

Noreen Dada i raitim

PAPUA Nuigini i noken wari tumas long dispela sik long pisin we i kamap long Indonesia long nau yet.

Dispela hap tok em presiden long Indonesia i bin salim long wanpela maus man bilong em long Indonesia Ministri long Helt, Hary Purwanto.

Dispela em wanpela wari ol mausman long Dipatmen bilong Helt, Agrikalsa na Laipstok na Nesenel Kwarantint Atoroti i bin autim long namba 24 PNG-Indonesia Join Boda Komiti Kibung we i kamap long Pot Mosbi long dispela wik.

Mista Purwanto i tok dispela sik long pisin i no kam yet long Papua Nuigini tasol i gat nid long ol atoroti long hia long redi na stap bilong wanem ol samting we i ken kam aut long dispela kain hevi i ken bagarapim tru ikonomi bilong kantri.

"Em i tru long Indonesia, ol samting olsem korapsen na pasin teroris i bikpela tasol long dispela taim dispela sik long ol pisin i kamap wanpela bikpela samting. Mipela stap nau long namba tri posesin long dispela sik - dispela em i we ol lain nau wok long kisim dispela sik. Sapos dispela sik i go long namba foa posisen, bai gat bikpela bagarap i no long Indonesia yet tasol long ol narapela kantri tu olsem Papua Nuigini."

Dispela sik long pisin i bin kamap long Indonesia long mun Septemba 2005 we long dispela taim 13-pela man i bin kisim dispela sik na 8-pela long dispela man i bin dai. Dispela sik ken kisim ol man sapos ol i kam klostu o kaikai pisin olsem kakaruk o wel pato we i karim dispela sik. Sapos ol man i gat dispela sik ol bai gat bikpela skin hat, het pen, kus na hevi long bros o sot win.

Ol maus man long Helt Ministri bilong Indonesia i tok ol i gat sampela rot long traim long stopim dispela sik long go bikpela olsem kon-

trolim wok wantaim kakaruk, lukautim ol lain husat i baim ol kakaruk o pisin long maket o stoa, edukesen, komunikesen na infomesen namel long ol wok lain long ol kakaruk bisnis na skul na wok painim aut.

Ekting Direkta long Opisa long Nesenel Disis Kontrol, Dokta James Wangi i gat wari olsem Papua Nuigini na Indonesia i gat wanpela boda na em i isi tru long ol pisin i flai long Wes Papua na kam insait long kantri long sait bilong Sepik na Westen Provins.

Long lukluk long dispela hevi em i tok dipatmen bilong em wantaim Foren Afes, Dipatmen bilong Prait Ministri, Helt na Nesenel Kwarantint i bung long mekim nesenel task fos we ol i kamapim wanpela Helt Rispons Progrem. Dispela progrem i gat nid long ol i lukluk gen na mekim las wok.

Dokta Ilagi Puana, Sief Vetineri Opisa bilong National Agricultural Kwarantint na Inspeksen Ejensi (NAQIA) i tok long sait bilong helt bilong ol enimol, ol i bin kisim skul pinis long wokim painim aut na wok was long raun long dispela virus o sik. Wanpela lukluk bilong opis bilong em i long wokim wok save-lens o was long pinis long olgeta tripela mun long lukluk long ol pisin husat save flai raun.

Dokta Puana i tok olsem namba bilong ol pisin husat save raun nating long Papua Nuigini i liklik- i no olsem Indonesia we ol i gat bikpela namba. Long dispela tasol Papua Nuigini i orait liklik na ol bisnis we i save salim kakaruk i nau stap ananit long stronpela was long ol atorotis. Liklik wari bilong em nau i lain husat i wokim liklik bisnis wantaim ol kakaruk long ol long we hap olsem ples.

"Narapela wari bilong mipela i ples olsem Tonda Wetlen long Westen Provins- dispela em i bikpela hap tumas na i wanpela ples we ol pisin bai laikim tru long stap." Dokta Puana i tok.



INTEGRITI BILONG OL POLITIKEL PATI NA KENDIDET KOMISIN

SKELIM TINGTING LONG DI-REJISTAIM OL REJISTET POLITIKEL PATI

BIHAINIM SEKSEN 43 BILONG OGENIK LO, KOMISIN LONG INTEGRITI BILONG OL PATI NA KENDIDET I LUksAVE OLSEM I GAT AS LONG PINISIM REJISTRESEN BILONG OL DISPELA REJISTET POLITIKEL PATI:

NAMBA	NEM	REJISTRESEN NAMBA	INC NAMBA
1.	Papua New Guinea Country Party	IPPC: 06	5-875
2.	Liberal Party	IPPC: 11	5-462
3.	National Vision For Humanity Party	IPPC:16	5-1144
4.	People's Freedom Party	IPPC: 18	5-1340
5.	Human Rights Protection Party	IPPC: 21	5-1266
6.	Melanesian Labour Party	IPPC: 22	5-730
7.	Papua New Guinea Greens Party	IPPC: 23	5-1436
8.	People's Welfare Party	IPPC: 24	5-1383
9.	Papua New Guinea Integrity Party	IPPC: 26	5-1467
10.	Yumi Reform Party	IPPC: 27	5-1482
11.	People's Development Party	IPPC: 29	5-1385
12.	Simple People's Party	IPPC: 30	5-1451
13.	Party for Justice & Dignity	IPPC: 31	5-1421
14.	People's Destiny & Development Party	IPPC: 33	5-846
15.	People's Heritage Party	IPPC: 34	5-1411
16.	National Front Inc	IPPC: 35	5-1030
17.	True People's Party	IPPC: 36	5-1299
18.	Economic Endeavour Party	IPPC: 37	5-1504
19.	People's Resource Awareness Party	IPPC: 40	5-812
20.	Melanesian People's Party	IPPC: 41	5-1457
21.	People's First Conservative Party	IPPC: 43	5-1349

As bilong dispela di-rejistresen o rausim bilong rejistresen bilong ol dispela pati em bikos ol i no bihainim ol dispela samting:

- Ol i nogat fainenesel riten o stori bilong wok moni bilong ol, na
- Ol i no bihainim ol bikpela lo aninit long seksen 28 bilong Ogenik Lo.

Ol dispela Rejistet Politikel Pati i gat tupela ten wan (21) de bihain long dispela toksave i kamap long niuspepa long kam lukim Komisnin long paitim tok long em i noken rausim ol rejistresen bilong ol.

PAUL B. B. BENGO, CBE
 REJISTRA
 Desemba 1 2005

Lain Fiji no laik lusim Bogenvil

Aloysius Laukai
i raitim

SIKSELA lain Fiji husat i stap nau long Tonu insait long Siwai, sautwes Bogenvil i les long go bek long ples bilong ol.

Seken Seketeri long Fiji Hai Komisen opis long Pot Mosbi, Emosi Rakai, i bin traim tupela taim long tokim Noah Musingku long larim ol dispela 6-pela lain long lusim Tonu.

Mista Rakai i bin go bek long Tonu wantaim Fred Rokondi long

traim long kisim dispela 6-pela lain tasol dispela ino bin wok na tupela kam bek long wiken han nating na ino amamas tru.

Long Buka, Minista long Bogenvil Polis, Ezikiel Massatt na Vais Presiden long Otonomes Bogenvil Gavman, Joseph Watawi, i tok strong long ol lain Bogenvil husat i bin pait bipo long noken kisim lo long han bilong ol yet bihain ol i harim olsem dispela 6-pela lain i bin sainim hap pepa i go long Fiji High Komisen long laik bilong ol long ino go

bek long Fiji.

Dispela tok strong i kam bihain ol tupela minista i harim olsem ol lain husat i bin pait bipo i no amamas wantaim ol lain long narapela hap i no bihainim lo na stap long ailan.

Mista Watawi na Polis Minista Massatt tok ol i no amamas tru long wanem samting i wok long kamap nau long Bogenvil na tok strong long dispela 6-pela Fiji long lusim Tonu hariap.

Mista Watawi i tok tu olsem Otonomes Bogenvil Gavman i wok

long kamapim wanpela rot long luksave long dispela hevi we ol narapela lain save kam insait long Bogenvil wantaim tok orait long gavman.

Em i tok tu olsem Otonomes Bogenvil Gavman bai lukluk long ol narapela wok we ol PNG nesenel yet i brukim lo bilong kantri na paulim ol manmeri long Bogenvil.

PNG POWER Ltd

EASYPAY

PABLIK TOKSAVE

PNG PAWA I STAT LONG SANAPIM PINIS OL EASIPAY MITA LONG LAE STAT LONG NAMBA 14 DE BILONG MUN NOVEMBA, 2005



Oi PNG Pawa Inspekta na Kontrakta bai i mas i gat rot long go insait long banis bilong yu inap long wanpela awa long sanapim nupela Easypay mita bilong yu na soim yu long rot bilong yusim. Yu mas larim sampela lain long helpim ol kontrakta. Olgeta Easypay Kontrakta bai gat wanpela opisel PNG Pawa Aidentifikesen kat na ol i ken soim yu sapos yu askim ol.

Olgeta Domestik Kastoma na ol liklik Jenerel Saplai Konsuma i mas luksave long dispela toksave.

Sapos yu gat sampela askim, plis ringim

Easipay Help Desk long Telepon Namba 4792544/4722805 - Lae

Easipawa - Easipay



INTEGRITI BILONG OL POLITIKEL PATI NA KENDIDET KOMISIN

BUNGIM WANTAIM NA DIREJISTRESEN BILONG OL POLITIKEL PATI

BIHAINIM SEKSEN 52 BILONG OGENIK LO LONG INTEGRITI BILONG OL POLITIKEL PATI NA KENDIDET, OLGETA MEMBA BILONG OL DISPELA POLITIKEL PATI I WANBEL LONG BUNG WANTAIM OL BIKPELA REJISTET POLITIKEL PATI, PEOPLE'S NATIONAL CONGRESS;

- PEOPLE'S SOLIDARITY PARTY
- PAN MELANESIA CONGRESS
- ADVANCE PAPUA NEW GUINEA PARTY
- NATIONAL TRANSFORMATION PARTY
- ONE PEOPLE PARTY

MI WANBEL OLSEM OLGETA WOL I GO HET EM OL I BIHAINIM LONG BUNG WANTAIM ANINIT LONG SEKSEN 52.

I GO MOA YET, OLGETA DISPELA POLITIKEL PATI I REJISTA PINIS I BUNG PINIS TAIM OL I LUKSAVE LONG MAMA LO BILONG PEOPLES NATIONAL CONGRESS.

BIHAINIM DISPELA BUNG WANTAIM NA TAIM OL I LUKSAVE LONG MAMA LO BILONG PEOPLES NATIONAL CONGRESS PATI, OL I PINISIM OL YET BIHAINIM SEKSEN 50 BILONG OGENIK LO.

ANINIT LONG SEKSEN 50 (3), MI GO HET LONG DIREJISTAIM OLGETA 5-PELA REJISTET POLITIKEL PATI.

PAUL B. B. BENGO, CBE
REJISTRA
Desemba 1 2005



PAPA NA PIKININI: Otonomes Bogenvil Gavman Presiden Joseph Kabui i givim setifiket pepa long pikinini meri bilong em, Alfreda Kabui long greduesen bilong Gret 12 long Hutjena Sekonderi skul long Buka.

Namatanai memba belhat

NAMATANAI memba Byron Chan i belhat long gavman bilong Stuckey na Rabana long i no makim wanpela Residen dokta long Namatanai Rurel haus sik.

Stat yet long 2002, Namatanai Haus sik i nogat Residen dokta, maski memba i singaut long Nu Ailan Provinsel Gavman (NIPG) atoriti long lukluk long dispela wari bilong em.

"Pasin we ol atoriti long NIPG i wokim i kamapim planti hevi na dai long ol pipel. Olgeta wik, wanpela man i dai. Ol pipel bilong Namatanai i wok long go long ol ples olsem Kavieng, Lihir na ol ples olsem Nonga insait long is Nu Briten long kisim marasin na helpim bilong ol


dokta na nes long sik bilong ol.

"Ol i wok long tromoim bikpela mani long baim rot bilong ol i go na i kam long painim ol sevis we i stap klostu tasol", Mista Chan i tok.

Em i tok Nesenel Eksekutiv Kaunsel i bin wokim disisen long tokaut olsem Namatanai Haus sik i kamap olsem Rurel Distrik Haus sik na aninit long helt Plen bilong Gavman, haus sik ya i mas gat wanpela dokta i stap long hap na lukautim haus sik.

Mista Chan i gat tingting long askim Lihir Menesmen long sponsaim wanpela dokta bilong Namatanai aninit long ol helt program bilong em.

WOK MISIN LONG JEMENI: Morobe Gavana Luther Wenge i sanap toktok wantaim Reveren Pasto Mannasseh Lapu bilong Luteran Sios husat bai go mekim 5-pela yia wok misin long Bavaria Luteran Sios long kantri Jemeni. Em na meri na tripela pikinini bilong em bai go aninit long wanpela wok poroman namel long ELC/PNG na ELC/ Bavaria Sios long Jemeni. "Go bilong Pasto Manasseh long Jemini long mekim wok pasto long ELC Bavaria i gutpela bilong tupela sios wok bung wantaim. Em i gutpela long givim samting i go bek long Luteran sios bilong Jemini long wanem ol i kisim gutnius kam long kantri bilong mipela sampela 119 krismas i go pinis," Gavana Wenge i tok. Reverend Lapu i tok em i amamas long kamap wanpela embasada bilong ELC PNG long narapela hap ples.



Yali kalabus wetim mekimsave

Evanselikol Luteran Sios bilong Papua Niugini Namba 25 Jenerol Sinod Wasu, Januari 2006

Evanselikol Luteran Sios bilong Papua Niugini bai holim Namba 25 Jenerol Sinod bilong en long Januari 8 i go 13, 2006. Dispela Sinod bai kamap long Wasu Hai Skul na Ukata Distrik bilong **ELCPNG** bai i hostim. Sinod Namba 25 bai i bung aninit long het tok: Kristen I Sanap Strong Long Bilip Na Mekim Wok" 1 Jon 3: 16-18.

Selebresen

Dispela sinod em i taim bilong selebresen: makim 50 yia anivesari bilong **ELCPNG** i sanap olsem wanpela sios insait long Papua Niugini, na tu, makim namba bilong ol sinod bin kamap long 1956 i kam inap long 2006 em i 25-pela olgeta. Long 1956 Namba 1 Sinod bilong **ELCPNG** i kamap long Simbang, Finschhafen, ol i tokaut long nupela sios **ELCPNG** em i sanap long em yet.

Ileksen Bilong ol Sios Ofisa

Long namba 25 Sinod bai i gat ileksen i kamap long makim ol sios ofisa. Ol Sios Ofisa em Bisop, Helpim Bisop na Sios Seketeri. Sios Kaunsol bilong **ELCPNG** i oraitim pinis ol nem yu lukim long daunbilo olsem kendidet.

• *Ol kendidet bilong posisen bilong Bisop em:*

Rev. Dr. Wesley Kigasung
na
Rev. Giegere Wenge.

• *Ol kendidet bilong posisen bilong Helpim Bisop em:*

Rev. Ohuno Mambu
na
Rev. Zau Rapa,
na
Rev. Peter Wamp.

• *Ol kendidet bilong posisen bilong Sios Seketeri em:*

Mr. Fua Singin
na
Mr. Isaac Theo.

Bun bilong program na sampela wok bai i kamap

Ol deliget bai kamap long Wasu long Sarere 7, Januери, 2006
Sande, Januери 8: Bai Sinod i op.
Trinde, Januери 11: Em i de bilong Selebresen.
Fonde, Januери 12: Em i de bilong Ileksen
Fraide, Januери 13: Em i taim bilong pasim Sinod. Sinod bai i go long Hagen Distrik.
Sarere, Januери 14: Ol deliget i lusim Wasu.

Long kisim moa toksave ringim:

The Church Secretary's Office
Evangelical Lutheran Church of Papua New Guinea
P.O. Box 80
LAE, Morobe Province

Ph: 472 3711 Fax: 472 1056

NESENEL Kot bai tokaut hamas krismas Madang Gavana James Yali bai stap long kalabus long Januери 17.

Dispela em bihain long Kot i painim Gavana Yali i rong long reipim o bagarapim tambu meri bilong em long las yia Oktoba taim em i bin wanpela sumatin i wokim Gret 10 long Madang.

Jastis David Cannings husat i bin givim disisen long Mista Yali i asua na i mas kalabus i tok em (Yali) i bin asua long 4-pela samting i sut long yusim krangi luksave em i gat na hai jekim (abduction) meri egens long laik bilong em na reipim em.

Kot i bin harim olsem long las yia Oktoba 13, Mista Yali i bin ron long ka i go long Madang Butseri we em bin kisim ol arapela wanlain bilong yangpela tambu sumatin meri na kisim ol i go long Madang

Risot. Yangpela i bin stap bek long haus long mekim homwok. Tasol Mista Yali i go lusim ol wanlain long Risot na go bek long haus na askim meri sumatin long kalap wantaim em long ka na kisim em i go long opis bilong em long Madang Provinsel gavman na wokim pasin i no stret wantaim em bipo em i kisim em i go bek long haus.

Jastis Cannings i bin tok em i wanbel wantaim ol evidens o ol toktok bilong witness we Mista Yali i bin fosim meri long opis, lokim dua na taim meri i no laik em bin fosim em yet na antapim em na wokim pasin i no stret long em.

Em i tok em i wanbel long ol evidens toktok olsem meri i no bin tok orait long wokim pasin na wanem Yali i wokim long em i reip pasin. na em i tok evidens bilong dokta i soim olsem bikman ya i bin reipim em.

Sapotim ol bus dokta

Yowakicte Buafec
i raitim

LONG planti hap bilong taun na ples long kantri, yumi lukim planti lain i salim ol bus marasin ol i wokim long ol diwai na lip bilong bus.

Nau yet insait long Lae siti na bai yu lukim planti ol tumbuna hebolis i wokim bus marasin i kamap planti tru na planti pipel i save kisim helpim long em

Kain ol hebolis o tumbuna bus marasin ol i save kamapim olsem, Salamaua Nguna jus prodak, masrum ti jus marasin, homco hebol marasin, noni jus marasin na ol planti arapela moa ol hebol produsa i askim Morobe Gavman tupela krismas i go pinis long helpim ol long painim opis we i gat telepon long ol i ken putim ol wan wan opis bilong ol na salim ol marasin.

Wanpela hebolis bus dokta bilong Morobe yet em papa bilong Salamaua Nguna jus marasin i tokim Wantok Niuspepa olsem em bin putim wanpela askim i go long Morobe Gavman tupela krismas i go pinis long sapotim ol hebolis dokta long kamapim moa bus marasin na givim wanpela opis spes na ol i ken salim ol prodak bilong ol.

Em i tok ol i bin putim dispela askim bikos ol i save go sanap long ai bilong ol bikpela stoa long Lae na salim ol prodak, tasol dispela i no gutpela.

"Gavman i mas lukim dispela tude na helpim mipela hebolis long wanem mipela i wok wantaim ol lain i gat ol bikpela sik we ol i save sem tu long tokaut long sik bilong ol olsem na mipela sanap yet long strit na salim ol marasin. Na Morobe Gavman i mas luksave," wanpela long ol lain i salim ol bus marasin long Lae i tok.

Skelim gut ron bilong ges paiplain

Natasha Bodger i raitim

SIR Matiabe Yuwi, wanpela bipo politisen na man we i bin stap long taim Papua Niugini i kisim Independens na olpela Palamen memba bilong Tari/Pori long Sauten Hailans

i singaut long Gavman long skelim gut ron bilong PNG-Queenland ges na oil paiplain namel long ol pipel bilong PNG bipo ol i salim i go long narapela hap.

Em i tok olsem sapos Gavman i salim hap i go long Australia na hap i lusim insait long kantri na wokim wel depo bilong salim oil bai developmen bai kamap strong.

"Mi laik givim liklik edvais i go long Gavman bilong tude long wanem mi bilip olsem taim yumi gat ol kain risos olsem, yumi i nap long kamapim planti wok bilong ol man insait long kantri," em i tok.

Sir Matiabe i tok em i laikim bai Gavman i lukluk long yusim dispela well na ges long developim ol provins insait long kantri na kamapim wok long dispela ol hap long wanem yumi gat ol risos we i ken givim bek samting i go bek long ol pipel.

Em i tok olsem long tingting bilong em, em i bilip olsem Australia Gavman i laik kamapim planti wok bilong ol pipel bilong em na PNG tu i mas gat dispela tingting tu long wanem dispela em risos i kam long graun bilong em.

"Yumi ken ting olsem dispela ges na wel Australia i baim bai gat planti bekim long sait bilong mani o royalti tasol taim yumi yet i holim hap na yusim long wanem kain bekim bilong em, ol wan wan provins bilong yumi bai lukim kain kain developmen i kamap," Sir Matiabe i tok.

Sir Matiabe i tok em i amamas olsem dispela ges na oil paiplain bai i kamap tasol sapos PNG Gavman i skelim gut na ol Provins i kisim gutpela bekim na sans long wok bai kantri i kamap strong.

Bikpela ren brukim graun long Hailans Haiwe

James Kila i raitim

PLANTI ol manmeri husat i laik amamasim kris-mas wantaim ol famili na ol lain wan-pisin insait long Hailans rijen bai lukim ren i givim sampela hevi long ol pastaim long Hailans Haiwe bipo ol i go kamap long ples bilong ol.

Ol manmeri i stap long ol taun olsem Goroka, Kainantu, Kundiawa na Hagen i tok olsem insait long dispela taim bilong Krimas na Nu Yia we planti manmeri i save amamas long dispela bikpela ol de i save gat ol birua tu i save kamap long rot.

Dispela em bikos em i taim bilong bikpela ren i save pundaun na ples i save wet olgeta taim na tu ol graun long ol maunten arere long rot i save bruk na pasim rot.

Long wiken i go pinis, tupela biknem niusman bilong bipo, em Joe Kanekane husat i save raitim nius bilong The Independent niuspepa

wantaim Cletus Ngaffkin bilong Opis bilong Atoni Jenerel i bin bungim hevi long rot klostu long Watabung.

Tupela bin go long lalibu na laik kam bek long Goroka taim bikpela graun i bruk na pasim rot bilong ol.

Ol dispela bipo ripota

wantaim narapela ripota bilong The National niuspepa long Goroka Zachery Per i lukim stret long ai bilong ol wanem kain hevi tru ren na graun bruk i save kamapim long Hailans Haiwe na givim hevi long ol sevis i save muv i go kam long dispela bikpela rot em

ol i save kolim 'ikonmik laip lain' bilong kantri.

Nau yet planti ol hap rot bilong Okuk Haiwe o Hailans Haiwe i wok long bungim birua bilong graun i bruk na pasim rot. Las wiken tasol wanpela hap seksin bilong rot i pas olgeta long sampela aua olgeta

bihain long graun i bruk na pasim rot long Watabung insait long seksin bilong Isten Hailans provins.

Tasol i luk olsem dispela birua long Watabung i no inap pinis. I gat ol narapela seksin bilong rot tu em bikpela ren i kam bai i ken lukim graun i bruk na pundaun na pasim rot.

Dispela taim bilong graun bruk na pasim rot tu i save givim sans long ol lain husat save kolim ol yet olsem ol papagraun long stat long sanap long rot na kisim moni long ol PMV na ol bikpela trak.

Ol dispela lain i save mekim kain kain ol toktok na sasim ol PMV draiva na draiva bilong ol bikpela trak husat i save yusim dispela haiwe long givim moni pas-taim long ol i abrusim dispela rot blok.

Dispela ol kain pasin i save kamap long seksin bilong Hailans Haiwe namel long Asaro-Watabung, Chuave na Sinasina na Kerowagi long Simbu.



REN I SAVE GIVIM HEVI: Bikpela ren long Hailans i save mekim graun i go malumalu olgeta.

Nesenel Agrikalsa Plen i ken daunim hevi bilong sot

PNG i mas gat Nesenel Agrikalsa Plen (NADP) bilong em long givim gutpela stia long strongim wok agrikalsa i go moa yet.

Isten Hailans Gavana Malcolm Kela-Smith i tok dispela Nesenel Agrikalsa Developmen Plen ol i laik kamapim i mas lukluk gut long hevi i kamap long developmen bilong agrikalsa insait long rijen.

Mista Kela-Smith i tok Hailans rijen i ken kamapim ol bikpela agrikalsa developmen olsem kamapim rais, ol flawa (Florikalsa) hanibi, laipstok olsem ol kau, meme, rabbit na pato na kamapim kumu.

Tasol em i tok Nesenel Gavman i mas kamapim ol ansa bilong daunim ol hevi i wok long stopim

ol wok developmen long rurel eria.

Em i tok agrikalsa plen i mas lukluk long ol samting we i kamapim hevi long agrikalsa i gro gut na dispela em ol samting olsem nogat gutpela rot, bikpela mani long baim ka na piul.

Ol narapela samting we plen i mas lukluk gut long en em long pekim gut ol agrikalsa samting long salim long PNG na ovasis maket.

Mista Kela-Smith i bin wokim dispela toktok long pasim wanpela woksop i no long taim i go pinis.

Gavana i tok PNG i mas gat Nesenel Agrikalsa Plen we i ken promotim gut agrikalsa developmen long planti pipel bilong yumi.

Em i tok bikos pasin i sot long

samting i stap long planti haus, agrikalsa em i gutpela rot long daunim pasin hangre na sot long samting.

Mista Kela-Smith i tokim ol lain i wok long dispela NADP long givim moa sapot long ol liklik smolholda o liklik rais fama insait long Hailans rijen na tu, groim na salim rais long rijen.

Em i tok tu olsem NADP i mas lukluk long sait bilong daunim rais em i save baim long ol arapela kantri.

Em i tok planti lain long Hailans i wok long kisim gutpela mani long kopi tasol ol i mas lukluk long ol narapela eria.

Em i tok "floriculture" o groim flawa bisnis em i wanpela wei ol liklik fama insait long ol ples i ken kisim gutpela mani long en. Ol

narapela gutpela agrikalsa eria we i ken helpim ol liklik fama em long kamapim kaikai bilong ol kakaruk, pik na moa.

Tasol em i wokim strongpela toktok olsem bikpela wok na tingting i mas stap long agrikalsa developmen we bai wok na helpim ol fama i kisim gutpela kaikai long em. Gavana i tok provins bilong em i gat gutpela klaimet o taim bilong san na ren na kol na win na ol arapela samting bai sapotim gut na mekim i go bikpela ol agrikalsa bisnis.

Em i tok provinsel gavman bilong em i traim long stretim rot sistem tasol bikpela mani a tumas long peim ka na piul i mekim ol fama i les long skruim na mekim bikpela ol agrikalsa bisnis bilong ol.

Christmas Specials

...from Ela Motors Parts
(For All Makes & Models)

5 Litre Engine Oil
10% Discount*

Oil Filters
Fuel Filters
Air Filters
20% Discount*

Tyres & Batteries
5% Discount*

Wiper Blades
Brake Pads
Shock Absorber
20% Discount*

OFFER ENDS 31st DECEMBER 2005.

Ela Motors
15 BRANCHES NATIONWIDE

For More Information Contact your nearest Ela Motors branch

Port Moresby... Ph 3229400	Goroka..... Ph 7321844	Wewak.... Ph 8562255
Lae Ph 4781800	Mt. Hagen... Ph 5421888	Vanimo... Ph 8571254
Kokopo..... Ph 9829100	Kimbe..... Ph 9835155	Tabubil... Ph 5489060
Madang... Ph 8522188	Lihir..... Ph 9864099	Porgera.. Ph 5479367
Kavieng..... Ph 9842788	Buka..... Ph 9739915	Alotau.... Ph 6410100

Sen Peter's kisim tupela setifiket

Pater Paul Liwun SVD i raitim

SAPOS narapela skul i no bin greduet wantaim setifiket, Sen Peter Chanel Praimeri skul long Erima, insait long NCD i bin greduet wantaim narapela tupela setifiket.

Ol tu i no bin kisim setifiket i kam long

edukesen opis, tasol ol i bin kisim tupela setifiket long de bilong greduesen bilong ol, tasol ol i bin kisim intenel setifiket skul i bin redim long en, na tu setifiket bilong Bahasa Indonesia we Edukesen opis bilong Indonesian Embasi long Pot Moresby i bin mekim redim.

I gat 113 Gret 8

sumatin bilong Sen Peter Chanel Praimeri skul Erima i bin graduet long December 7, 2005. Planti manmeri i bin kam na lukim greduesen bilong ol. Ambaseda bilong Indonesia, His Ekselensi Ambaseda Johannes Djopari, wantaim Dokta Johannes Esomar, bilong Edukesen na

Kalsa Atase bilong Indonesian Embasi i bin stap na lukim dispela greduesen.

Insait long toktok bilong em, Ambaseda Djopari i bin tok tenkyu long Sen. Peter Chanel Praimeri Skul i bin larim sumatin bilong Gret 7 na 8 i lainim Bahasa Indonesia insait long skul. Em i tok olsem:

"Lainim Bahasa Indonesia i no hat tumas olsem Inglis bikos Bahasa Indonesia em i isi tasol olsem Tok Pisin". Em i tok tenkyu long 113 Gret 8 sumatin na tok amamas long ol long kisim setifiket bilong Bahasa Indonesia.

Namel long toktok bilong em tu, Ambaseda Djopari i

bin presenim setifiket bilong skolasip i go long Clare Tomdia, Gret 8 sumatin bilong St. Peter Chanel husat i bin kam pas na kisim Daks long Bahasa Indonesia na olgeta subjek em i bin lainim long skul. Long ai bilong ol manmeri, Clare na tupela papa mama bilong em i kam na kisim setifiket bilong skolasip bilong wanpela yia (yia 2006).

Long nem bilong Embasi bilong Indonesia, Opis bilong Edukesen na Kalsa Atase i bin kamapim dispela skolasip.


Stat long yia 2004, sumatin bilong Grei 7 bilong Sen Peter's skul i bin lainim Bahasa Indonesia long klas rum bilong ol. Long 2005, Gret 7 na 8 i lainim Bahasa Indonesia. I gat tupela tisa bilong helpim ol-

Pater Paul Liwun SVD, i skulim Gret 8, na Anna Klova i skulim Gret 7.

Bilong helpim skul bilong St. Peter Chanel - Ambaseda Djopari i bin toksave insait long toktok bilong em olsem Embasi bilong Indonesia bai suplaim tebol, sia, desk na narapela samting bilong tupela nupela klasrum nau ol i wokim i stap long en.

Dispela yia em i namba wan Gret 8 husat i bin graduet wantaim setifiket bilong Bahasa Indonesia. Dokta Esomar, bilong Edukesen na Kalsa Atase bilong Indonesia i bin presenim setifiket na awod bilong Bahasa Indonesia i go long ol sumatin.

EDUCATION PAPUA NEW GUINEA Achieving a better future



Milne Bay Student

Providing Flexible Open and Distance Education gives alternative opportunities to students to pursue other pathways of formal education.

Distance education has the potential to reach a broader audience at lower cost both to Government and client. In addition, it has the potential to address the difficulties of distance and terrain in the delivery of education services to all Papua New Guineans.

The principal target groups will be:

- Grade 6 to 8 in remote schools
- Students who choose to complete their Grade 9 and 10 education through the Flexible, Open and Distance Education mode and gain entry into the formal system following graduation from Grade 10
- Those who want to complete a Grade 6 to 12 education
- Students who want to complete matriculation programs to progress into tertiary institutions
- People undertaking technical and vocational training courses.

More information can be obtained by contacting:

- the principal or head teacher in your local school or teacher's college.
- Officers in your district education office including the district education administrator, elementary trainer and primary inspector.
- Officers in your provincial education office including the provincial education advisor, reform coordinator, planner, inservice coordinator, elementary inspectors and training coordinators, primary, secondary and vocational inspectors.

Education information and publications are available from:
 Department of Education
 Media and Communication Unit
 First Floor, Fincorp Haus, Waigani
 PO Box 446, Waigani, NCD, Papua New Guinea
 Fax: (675) 301 3544

A restricted Flexible, Open and Distance Education college will provide an attractive alternative way for students who are unable to gain a place in the formal school system.

NATIONAL EDUCATION PLAN 2005 - 2014

Education PNG is a community awareness initiative by the government of Papua New Guinea. Supported by the Government of Australia through the Education Capacity Building Program.



Australian Government
AusAID



Department of Education

Mosbi haus sik kisim wilsia donesen

Salome Vincent i raitim

POT Mosbi Jenerel haus sik i kisim wilsia donesen i kam long wanpela memba bilong Esia komyuniti insait long Pot Mosbi.

Cliff Poh, i mekim donesen bilong 7-pela wok sia i go long Pot Mosbi Jenerel Haus sik.

Dispela donesen i kam long T.K Lee, husat Mista Poh i makim maus bilong em na givim ol wil sia i go long haus sik we kos bilong ol i stap namel long K3-4,000.

Mista Poh i tok strong olsem, planti taim midia i save ripot long ol samting olsem long raskol pasin i save kamap long PNG na i no gat gutpela ripot long ol gutpela samting olsem wanem kain ol liklik donesen ol manmeri i wok long mekim.

Em i tok raskel pasin i save kamap long olgeta hap long wol, na long sampela ples, dispela i bikpela moa long PNG.

Hausik i bin givim wanpela pepa we i soim hamas wilsia ol i laikim na namba inap long 29-pela wilsia. Mista Poh i bin mekim wanpela pesenel donesen bilong em long 12-pela wilsia long las mun na nau poro bilong em Mista Lee i givim 7-pela we nau i mekim 19-pela wilsia haus sik i kisim long sampela memba bilong Asia komyuniti.

Mista Poh i tokim Ekting Sief Eksekutyutiv Opisa(A/CEO) bilong haus sik, Dokta Simon Mete, long givim em wanpela list bilong ol samting we haus sik i laikim tru. Ol kain samting olsem ol bet bilong ol sik manmeri na bilong ol meri long haus karim, ol blanket na pilo we em i ken lukim na traim long kisim dispela ol samting.

Mista Poh, husat i bin mekim ol arapela donesen bipo long Tsunami long Aitape na Open Hat Operesen long 2004, na ol memba bilong Asian komyuniti i mekim ol donesen long haus sik na Sesaia Hom long kirapim tingting bilong ol arapela manmeri long givim helpim.

Nupela buk bilong Reip na Sosel Aidentiti

Stephanie Gimo i raitim

PNG i lonsim nupela buk long reip na sosel aidentiti o luksave.

Wanpela buk we i lukluk long reip, ol yangpela man na sosel aidentiti insait long sosaiti long Papua Niugini, em Dame Carol Kidu i bin lonsim long las wik Fraide.

Dispela buk we ol i kolim Reip na Sosel Identiti, em Sinia Risets Opisa bilong Nesenel Rises Institut (NRI), Fiona Hukula i bin raitim, taim em i bin stadi long Mastas digri pepa bilong em long Yunivesiti ov Sheffield long Inglan.

Taim Dame Carol i lonsim dispela buk, em i kolim Fiona olsem wanpela "hiro" husat i bin mekim dispela rises i go insait long wanpela samting we

i wok long kamap olgeta taim insait long PNG.

"Yumi, i nidim ol kain lain olsem Miss Hukula long mekim rises i go insait long ol samting we i wok long kamap insait long sosaiti bilong mipela, planti taim mipela i save toktok nating, no nogat as bilong ol toktok bilong mipela, yumi i mas painimaut moa long ol samting na noken mekim samting nating long tingting tasol."

Long dispela lonsing tu em, Dairekta bilong NRI, Dokta Thomas Webster i bin stap tu na autim toktok.

"Dispela isu bilong reip insait long kantri i wok long kamap olsem wanpela sosel samting, we mipela i save lukim i kamap insait long ol niuspepa bilong mipela long olgeta de na mi tok amamas long Fiona long lukluk

bilong em, long wanem stret i save mekim na ol pipel i wok long mekim dispela kain samting."

Mis Hukula i tok olsem, em i bin laik save bilong wanem tru na ol pipel i save mekim pasin bilong reip, moa yet, ol man.

"Mipela i stap nau long wanpela taim bom, we i gat planti ol yanpela man i stap nating na nogat wok bilong ol, na ol i save mekim dispela samting long kisim rispek i kam long ol yet na tu bikos ol poro bilong ol i tokim ol long mekim", Fiona i tok.

Em i tok tu olsem, midia bilong ol ovasis kantri, i save mekim riport olsem PNG em wanpela rabis hap long stap, bilong wanem i gat planti raskol pasin, we wokabout bilong ol meri i no seif.

Buk bilong Fiona Hukula i

toktok long ol samting olsem; hau na ol man husat i mekim pasin bilong reip i lukim ol yet, long wanem wei ol i ken kisim luksave long sosel sait na long tingting bilong ol long mekim dispela pasin, lukluk bilong ol man, risen bilong ol meri na bilong wanem tru na ol man i save mekim dispela pasin na tingting bilong sosel aidentiti na bilong wanem na em i bikipela samting long Papua Niugini.

Long wankain taim tu, Dokta Webster i tok olsem, mipela i mas wok hat long divelopim ol arapela rises institut insait long kantri, we bai strongim dispela lukluk bilong ol rises institut long ol samting we i wok long kamap nau yet long sosaiti bilong mipela.

Lo bilong Lukautim ol Meri Skruim Mentenens



Lo i luksave long tupela kain marit

Kastam marit:

Em i min olsem yu bin bihainim marit kastam bilong ol lain bilong yu, o ol lain bilong man, o ol lain bilong yutupela wantaim;

Statutori marit:

Em i min olsem, man i mekim marit bilong yutupela i gat laisens long Gavman long wokim marit bihainim spesel rul bilong marit lo. Sampela pater, minista o pasto bilong lotu na planti ol provinsel seketeri i gat laisens long mekim dispela kain marit.

Moa long neks wik

Sotpela Tok Lukaut Skruim Tok long HIV/AIDS

SAMPELA lain i gat HIV/AIDS i bilip olsem sampela ol diwai marasin bilong bus i helpim long daunim sampela sik we HIV/AIDS i kamapim. Piksa em, sampela lain i tok ol diwai bus marasin i ken daunim ol sampela sik olsem skin sigirap na kus. Tasol i kam inap nau, nogat diwai o bus marasin i ken daunim sik AIDS.

Sampela diwai bus marasin em ol i kostim bikipela mani tumas. Sampela lain bai giamanim yu long salim diwai na bus marasin bilong ol we i kostim bikipela mani na tok marasin ya i wok na i ken pinisim HIV/AIDS. Em i no tru. i moabeta yu tromoim mani bilong yu long baim gutpela kaikai na ol narapela samting we bai helpim sindaun bilong yu.

Yu mas kliia olsem sampela bus o tum-buna dokta i no sterelaisim o wasim resa long marasin bilong kilim dai binatang nogut long katim skin we binatang bilong HIV/AIDS i ken kalap i go long narapela.

Moa long neks wik



Banana Sips

Yu mas gat
Strongpela mau banana
Wara bilong muli
Gris bilong praim banana
Suga
Wara

Wei bilong mekim


1. Rausim skin bilong banana we i strong yet
2. Katim (slaisim) banana i go liklik (thin) olsem poteto sips
3. Putim banana yu katim i go insait long wara bilong muli olsem 15 minit o 20 minit
4. Rausim wara na praim insait long gris i go i nap em i kamap braun.
5. Long wanpela klin sospen, putim suga i go insait wantaim liklik wara na mik sim i go i nap suga i miks wantaim wara.
6. Putim banana we yu praim pinis i go insait na miksim i go i nap suga i karamapim gut banana.

Raun Lukim ol meri na Pikinini



GREDDUE-SEN:

I no ol pikinini tasol ol mama tu i greduet long ol kain skul olsem literesi skul olsem ol mama ya long Loreto ASAC Senta.



SOIM STAIL:

Edukesen Minista Michael Laimo na ol narapela bikman i laikim tru kain stail danis bilong ol Manus sumatin olsem dispela Sunam pikinini i soim long wanpela bikipela edukesen bung long Mosbi.



SOMAP LUKAUTIM FAMILI: Wantaim somap skul em i kisim, meri Enga Enga (will get name from Paulus) i somapim ol stail klos long lukautim famili bilong em. Lukim stori bilong em neks wik

Planti meri dai long karim pikinini

Stephanie Waide i raitim

BIKPELA namba bilong ol meri we i save dai taim ol i karim pikinini, em ol mama i gat moa long 6-pela pikinini na ol yangpela meri we i gat krimas long mak bilong 16 i go inap long 19, bos bilong Marasin na Helt Saiens skul long Yunivesiti ov PNG Taurama kempus i tok.

Em i tok ol dispela yangpela meri i save painim hat long karim pikinini na ol mama we i gat moa long 6-pela pikinini i nogat moa

.....Singaut long gavman long givim moa helpim

strong long karim pikinini.

Dokta Sapuri, i tok narapela samting tu we planti yangpela meri i wok long dai long ol ples em i pasin bilong kilim ol pikinini taim ol i yusim ol samting bilong tumbuna.

Em i tok sampela i save wok tasol, planti i save bagarapim ol yangpela meri tasol.

Insait long Pasifik rijen, PNG i gat bikipela namba tru bilong ol pikinini i save dai.

Namba bilong ol man-

meri i go antap na ol helt senta na haus sik namba i no go antap, ol i stap wankain tasol.

Dr Sapuri i tok, gavman i mas strong long lukautim ol kolij we i skulim ol nes na ol HEO bilong wanem, dispela ol manmeri i stap long fran lain long wok wantaim ol manmeri long ol as ples.

Em i tok, long dispela taim nau, namba bilong ol dokta i no nap long lukautim namba bilong ol manmeri bikos mak bilong ol pipel i go antap moa moa yet.

Wanpela dokta i mas lukautim 20 000 manmeri na dispela em putim traipela hat wok long ol dokta.

Long dispela taim tu, 50 pesen bilong ol Aid pos long PNG i pas pinis bilong wanem, nogat mani long lukautim dispela ol etpos.

Dokta Sapuri i singaut long gavman, ol grup bilong ol meri, sios na NGO grup long helpim helt long ol as ples.

Em i tok, yumi no ken stop, yumi mas suim het

na mekim gavman luksave long dispela hevi.

Dokta Sapuri tok, em i sori long tok olsem, long ol yia go pinis gavman i no givim bikipela komitmen.

Dokta Sapuri i tok, ol man husat i lukautim plen bilong wok bilong helt long PNG i no wok gut, em olsem na planti ol sevis bilong helt i no save bungim ol manmeri.

Em i wokim ol dispela toktok insait long wanpela konferens bilong ol meri i bin kamap long Mosbi.

STORI TASOL



wantaim

FR. PAUL LIWUN, SVD

Novena Las Posadas - Namba 1

LONG kantri Meksiko long Not Amerika, i gat wanpela gutpela tumbuna pasin bilong Krismas ol i kolim Selebresen NOVENA LAS POSADAS, i save stat long 16 i go inap long 24 Disemba. Novena Posadas em i bilong tingim Josep na Maria husat i bin painim ples long mekim redi bai Maria i karim pikinini bilong em.

Long 9-pela nait, manmeri) i wokabout i go noknok long haus dua bilong ol neiba long painim ples bilong slip. Famili bai amamas tru long larim ol neiba i kam stap wantaim ol na bung selebret wantaim. Novena Las Posadas em i wanpela gutpela tumbuna pasin bilong Atven insait long Katolik sios. Em i wanpela gutpela samting yumi mas tingim olsem wanem yumi save soim pasin bilong yumi i go long manmeri i kam na nok nok long haus dua bilong yumi long painim POSADAS (ples bilong slip/malolo). Yumi save soim intres i go long ol?

Ating sampela bilong yumi i save tingting planti long ol manmeri i save kam na noknok long dua bilong yumi. Kain wari i save stap olsem wari long kaikai, no laik bai yumi kisim nem nogut prèt pasin na moa. Yumi bai kisim ol long haus bilong yumi ol i mas painim narapela ples?

Wanpela stori bilong Novena las Posadas i bin kamap we wanpela boi i nogat papa mama i raun nating long wanpela kol Krismas nait long wanpela viles. Boi i bungim planti manmeri long rot hušat i bisi tru i go na i kam. Ol i karim planti beg we i gat planti presen bilong Krismas i stap. Olgeta manmeri i amamas tru na ol i gat ples we ol i go long em yet. Tasol dispela boi i nogat presen na i nogat wanpela klia ples em i laik go long en.

Ais na kol bilong Krismas nait i kilim em tru olsem na em i guria i stap. Em i tingim na em i tokim em yet olsem i no gutpela long stap wanpis i long Krismas nait. Tasol em i tokim em yet: "Mi bai painim wanpela posadas.

Em i go kamap long ol bikpela na naispela haus we naispela flawa gaden tu i stap na waia banis wantaim strongpela nil i raunim

Boi i kisim strong na go klostu long wanpela bikpela haus. Em i lukluk stil i go insait long windua na lukim wanpela bikpela krismas tri i ol bin bilasim gut tru wantaim Krismas lait na aninit long em, i gat kain kain presen i stap. Em i lukim tripela pikinini i pilai i stap. Wan wan taim ol i bin kisim ol presen i stap aninit long krismas tri na sekim. Em i go klostu long dua bilong haus na nok. Bikpela boi i opim dua na taim em i lukim boi i no klin tumas sanap long dua, em i tok: "Sori boi, papa mama bilong mipela i no stap long haus" Em i no laik narapela manmeri i bagaraim Krismas nait selebresen bilong ol na em i pasim dua. Boi ya i kisim bikpela hevi bilong kol bilong nait na em i go long narapela haus. Tasol long dispela haus i gat wanpela bikpela na fatpela meri i bikmaus na tok nogut long em: "Lusim haus bilong mi, yu pipia dok! Go! Go! Lusim haus bilong mi nau tasol".

Caritas holim bel isi woksop long Kavieng

Veronica Hatutasi i raitim

PIPEL i mas stap long was olgeta taim na noken ting olsem ples i orait na nogat trabel na yumi slek, Bisop bilong Kavieng Katolik Daiosis Ambrose Kiapseni i tok.

Em bin mekim dispela tok-tok long pasim wanpela wik "Pis Bilding woksop" we Caritas PNG na Sios Patnasip program we AusAID

i fandim i bin ranim.

"Mani i wokabout tasol bai i no bisi long man i wok long go daun long wara na i tro-moim han long helpim bikos em i ting man ya i tromoi han long tok halo long em.

Olsem tasol na bikos Niugini Ailans rijen em i ples bilong stap gut na nogat bikpela trabel i save kamap antap long Bogenvil hevi, ol pipel i noken slek, em i tokim ol trena i bin stap insait woksop.

Aninit long 2004 Stretijik Plen, strongim Pis o gutpela sindaun em i wanpela bikpela developmen gol bilong Caritas PNG. Na dispela woksop em i namba 2 long 4-pela woksop rijinel Pis Bilding woksop Caritas PNG i plenim long karimaut wantaim helpim bilong AusAID Sios patnasip program.

As tingting long Caritas i holim woksop em long givim trening i go long ol Caritas Daiosis Kodineta, ol hetman

bilong Sosel Komisn, ol daio-sis na ol arapela komyuniti lida long NGI rijen long go aut na trenim ol narapela long kamapim bel isi.

Olgeta 15 daiosis long NGI i bin salim ol lain bilong ol long woksop ya.

Long tripela ten wan (31) pipel, wanpela ten tri (13) meri i bin sindaun long woksop na dispela i soim olsem sios i gat strongpela sapot na luksave long ol meri.

Yangpela Kristen kisim salens

Paulus Tali i raitim

SALENS i go long ol kristen long sanap strong long bilip na strongim gutpela pasin long lukautim ol yet gut bikos bodi em haus holi bilong Bikpela.

Het Bisop Dokta Wesley Kigasung i wokim dispela salens long 33 yangpela pipel i bin kisim Sakramen bilong Konfemasio long Marimari Luteran Sios.

Samting olsem 1500 Kristen bilong ol arapela kongrikesen tu i bin stap insait long dispela bikde we ol yangpela i bin ksism Konfemasio na Baptais tu.

Siaman bilong kongrikesen na olpela Sief Jastis Sir Arnold Amet i salensim ol yangpela olsem dispela graun i gat



SALENS: Bisop Dokta Wesley Kigasung wantaim sampela yangpela i kisim konfemasio husat i gat salens long lukautim ol gut.

kainkain hevi na olsem ol yangpela i kisim konfemasio i mas lukautim gut laip bilong ol.

"Yupela i mas was long ol kain pasin na abrusim sin pasin," Sir Arnold i tok..

Long taim bilong givim baptais Bishop

Kigasung i tok long dispela tupela sakramen yumi manmeri i kam save long God na marimari bilong em na olsem yumi kamap fri.

Long skruim yet dispela samting long PNG, Bisop Kigasung i tok tok bilong God long rait bilong

Efesus sapta 2 ves 1 i go inap long 10 i tok we em givim 3-pela het tok bilong strongim ol yangpela.

Bisop i tok sapos yumi laik save long God yumi i mas kisim Jisas Krai pastaim long wanem em i rot," Bisop Kigasung i tok.

Bikpela bung bilong ol Kristen Bruder neks yia

KRISTEN Bruder kongrikesen long Oseania rijen bai holim bikpela bung bilong ol long mun i kam.

Samting olsem 360 Kristen Bruder i kam long Australia, Nu Silan, PNG, Kuk Ailan, Is Timor na Fiji bai stap insait long wanpela wik bung long Brisben, Australia long toktok long ol nupela wok misin i wok long kamap bilong dispela kongrikesen.

Bikpela wok bilong ol Kristen Bruder insait long PNG na ol kantri ol i wok long en em long wok long edukesen na ol skul.

"Bikos wok long edukesen sait i wok long kamap strong lo wanem moa lei pipel i go insait na strongim sait bilong

.... Lukluk long ol komyuniti wok strongim

edukesen, ol Bruder i laik go insait strong long ol eria we i gat bikpela nit long em. Em long helpim komyuniti long sosel eria, etvokesi na jastis i gat long em wok wantaim ol strit manki, ol pikinini i ron-awe long skul na ol pikinini i kam long ol famili i sot long samting," Bruder Kevin Ryan em Siaman bilong "Shaping Our Future Project" ol Bruder i laik mekim i tok.

Dispela em namba wan kain bikpela bung ol Bruder i holim long Oseania rijen.

Long nupela wok misin

bilong ol, ol bai opim opis long Filipins we ol Bruder bai opim skul bilong ol trangu lain long hap.

Bruder Ryan i tok dispela bung i givim sans long ol Bruder long bung wantaim na glasin na skelim na toktok long ol salens ol bai bungim taim ol i go insait long nupela eria bilong sosel na etvokesi na jastis we pastaim, ol i save lukautim edukesen sait tasol.

Long bung bilong ol, wanpela asples yangpela man PNG, Bruder Herman Wagira bai wokim laspela promis bilong em.

Planti Kristen Bruder i wok long PNG insait long ol skul na ol arapela sosel na etvokesi eria.

Haphap Nius

Ret Shil Apil Winim Mak

SALVESEN Ami Ret Sil Apil i abrusim taget bilong em na kamapim K266,794 long dispela yia. Taget em K20,000. Las yia, ol bin resim K230,000 Ret Sil Apil em rot we salvesen Ami i save putim aut askim long ol bikpela kampani, ol gavman na praivet sekta na pablik long givim donesen bilong ogenaisesen i karimaut sosel sevis bilong helpim ol trangu, ol yangpela kalabus, ol mama na pikinini i stap long hevi na ol kain wok olsem.

Ol bin kirapim Ret Shil Apil long yia 1984.

Siaman Sir Brian Bell i tok amamas tru long lukim apil i kamap gen dispela yia bihain long sampela yia we em i no kamap.

Luteran pasto bai wok misinari long Gemeni

Reveren Manasseh Lapu bilong Mararamu long Siassi Distrik bai go mekim wok pasto long Luteran Sios long Gemeni bihain em i kisim wanpela singaut long dispela. Em bai wok 5-pela krismas long hap. Nau yet, em i save mekim wok pasta long Kalvari Luteran Sios long Lae.

Em bai lusim kantri long mun i kam long go long Bavaria, Jemeni.

Taim Reveran Lapu i harim olsem em kisim singaut long go long Gemeni, em kirap nogut, tasol em i amamas long go mekim wok ministri long German, we ol Luteran misinari bilong ol i bin karim Tok bilong Bikpela i kam long PNG.

Siassi Distrik Luteran Presiden Reveran Micah i tok ol pipel bilong Siassi i amamas long lukim pikinini bilong ol i go long ovasis ministri.

Redio Lait kamapim K100,000

Wantok Redio Lait i bin kisim moa long K100,000 helpim bilong karimaut wok bilong em insait long wanpela fan resing dina long Holide Inn las wik we moa long 300 pipel i bin kam long en..

Redio Lait em Kristen redio we i save kamapim ol gutpela Kristen program i go long ol pipel bilong PNG na ol arapela hap bilong wol.

Ol bikman bilong ol kampani bin kamap tu long givim sapot bilong ol tu na memba Nipa Kutubu Honobol Robert i givim K5,000.00 long makim famili na ilektoret bilong em. Dispela taim planti Kristen tok ol save harim Wantok redio lait, ol save laikim tru we em senisim laip bilong ol na tu Jisas Krai, kam long laip bilong ol.



JOSEP WANTAIM MERI NA PIKININI I GO LONG ISIP

Ol saveman i go pinis, na ensel bilong Bikpela i kamap long Josep long driman. Ensel i tok olsem, "Yu kirap na kisim pikinini wantaim mama bilong en, na yu ranawe i go long Isip. Na yu mas i stap long Isip inap long taim mi givim tok gen long yu, long wanem, Herot i laik painim pikinini na kilim em i dai." Orait Josep i kirap na i kisim pikinini wantaim mama bilong en long nait yet, na em i bringim ol i go long Isip. Na Josep i stap long Isip inap long Herot i dai pinis. Dispela samting i kamap bilong inapim wanpela tok Bikpela i bin mekim long maus bilong profet. Em i bin tok olsem, "Pikinini man bilong mi em i stap long Isip, na mi singautim em long lusim Isip na em i kam."

MATYU 2: 13-15

Gret 8,10 na 12 setifiket bai redi

PLANTI papamama na sumatin i no amamas long ol pikinini bilong ol i pinisim Gret 8,10 na 12 na ol arapela teknikal na vokesenel skul i no kisim ol setifiket long pinis bilong skul yia olsem long olgeta yia.

Dispela em bikos i nogat Nesenel Edukesen Seketeri long putim signetja o mak long ol setifiket pepa bilong ol bihain long wok kontrak bilong olpela Edukesen Seketeri Peter Baki i bin ekspai las yia Novemba.

Dokta Joseph Pagelio i wok long ekt long dispela posisen, wetim Nesenel Eksekutiv Kaunsel long makim nupela Edukesen Seketeri.

....Bai gat signetja bilong Dokta Pagelio

Ekting Seketeri, Dokta Joseph Pagelio i tokaut olsem ol Gret 8,10 na 12 skul setifiket long ol sumatin husat i bin sindaun long 2005 tes bai redi long go pas long ol provins long tupela wik taim.

Em i tok ol setifiket bai redi long laspela wik long Disemba na ol (setifiket) bai gat nem bilong Dokta Pagelio na em yet bai sainim ol.

Dokta Pagelio i no amamas long ol sampela niuspepa ripot we ol i no sekim infomesen wantaim Edukesen Depatmen na tok tu olsem dispela ripot i no tru.

"Mi Ektin het long Edukesen

Depatmen we Gavman i givim dispela wok long mi i go inap ol i painim nupela Seketeri. Mi gat rait aninit long Edukesen Ekt long sainim ol setifiket." Dokta Pagelio tok.

"Ol setifiket i no save redi long taim ol skul save gat greduesen tasol ol skul bai gat list long ol Gret 10 na 12 risal o mak we bai kam long Mesamen Sevis Yunit (MSU) bipo skul i pas. Ol Gret 8 mak bai ol provinsel dipatmen yet i wokim." Dokta Pagelio i tok.

Em i tok olsem dispela ripot we i tok olsem ol setifiket bai redi long Mach ino tru na long dispela taim ol i wok long prinim ol setifiket na tu, putim fain-

ol mak long ol Gret 10 na 12 sumatin long setifiket bilong ol.

Moa long 8,400 Gret 12 setifiket, 27,400 Gret 10 na 65,000 Gret 8 setifiket bai Edukesen Dipatmen i givim long ol dispela sumatin na ol provinsel divisen long edukesen mas kwik taim givim ol setifiket long ol sumatin long skul bilong ol taim ol i redi.

Moa long 100,000 sumatin i bin sindaun long 2005 Nesenel tes na Dokta Pagelio i tok tenkyu i go long olgeta lain husat i go pas long hat wok bilong ol long redim ol setifiket na tu, em i salim gutpela tok i go long olgeta sumatin i mas stap na wokabout gut long laip bilong ol.

Ol bikpela toksave long 2006 skul yia

2005 SKUL yia i pinis nau na ol sumatin na tisa i stap long malolo, stat long las Fraide, Disemba 9.

Ekting Edukesen Seketeri Dokta Joseph Pagelio i amamas olsem dispela em bin wanpela gutpela yia na em i amamas long ol skul etministresen long kantri long gutpela wok ol i wokim.

Tasol em i tok ol skul etministresen i mas luksave nau long ol bikpela de na wok long redi long nupela skul yia long neks yia, 2006.

Emi tok ol tisa i mas go bek long wok long namba 23 de long mun Januəri, 2006 long mekim ol wok redi, rejstresen wantaim ol gavanin bodi long ol skul na tu long redim wok pepa long ol sumatin long wokim taim skul i op gen long Mand, Januəri 3 neks yia Januəri.

Dokta Pagelio i ol provinsel skul divisen i mas lukim olsem ol tisa i save long apoinmen

bilong ol bipo 2005 skul yia i pas na nogat hevi bai kamap long pe bilong ol.

BIKPELA TOKSAVE

"Ol tisa i mas save long skul ol bai tisa long em long neks yia, 2006 bipo long pinis bilong dispela yia, 2005.

"Ol provinsel Edukesen divisen i mas givim ol rait infomesen bilong ol tisa olsem nem, fail namba na posisen namba i go long ol sait lida na ol i ken salim ol korek infomesen i kam long Waigani.

"Waigani i wok long prinim ol impotent risamsen fom na bai tilim i go long ol Provinsel Edukesen opis na ol bai salim i go long ol skul bipo long Januəri 23.

"Ol tisa bai stat wok long redim nupela skul yia long Mande, Januəri 23,2006

"2006 skul yia bai stat long Mande, Januəri 30, 2006.

Wina bilong Litresa resis nau nait

Stephanie Gimo i raitim

NESENEL Litresi Bot bai tokaut long wina bilong Nesenel Litresi Kompetisen tunait.

Moa long 370 i salim ol stori long resis bilong Nesenel Literesi Kompetisen.

Nesenel Litresi Kompetisen bilong dispela yia i soim olsem ol manmeri bilong Papua Nuigini i nap long bekim olgeta ketogori we i bin kamap insait long Nesenel Literesi Kompetisen.

Kompetisen we i bin stat long mun Ogas bilong dispela yia na pinis long Disemba 3 i lukim moa long 370 manmeri i salim ol entri bilong ol long olgeta 14-pela kategori bilong kompetisen.

Siaman bilong Nesenel Literesi Bod, Steven Winduo i tok olsem dispela i soim olsem ol manmeri insait long kantri i wok long rait long olgeta kategori.

Dispela Nesenel Litresi Kompetisen, Bod i bin amamas tru long lukim planti ol pipel bilong PNG i salim ol samting ol i raitim kam insait long kompetisen. Ol pipel husat i salim entri bilong ol i kam long kainkain wokabout long laip," em i tok.

Prais mani bilong Novel raiting i stap long mani mak bilong K1,500 (fes prais), K1,000 (seken prais) na K500 (namba tri prais) na bilong ol arapela kategori em prais moni i stap namel long K500-K60 long wanwan ketogori. Dispela i lukim total prais mani i stap long mani mak bilong, K13,100 we Nesenel Kaisel Komisin yet i katim.



OL MANKI KEN KUK TU: Gret 10 De La Salle sumatin Peter Pilon i kisim nambawan prais long Hom Ikonomiks i sindaun amamas wantaim papamama bilong em.

Edukesen Fainens opisa greduet

Stephanie Waide i raitim

DIPATMEN bilong Edukesen i lukim ol wok manmeri bilong em i greduet long wanpela sapot staf trening kos.

Dispela kos i lukim ol greduesen bilong en i kisim setifiket long tripela kos. Fainensel menesmen o wok bilong lukautim mani, ripot raiting o wei bilong raitim ripot, na konflik resolusen o rot bilong stretim sindaun bagarap.

Wok bilong ol dispela sapot staf em

long helpim ol supevaisa bilong ol long karim aut ol sampela wok.

Misis Apai, Asisten Seketeri bilong Baset na Fainens Divisen i tok dispela i ken helpim ol wok manmeri bilong ol long apim level bilong wok bilong ol wokples na long helpim ol arapela wok pren bilong ol.

Demas Tongogo, em Deputi Prinsipel bilong CODE, na wanpela bilong ol husat i greduet, i tok dispela kos opim ai bilong em long lukim we em i ken helpim ol arapela. Em i tok nau em i kontribut bikpela moa yu.

TOK LUKAUT

wantaim

DAVID EPHRAIM



Salens long Intelijens Ejensi bilong kantri

LONG sampela wik i go pinis i bin gat bikpela kibung insait long Mosbi we i lukim ol bik manmeri insait long Pasifik i kamap long toktok long ol rot bilong stretim sindaun bilong ol yut insait long Pasifik. Moa long dispela, planti ol yut lida i bin toktok strong long gavman bilong ol kantri we i nogat yut polisi o samting we i save helpim gavman Ionsim Pasifik Yut Polisi 2010.

Dispela bai lukim planti development insait long ol kantri insait long Pasifik long sevis i go long yut.

Long kantri yet i luk olsem bai i gat planti moa sans long kamapim ol rot bilong helpim ol yut wantaim dispela nupela rot bilong bringim ol sevis long yut.

Yes, em wanpela samting we yumi mas amamas long go het long en. Long dispela taim yet i gat wanpela samting we em wok long kamapim bikpela hevi em long ol sampela bipo soldia bilong Fiji i stap insait long Bogenvil. Mi laik taim tromoi sampela tingting bilong mi tasol long yupela ol manmeri. Lukim gut dispela ol Fiji man i bin brukim lo bilong kantri na tu ol i sekim stret sekyuriti bilong kantri bilong yumi na ino luksave olsem yumi wanpela kantri.

Gavman i mas mekim save long ol dispela lain nau. Noken tingting kumas long wanbel yumi gat wantaim ol Pasifik Komuniti. Nogat dispela lain em ol wok olsem ol teroris

Planti taim yumi harim olsem Noah Musingku i wokim kainkain rot bilong bringim ol kainkain sapot long helpim kamapim beng na gavman bilong em yet. Askim i kam long PNG Gavman wanem rot yu wok long kisim long stopim dispela man nau. Bilong wanem yumi lukim planti ol samting i kamap. Kain olsem em i gat State Light Disk Network na tu i gat link i go long wanpela kampani long Amerika we ol i kolim long Majesty Capital Limited. Dispela em ol wok painim aut mi wokim tasol mi no inap tok aut moa long sampela tasol. Mi laik traim salensin National Intelijen ejensi olsem wanem rot em

wok long wokim long traim bringim dispela man long lukim lo o givim mekin save long em i bagarapim planti famili long kain mani skim o bisnis olsem. Na Gavman i save tu olsem U-Vistrek i gat opis long Mosbi na narapela hap nabaut long kantri..

A COLLEGE TO CHANGE YOUR WORLD IN 2005

YOUR accredited international awards

Invest in accredited qualifications and skills to gain a successful career. Everything you need for study success is provided; Training Materials, Guide, Exams, Revision Tests, Exam, Award.

Diplomas (£150/US\$300/AUS\$360)

* Accounts, Hotels, Tourism, Computers
* Business, Management, English, Stores
* Personnel, Office, Purchasing, Advertising
* Marketing, Insurance, Secretary, Office
Advanced Diplomas, BBA, BCom, MBA
* Business, Marketing, Finance, Organization

For a FREE Prospectus/brochure contact:
CAMBRIDGE INTERNATIONAL COLLEGE
P.O. Box 1378, Southampton,
SO17 3WX, Britain

Web: www.cambridgecollege.co.uk
email: info@cambridgetraining.com
Fax: +44 2380 337200

Accredited British Training & Education
registered with the National Training Council
& Ministry of Labour of Papua New Guinea

Nogat wok developmen i kamap

Dia Edita
MI WANPELA Marawaka mi laik autim belhevi na wari bilong mi. Gavman bilong Sir Michael Somare em i no kamapim wanpela nupela rot projek long ol provins. Nau em gutpela taim bilong bringim ol rot i go insait long hap we nogat rot long en. Bikos olgeta hap i no develop yet na Somare kisim hariap independens olsem na nau em stap long gavman na ronim kantri em mas lukluk long ol hap we nogat rot long kar i go long en. Long distrik bilong mi long Marawaka i nogat wanpela rot kar i go yet.

Dispela ilektoret bilong John Koikiri stap long en. So nau gutpela long Sir Michael Somare em ronim kantri em mas katim sampela bikpela mani na givim long ol ilektoret memba na ol i ken bringim rot kar i go long ol manmeri long ples.

Em tasol belhevi na wari bilong mi. Yu husat i laik sapot o agensim, yu welkam tasol long rait i kam long *Wantok Niuspepa*

**RAYMOND SUATNA
KIMBE
WESTEN HAILANS
PROVINS**

Noken larim ol komunis sios kam long kantri

Dia Edita
MI LAIK autim wari bilong mi bai wari bilong mi i go long opis bilong Foren Afeas Minista, Hon. Rabbie Namaliu. Em i olsem yumi PNG yumi yet i kolim kristen kantri. Na ol narapela kantri tu ol i kolim yumi PNG kristen kantri.

Na tru tru yumi PNG kristen kantri. Orait noken larim ol muslim lotu o ol narapela sios i kam insait long kantri. Em ol bai paolim tingting bilong ol kristen o ol pipel. Na bihain taim muslim


lotu bai tekova long dispela kristen kantri bilong yumi. Mi laikim ol 5-pela sios tasol i mas wokim wok bilong God long dispela kantri.

Ol sios ya em Katolik, Luteran, Yunaitet, Engliken na Seven De. Dispela ol sios kam pas long PNG bipo yet. Em ol sios hia wokim wok bilong God i strong i stap ol i no bruk daun. Mi laik tokim ol lida olsem ol muslim na ol hindu em ol komunis lain kam grisim o belpilim mani milien kina yupela i

kaikaim na tok orait long ol kam insait.

Em God bai kotim yupela long bihain. Em tasol mi autim tingting bilong mi i go long ol lida bilong gavman. Yu husat brata o susa sapotim o agensim rait tasol long *Wantok Nius* na mi bai lukim.

**MARK LUPI
MT HAGEN
WESTEN HAILANS
PROVINS**



Wanem as na polis kilim ol skul mangi

Dia Edita
BELHEVI bilong mi olsem, mi lukim tupela polisman bilong Enga kamaut long Novemba 3, 2005. Tupela taitim bun na sutim skul mangi bilong Pogera Praimeri Skul. Planti bikhet man i kilim waitman na yumi PNG tu. Planti i dai long han bilong man nogut tasol yupela i no save mekim wanpela samting. Taim bilong pait wantaim skul

mangi yupela i gat moa pawa em i no pikinini enimol. Yupela i gat brata na pikinini ya tingim bek na wokim wok. Em tasol na husat brata o susa yu i no wanbel rait tasol long *Wantok Niuspepa*

**WALI MARIAPU
IKINI
MT HAGEN
WESTEN HAILANS
PROVINS**

Awenes wok long strongim pasin pamuk

Dia edita
MI LAIK sapotim pas bilong brata James A. Kenzu. Em i kamap long Oktoba 20, 2006. Planti taim ol HIV/AIDS awenes kansol ol i save tok olsem yupela i laik koap yupela mas yusim kondom. Tasol ol i save giaman ol i save promotim pasin pamuk i go bikpela na namba bilong sik AIDS i wok long i go antap tru. Olsem na ol mas stopim kondom.

Yumi mas klia yumi i ken yusim kondom tasol dispela sik AIDS em bai kisim yumi yet. Olsem na mi ken tok olsem kondom i nogat strong na pawa long stopim AIDS. Dispela sik ol kolim AIDS em i kam long nem bilong ol dispela kain manmeri we ol i save hambak na mekim pasin pamuk. Em i kam long nem bilong ol stret. Olsem na kondom i nogat pawa long stopim dispela sik. Mi ting olsem i nogat wanpela rot long stopim dispela sik. Wanpela samting mi ken tok olsem yumi harim tok bilong God na tanim bel em bai i orait. Tok bilong God tasol em i gat pawa na strong long stopim dispela sik. Em tasol liklik sapot bilong mi long brata James A. Kenzu olsem na husat brata na susa yu lukim na yu laik sapot o olsem wanem yu ken rait tasol i kam long *Wantok Niuspepa* na yumi i ken lukim.

**JOHN PIKUS
LORENGAU
MANUS PROVINS**

**HERU ANABISA
POT MOSBI
NCD**

Pik i no bosim bilip bilong man

Dia Edita
MI WANPELA rita bilong *Wantok Niuspepa* na mi laik bekim pas bilong Peter Nana bilong Mt Hagen long 10 Novemba, 2005. Peter i bin tok husat i kaikai pik bai go long hel.

Olgeta kristen long olgeta hap bilong dispela graun ol i save bilip long Jisas em i peman bilong ol na ol i save kaikai pik tu. Tok bilong Jisas i dai na kirap bek em i go long olgeta kain kala skin, tok ples, na kalsa. Ol manmeri i stap long ol dispela ples ol i bilip long Jisas Kraus em Pikinini bilong God.

Mi laik yu lukim long tok i stap long nupela testament buk Kolosi 2: 16-17 na i go long olgeta long 23 tu. Yu i mas bilip long Jisas em i samting tru. Em i as bilong olgeta tok i stap long Baibel.

Man i kaikai pik o i no kaikai bik em ol i gat spirit bilong God na em ol i gat olgeta rait bilong ol long bilip long Jisas na stap wantaim em long Heven. Mi wetim long husat i ken bekim o skurim.

**PASTOR NUKUNDI RUIG
ELC HAGEN
WESTEN HAILANS
PROVINS**

Rivaivol Sios i mas kam long Manus

Dia Edita
MI LAIK toktok na agensim lotu bilong ol Rivaivol we ol i holim long Pot Mosbi Sir John Guise Indoor Stadium long Septemba 23-25. Mi lukim long *Wantok Niuspepa* long Oktoba 20-26, 2005.

Mi lukim dispela stori we John Kopap em bilong Mendi Sauten Hailans provins i stori olsem em i lukim mirakel we God i mekim orait ol sikmanmeri na yau pas harim toktok, maus pas toktok gen na hap bodi dai i wokabaut, sik HIV/AIDS orait.

Na tu ol i tok ol i baptaisim 836 manmeri olgeta i kam long planti hap na ol i stap long Mosbi tu. Tasol mi no bilipim dispela tok bikos dispela ol sik i nogat marasin bilong ol na tu mi no

bin harim tu bipo olsem na mi agensim dispela sios Rivaivol.

Mi no save lukim tu ol kain namba olsem ol Rivaivol sios i baptaisim ol manmeri olsem. Olsem na mi putim dispela salens long ol Rivaivol sios olsem yupela i mas askim gavman bilong Manus na kam long Manus na oraitim ol planti kain ol sik olsem yupela i tokim pinis long niuspepa olsem yau pas maus pas, ai pas, paralais na HIV/AIDS we i strong moa long Manus.

Mi laik lukim stret long ai bilong mi na harim long yau bilong mi stret. Mipela ol manmeri bilong Manus i hangre tru long dispela sios i mask am na baptaisim na oraitim ol, we ol i gat kain sik olsem.

Mi bin lukim tasol ol man na meri i save werim ol tiset bilong Rivaivol tasol, sios yet i no kamap long Manus. Ating sapos yupela i kam nau em bai yupela bai opim ai bilong ol manmeri na sios bai muv insait long Manus provins.

Na long pinisim plis mekim wanpela kopi bilong dispela pepa na givim i go long pasto na hetman bilong dispela sios Rivaivol long ritim na kam long Manus sapos ol ting olsem ol i trupela sios.

**JOHN PIKUS
LORENGAU
MANUS PROVINS**

Pasin pamuk i bikpela tru long Is Sepik provins

Dia Edita
MI RAITIM pas i go long *Wantok* na tok strong i go long ol pasin pamuk i wok long kamap long ol hotel, ges haus, setelmen na olgeta hap long Wewak taun we em i sting na pipia pasin tru long kisim kwik mani long salim ol bodi bilong ol meri. Mi sem tru long lukim ol yangpela ol 14, 15, 16 yia meri sanap long Winjama, Si Viu na Wewak Hotel

long kisim ol man na salim bodi bilong ol long bia, kaikai, rum, kar na K100 o K200.

Taim ol i wokim ol pipia pasin sik AIDS tu i wok long kam klostu long Is Sepik provins. Mi askim Provinsel AIDS Komiti long go aut na mekim awenes bilong ol long dispela hap.

**JOHN KRIOSAKI
WEWAK
IS SEPIK PROVINS**

Narakobi em i gutpela man

MI PAUL Baulin Ninkama, na mi stap olsem mausman na komyuniti lida bilong manmeri antap long 14 mail, Sogeri Rot, Sentral Provins.

Mi no amamas long tingting bilong Gavman long makim Bernard Narakobi olsem Hia Komisina bilong Papua Niugini i go daun long Nu Silan.

Bilong wanem mi lukim olsem planti hevi i wok long kamap insait long Gavman, na mipela ol liklik manmeri bilong dispela kantri i nidim ol man olsem Bernard Narakobi long stap insait long kantri long tokaut long dispela ol hevi insait long kantri.

Dispela ol hevi i bin stap long taim bilong independens i kam

nau. Kain saveman olsem Bernard Narakobi, husat i wanpela humen rait lida bilong PNG, i mas stap insait long dispela kantri, bilong wanem em i olsem wanpela wasdok bilong ol liklik pipel bilong Papua Niugini.

Lukluk bilong mi yet, mi lukim olsem Gavman i rong long salim Bernard Narakobi olsem Hai Komisina i go daun long Nu Silan.

**PAUL BAULIN NINKAMA
14 MAIL
NCD**

**Toksave:
Sampela ol pas mipela i kisim i longpela tumas na i no givim spes long ol arapela pas, plis raitim pas liklik.
Na tu putim nem na adres bilong yu long olgeta pas yu salim i kam, tenkyu.
- Edita**

WANTOK
KOMENTRI

Ol provins i mas opim ai nau

EM i taim bilong kirap, opim ai na taitim bun long karim ol gavman sevis i go daun stret long ol pipel insait long wan wan distrik long kantri.

Em i taim bilong ol provinsel lida bilong yumi long lusim pasin bilong kros pait long moni na wok bung wantaim long kamapim moa wok developmen insait long ol distrik.

Olgeta dispela toktok i kam long ol bosman bilong moni bilong yumi.

Minista bilong Fainens na Treseri, Bart Philemon i tokaut na aiwara bilong em i pundaun taim em i givim tok piksa long ol bosman bilong ol gavman dipatmen na ol provinsel etministreta.

Em i no wanpela nupela samting. Ol lain pipel bilong yumi insait long ol distrik i save long ol hevi i stap long ples. Ol i save long bikpela prais bilong baim rais na tinpis long ol bus stoa.

Ol i save long pen ol i save pilim taim bikpela tait wara i save bagarapim sindaun bilong ol na i nogat wanpela gutpela gavman sevis i save go painim ol.

Na ol i save long hevi i stap antap long sol bilong ol taim ol pikinini bilong ol i sik na ol i karim ol i go long helt senta na i nogat marasin.

Wan wan long ol provinsel etministreta na seketeri bilong ol gavman dipatmen i mas traim go stap long liklik ples bilong ol bai ol i ken luksave long ol dispela hevi. I no samting bilong nau tasol. Nogat. Em i samting bilong bipo yet.

Wanpela samting we i mas kamap ples klia em strong bilong wan wan lida insait long provins long luksave long wok bilong ol long lukautim moni bilong provins.

Seketeri bilong Nesenel Plening, Valentine Kambori i mekim bikpela singaut pinis long ol lida insait long ol provinsel etministresen.

Planti taim ol lida insait long provins i save sutim tok long ol nesenel dipatmen long ol i no hariap long givim moni bilong ol provinsel projek.

Tasol nau bikpela moni plen bilong gavman bilong neks yia i givim luksave long strongim wok developmen insait long ol provins.

Dispela nau bai lukim ol distrik i kisim ol sevis we ol i save kraik long en olgeta yia.

Bikpela wok nau i stap long han bilong ol provinsel na distrik etministreta long kisim dispela moni na skelim stret bihainim ol distrik program bilong nesenel gavman.

Em i namba wan taim we gavman i givim bikpela luksave tru long ol distrik, na mipela mas yusim gut dispela moni bai ol pipel i ken luksave long gutpela taim bilong en.

Sapos nogat, bai ol pikinini i dai yet, na bai ol pipel insait long ol distrik i stap wankain yet.



Stretim gut rot bilong 2007 ileksen

TAIM bilong 2007 nesenel ileksen bai kamap klostu na nau em taim bilong klinim na stretim sampela rot pastaim.

Namba wan em ol lain bilong karimaut ileksen. Ol wokmanmeri bilong lilektorel Komisin i mas stretim rot na ol wok bilong ol gut pastaim long ol i go aut. Dispela em bikos ol i namba wan lain bilong mekim ileksen i kamap gut. Sapos ol i no mekim gut wok bilong ol bai ileksen i bagarap. Na dispela inap kamapim planti hevi na trabel long ol ilektoret na gavman bai inap tromoi bikpela mani tru long karimaut ileksen gen o go long kot long stretim ol hevi i kamap.

Olsem na bikpela samting em opis bilong lilektoret Komisin i mas redim em yet gut nau pastaim long em i ting olgeta samting bai i go orait.

Long 2002 nesenel ileksen long kantri planti ilektoret i bin



bungim planti hevi. Taim ol dispela hevi i kamap, ol kendidet o lain i lus long ileksen i go long kot. I gat luksave olsem sampela bilong ol hevi i kamap long ileksen em asua bilong ol wokmanmeri bilong karimaut ileksen yet. Ol lilektoret Opisa na Ritening Opisa i mekim sampela asua tu we ol inap long stretim pastaim long go het na tokaut o diklerim nem bilong wina.

Wanpela gutpela asua em long Midel Ramu we ol i kaurim balot pepa na komplem i kamap olsem na ol i karim ol balot pepa long balus i go long Madang long Ritening Opisa i skelim na tokaut long wina. Sampela balot bokis i kam long nait na kam long tali rum

we dispela i no stret olgeta. Sampela balot bokis i gat nem bilong wanpela kendidet tasol insait. Sampela balot bokis em ol asples lain yet i karim i kam na nogat gavman opisa o polisman i kam wantaim. Sampela balot bokis i nogat na ol i pulapim balot pepa long katen bokis o patrol bokis na karim kam long tali rum. Em planti kain kain komplem na kros we i bin kamap long 2002 nesenel ileksen na bipo tu.

Dispela i mekim planti kainkain kot bilong Disput ov Ritens i kamap long planti ilektoret we i pulim kot i go longpela taim tru na ol memba i no sindaun gut na mekim wok bilong ol bikos ol i raun raun long kot ya.

Dispela em sampela bikpela asua bilong bipo olsem na nau yumi laik traim long abrusim ol kain hevi olsem na kamapim gutpela 2007 nesenel ileksen.

Dispela tu bai namba wan taim bilong nupela ileksen sistem bilong Priferensel Voting Sistem bai kamap. Olsem na mekim samting stret bai yumi ken lukim dispela nupela stail o pasin bilong vot i ken kamap gut long kantri na i ken wok gut tu long planti ileksen i kam bihain.

Ileksen em bikpela samting long kantri bikos em taim bilong yumi makim ol lida na mausman bilong yumi i go long palamen long mekim ol bikpela disisen na lo bilong lukautim laip na sindaun bilong yumi na kisim dispela kantri i go fowet long gutpela rot.

Em i min olsem taim i gat lida, kantri na pipel i muv fowet na ol senis na developmen i kamap. Olsem na wok bilong lilektoret Komisin em bikpela samting tru long developmen na gutpela sindaun bilong dispela kantri bilong yumi.

Tanim bel na God bai i oraitim yu

BIPO long taim bilong ol Israel i gat wanpela kain sik i bin i stap. Em sik Lepra o sik tomato. Na God i tok dispela sik o sua i doti long ai bilong em. Wok Pris 13:1-46 i soim yumi dispela sua o sik nogut i bin i stap. Taim lepra i no kamap yet bai sampela mak i mas kamap pastaim.

- Wok Pris 13:1-28
1. Skin na sua na buk bai kamap
 2. Kaskas bai senis
 3. Sampela mak bai kamap long skin
 4. Het gras bai lus na sua i kamap

Mak bilong sik lepra i kamap long ol samting ves 47-59. Mak i kamap long laplap olsem wanem! Wok Pris 14: 33-57 Haus i kamapim sampela mak i soim olsem i gat sik lepra i stap.

Wok Pris 15:1-19 Man i gat sik gonoria o susu kam aut long ples bilong pispis. Dispela



man i kamap doti olgeta long ai bilong God. Na olgeta samting em i save yusim tu i kamap doti tu long ai bilong God. Na em i noken mekim pasin pamuk wantaim wanpela man o meri, ol tu bai kamap doti.

Wok Pris 15:20-30 Ol meri i gat sik mun ol i kamap doti long ai bilong God tu. Na ol i noken i go klostu long haus sel bilong God, na tu ol i noken slip o pasin pamuk wantaim wanpela man o meri, ol tu bai kamap doti long ai bilong God.

Nau i gat wanpela kain sik i kamap bikpela hia long PNG na tu long arapela kantri. Dispela sik ol i kolim AIDS na dispela sik i ron olsem wara na kilim i dai planti manmeri na

dispela sik i doti long ai bilong God.

Harim Gut! Sapos, yu laik abrusim dispela sik orait yu i mas pret long God na lukautim yu yet na i stap holi na i stap aninit long God taim yu i stap laip long dispela graun. Dispela sik i kamap long rot bilong pasin pamuk na God Bikpela i tok wanem long dispela.

Wok Pris 20:10-20 God Bikpela i gat olgeta strong, i bin tok lukaut long yumi long ol kain pasin pamuk na ol kain karangi marit ol manmeri i noken mekim.

Sapos yu no bihainim ol lo na oda God i givim long yumi orait bai yu kisim hevi bilong rong yu i mekim.

God i bin givim oda long ol lida bilong Israel long kilim ol manmeri i dai sapos ol i kalapim lo bilong God na mekim kain dotipela pasin. Wok Pris 20: 10-20 God i tok long kilim ol manmeri i dai.

Noah na long taim bilong Abraham na Lot. Pasin pamuk tasol na God i kilim ol manmeri. Taim bilong Noah Stat 6 na Stat 7 God i kilim ol manmeri wantaim wara.

Taim bilong Abraham na Lot Stat 19:1-29 God i kilim ol manmeri wantaim para.

Nau long taim bilong yumi God i stat long kilim ol manmeri wantaim sik AIDS.

Dispela 3-pela rot bilong dai i kam stret long God. Na God i no laikim dotipela pasin pamuk na karangi marit pasin.

Tanim bel na God bai oraitim yu. Sapos yu i gat sik AIDS yu mas hanap i go long Sios lida, tokim ol, olsem yu rong na kisim dispela sik na tok sori long God na ol lida i mas prea long God na bai yu orait. Dispela em wanpela rot tasol long pinisim ol sik AIDS na em i marasin tru bilong rausim sik AIDS.

GOD BLES PNG!

WANTOK

Published Weekly, Thursday, for Word Publishing Company, Ltd.

P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia
52 niuspepa


Ples:	Air:
PNG	K140.00
AUSTRALIA	US\$100.00
ASIA PACIFIC na JAPAN	US\$80.00
AMERICA na EUROPE	US\$150.00

A/General Manager
Elizabeth Konga

Editor
Neville Choir

Published at Section 58, Allotment 3, Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.




Bebi o pis meri? EM bebi tasol ya. Liklik Milagros Cerron i pilai wantaim ol kain kala bal long wanpela haus sik long siti Lima long kantri Peru. Cerron i kisim nem 'Liklik Pis Meri' bihain long mama bilong em i karim em tasol tupela lek bilong em i bin pas wantaim. Bihain long ol dokta i katim em 6-pela mun i go pinis, em i wok long orait nau.




Sore long em... WANPELA meri Irak i krai na askim ol US Soldia long lusim pikinini man bilong em. Ol soldia bilong Amerika i bin holim em taim ol i raun painim ol birua pait man bilong Irak. Gavman bilong Irak i wok long mekim ol bikipela polis wok long lukautim ol ples we ol manmeri bilong Irak bai go long vot long en long nesenele ilek-sens.


WOL NIUS



Brukim pait... WANPELA paiaman bilong kantri Haiti i yusim hos wara long traim brukim ol lain manmeri i bin kros pait na mas i go long fan bilong nesenele haus bilong prins bilong Haiti. Ol pipel i bin pait wantaim ol polis taim ol i tokaut agensim raun bilong Presiden bilong Dominiken Ripablik Leonel Fernandez.



Mekim pawa wantaim wara... TRIPELA saveman bilong kantri Netalens (Netherlands) em ol i mekim nem i stap long wanem ol i mekim wanpela masin we i save kisim solwara, bungim wantaim wara bilong maunten na kamapim pawa long en. Sybrand Metz (Han sut), Joost Veerman and Piotr Dlugolecki (Han kais) bilong Wetsus Institute i soim dispela masin we i save mekim pawa long wara nating. - Reuters



Gavman kilim em... DISPELA piksa em piksa long Stanley Tookie Williams, wanpela man Amerika husat i bin stap kalabus na kot i bin givim mekimsave aninit long lo bilong kilim man i dai. Long Mande long dispela wik, ol dokta i bin givim sut long en wantaim marasin bilong kilim em. Stanley em i bin go kalabus long kilim man na em i bin wanpela man husat i bin statim wanpela bikipela raskol geng long Amerika, ol i kolim 'Krips'. - Reuters

PASIFIK NIUS

HONIARA - Solomon Ailans

Ol takis senis progrem bai go long ol provins

OL BIKPELA pablik kibung bai kamap insait long ol provins long paitim toktok long ol takis senis we gavman bilong Solomon Ailans i laik kamapim.

Namba wan provinsel kibung bai kamap long Auki taun long dispela wik.

Toksave i kam long gavman i tok ol opisa bilong fainens na treseri dipatmen bai raun i go long olgeta hap kona bilong kantri long kisim tingting bilong ol pipel. Em bilong givim sans long ol pipel long kamapim wanpela strongpela takis sistem.

Long Tunde dispela wik Fainens Minista Peter Boyers i kirapim wanpela paitim tok em i kolim "Moabeta Takis Sistem bilong Solomon Ailans", we i bin tok kliia na makim ol kain kain hevi i stap insait long takis sistem i stap nau.

"Olsem na komyuniti i no save kisim gutpela sevis na ol i save baim bikipela moni tru. Na tu, ol bisnis i no inap long givim wok long olgeta manmeri husat i laik wok. Dispela em i no samting bilong ol taun na siti tasol. Dispela takis sistem i wok long daunim developmen insait long ol ples. Long gro

bilong bisnis tasol bai ol liklik manmeri i ken bungim liklik moni long baim klos, bensin na ol arapela samting," dispela riport i tok.

PASIFIK

Pasifik Forum laik salim wokmanmeri go long ol liklik ailan kantri

PASIFIK Ailans forum i wok long skelim tingting long salim ol wokmanmeri bilong en i go long wan wan long 6-pela ailan kantri insait long rijen.

Nauru, Cook Ailans, Kiribati, Niue, Tuvalu na Marshall Ailans em ol i save lukim ol olsem ol i nogat inap strong na Pasifik Plen bai lukim moa beta wok bung bai kamap namel long ol yet.

Seketeri Jenerel bilong Forum, Greg Urwin i tok ol i laik mekim bai ol sevis i kam olsem long Forum bai i ken go long ol liklik kantri. Em i tok dispela bai lukim makim bilong wanpela Forum mausman i go long wan wan long ol dispela kantri.

Mista Urwin i tok ol i wok long traim kisim helpim moni long Nu Silan gavman long baim ol dispela mausman bilong go long wan wan kantri.

FJI

USP bai opim nupela skul long Yaqara Studio Siti

YUNIVESITI bilong Saut Pasifik (USP) bai putim FJ\$10 milien long sanapim wanpela nupela kempus long Yaqara Studio Siti long Ra provins bilong Fiji.

Ol i sainim pinis wanpela agrimen dispela wik namel long Yaqara Grup Limitet (YGL) na USP bilong sanapim bilong dispela nupela kempus we bai i lukluk moa long ats insait long Pasifik.

Dispela agrimen bai lukim namba wan taim dispela kain wok bung i kamap long strongim krietiv ats we ol bai sanapim wanpela intanesenele odio visuel skul we ol bai kolim 'Pasifik Institut bilong Krietiv na Dramatik At (PIDCA).


PIDCA bai givim ol digri kos long olgeta kain kain ats i lukluk long drama, musik na odio visuel prodaksen.

Vais Sansela bilong USP, Profesa Anthony Tarr i tok, "Yaqara i tok kliia long Yunivesiti pinis olsem em i redi long go het wantaim ol nupela developmen we bai i kamap na ol i tingting long statim wanpela greduet skul bilong Tropikel Akitekisa insait long dispela nupela kempus.


Wok


Saplimen bilong WANTOK NIUSPEPA Desemba 15 - 21, 2005

WANTOK



...insait
long PNG





Maining bai kirap bek long 2006

Neville Choi i raitim

WOK Maining insait long PNG i bin bungim planti bikpela taim bilong traime long dispela yia, tasol nau i luk olsem neks yia bai strong moa.

Ekting Seketeri bilong Dipatmen bilong Maining, Stevie Nion i bin toktok wantaim *Wantok Niuspepa* long ol bikpela wok kamap insait long maining indastri 2005 na i luk-luk moa long ol bikpela wok we bai i kamap neks yia.


"Dispela yia mipela i bin i gat kain kain hevi olsem i nogat inap moni i kam long mipela, i nogat inap wok manmeri bilong wanem planti wok manmeri i bin lusim dipatmen," Mista Nion i tok. "Na iong dispela yia yet, mipela i lusim dispela taim bilong hevi na nau mipela i sanap strong liklik long redi long neks yia."

Mista Nion i tok ol i winim pinis luksave bilong Nesenel Palamen.

"Mipela maining dipatmen bai senis i go kamap Minerel Risoses Atoriti. Em namba wan bikpela samting we i kamap pinis na mipela bai strongim dispela wok i go het.

Mipela i save olsem taim mipela i pinisim dispela wok mipela bai gat inap strong bilong lukautim gut indastri. Mipela i ken groim indastri na mipela i no inap go olgeta taim long Waigani long kisim tok orait olgeta taim.

Mipela i gat wanpela bod husat i save go pas long mekim wok bilong mipela. Mipela i gat minista



BIKPELA WOK KAMAP: Ekting Seketeri bilong Dipatmen bilong Maining, Stevie Nion.

yet, tasol nau mipela i gat bod tu."

Nupela opis

Long narapela bikpela wok kamap bilong neks yia, bai Maining Dipatmen i sanapim wanpela nupela opis bilong ol. Dispela nupela opis bilong ol em ol bai kolim Maining Haus, na em bai sanap long Konedobu insait long Mosbi siti yet, hapsait tasol long opis we dipatmen i sanap long en nau.

"Neks yia, dispela nupela opis bai strongim wok tingting bilong olgeta wok manmeri. Mipela i luk-

luk long wok maining bai strong bek gen. Mipela i bin go daun olgeta tasol nau mipela i lukim olsem em bai kirap na strong moa yet neks yia. Mipela i kisim bikpela askim i kam long kain kain hap bilong wol long kam mekim wok maining insait long PNG. Kantri Saina bai strongim sindaun bilong ol insait long wok maining. I no Ramu tasol. Mipela i harim liklik tokwin olsem ol i lukluk tu long ol arapela kain risos. Ol i save olsem mipela i stap klostu long Australia na Amerika na ol i gat rot pinis long kamap strong moa. Olsem na ol bai stat wantaim Ramu Nikel na

bihain bai ol i mekim wok maining long ol arapela kain ain."

Tasol wanem samting tru mipela long PNG i mekim i wok long kirapim tingting bilong ol arapela kantri na pulim ai bilong ol?

Mista Nion i tok wanpela bikpela wok we i wok long pulim ai bilong ol arapela kantri em sindaun bilong PNG olgeta yia insait long wanpela bikpela bung bilong ol maining kantri long wol. Dispela bung i save kamap olgeta yia long bik siti bilong kantri Kanada, Toronto.

"Olgeta yia mipela i save salim ol mausman i go long dispela bikpela bung bilong ol maining kantri na ol i save salim gut tru strong bilong PNG long sait bilong wok maining. Na nau mipela i stap moa insait long wol maket na taim i gat wanpela kain wok painim insait long wanpela kantri i gat planti kain kain samting insait long graun bilong en, i save kirapim bikpela tingting tru namel long ol arapela kantri long wol," Mista Nion i tok.

Maining Dipatmen bai bruk

Wanpela bikpela senis we bai i kamap insait long Maining Dipatmen em taim em i kamap olsem atoriti na bruk lusim wan wan long ol arapela han opis bilong en. Tupela han opis we nau i stap aninit long lukaut bilong Maining Dipatmen bai stap yet aninit long lukaut bilong nesenel gavman, tasol ol bai no moa stap

aninit long Maining Dipatmen.

Dispela tupela lain em dipatmen bilong minerel polisi na volkeno obsevatori o ples we ol i save was long sindaun bilong ol maunten paia insait long kantri na opis bilong lukautim sindaun bilong graun insait long kantri.

Dispela tupela opis bai no inap stap wantaim dipatmen aninit long Minerel Risoses Atoriti.

Mista Nion yet i tok tupela yia i go pinis, Maining Dipatmen i bin wok hat tru long tupela yia "i go pinis na nau ol i lukluk i go long neks yia long strongim wok maining moa yet.

Senis long Maining Lo

I gat wanpela bikpela senis i wok long kamap long sait bilong ol lo i karamapim wok maining insait long kantri. Nau yet ol i wok long glasim Maining Ekt.

Bikpela tok kros i kam long ol non gavman ogenaimesen long dispela wok bilong senisim taim bilong eksploresen laisens long tupela krismas i go long 5-pela krismas. "Planti pipel i wanbel long dispela senis, tasol wan wan ol lain i wok long agensim yet.

Ol i tok dispela taim em i long-pela taim tumas. Tasol mipela i save olsem 5-pela krismas em i inap taim stret bilong ol prospekta long mekim gut wok bilong ol," Mista Nion i tok.

Em i tok ol i lukluk long stat bilong neks yia bilong tok oraitim ol dispela senis long Lo bilong Maining.

Stori bilong ol main

Ramu Nikel - Madang

Ol i sainim join vensasip na trensfa pinis. Long namba wan wik bilong mun Februari neks yia bai primia bilong Saina bai kam long PNG long sainim nupela developmen kontrak. Long PNG i gat wok Maining Dipatmen i mas stretim olsem rausim agrikalsa lis na maining lis. I gat hevi we dipatmen bilong graun i bin tok oraitim wanpela agrikalsa lis antap long dispela maining lis. Mista Nion i tok tupela dipatmen i bin bung pinis na ol i wanbel long rausim agrikalsa lis bai maining lis i ken go het. Moni mak bilong projek em 385 milien US dola. Kampani bilong Saina bai kam long dikim, prosesim na baim. Ol i go tu long gavman bilong Saina bilong gimim helpim moni long stretim haiwe namel long main i go long Madang.

Tolukuma

"Tolukuma i tokim mipela olsem ol i wok long mekim bikpela wok painim nau na ol i tok ol bai stap. Ol i save olsem Tolukuma em i main we laip bilong em i aninit long tenpela krismas tasol. Tasol taim ol i stat mekim moa wok painimaut, ol i wok long skruim taim i go moa yet. Nau ol i toktok moa long mekim moa wok painimaut. Ol i laik opim wok bilong ol i go long planti samting moa," Mista Nion i tok.

Ok Tedi

Taim bilong Ok Tedi main long pinis em 2012. I nogat toktok long skruim taim i go moa yet. Tasol i gat rot bilong skruim wok i go moa yet. Bikpela hevi Ok Tedi i gat nau em telings dem bilong en. Nau ol i painim hevi we ol i nogat gutpela rot bilong rausim dispela marasin salfa insait long graun. Mista Nion i tok kampani i wok long toktok wantaim gavman na ol i tok long namel

bilong neks yia samting, bai ol i painim gutpela rot bilong stretim dispela hevi. Long wankain taim Ok Tedi na maining dipatmen i wok long raitim wanpela ripot bilong gimim long Palamen long taim bilong kampani long lusim ples.

Long ol arapela nupela main olsem Kainantu na Hiden Veli, sainim na wok konstraksen i stat pinis. I gat wanpela arapela long Maunten Sinivit long Is Nu Briten we graun breking seremoni i no bin kamap. Tasol wok i go het pinis long en.

"Simberi i kam tokim mipela olsem ol i gat inap moni na ol i kam long dipatmen long sainim olgeta pepa long kirapim wok," Mista Nion i tok.

Em i tok ol arapela projek em Wafi long Wau/Bulolo, Frieda we namel bilong neks yia bai lukim ol i tok klia long Maining dipatmen long plen bilong ol. Nau yet ol i wokim wok drilling i stap.

Bogenvil Kopa

Wanpela nupela wok kamap em askim bilong Otonomes Gavman bilong Bogenvil i askim Nesenel Gavman long rausim dispela tambu long wok maining long ailan.

Provinsel Eksekutyutiv Kaunsel disisen long askim PNG gavman long lukluk bek long Bogenvil agrimen na rausim dispela tambu long Panguna main.

"Em nau wok mipela i mekim nau em long sanapim wanpela gavman tim long go kirapim toktok wantaim ABG. Dispela i wok long isi isi long wanem i nogat moni long mekim dispela wok. Askim bilong ABG i bin kamap bihain long 2006 baset i bin go pinis long palamen. Tasol Nesenel Eksekutyutiv Kaunsel i tok oraitim pinis na nau mipela i mas painim K4 milien bilong mekim dispela wok," Mista Nion i tok.

Cat® 992G



A new standard for wheel loader productivity, serviceability and styling.

Experience a new level of efficiency and comfort with one-hand operation provided by the STIC controller and a 75 percent larger cab. Operator productivity is also increased with low-effort, finger tip implement controls, improved range of viewing, reduced sound levels, improved ventilation and easier entry and exit. Further, increased power and torque rise, stronger power train components, cast box boom and higher lifting capacity make the 992G a revolutionary advancement in large wheel loader design.

Hastings Deering



Product People Commitment.
We deliver.

PORT MORESBY

Spring Garden Road, Hohola, PNG
Ph (675) 300 8300 - Fax (675) 325 0141

	PHONE	FAX
LAE	472 2355	472 1417
TABUBIL	548 9162	548 9155
RABAU	982 1244	982 1129
LHIR	986 4105	986 4107
KIMBE	983 5144	983 5144



MINISTA BILONG MAINING

PABLIK NOTIS



BRUKIM LO NA GO INSAIT NA MEKIM WOK MAINING INSAIT LONG OL POGERA MAIN LIS ERIA

Nesenel Gavman i gat bikpela wari olsem i gat planti ol manmeri nating i wok long go insait long ol Pogera maining lis eria na mekim wok maining insait long open pit, dam sait na o stokpail ples. Dispela i kamapim bikpela hevi long sait bilong sefti, sekyuriti na operesen bilong Pogera main.

Olgeta manmeri i nogat tok orait long go insait long main nau i kisim bikpela tok lukaut long stopim dispela pasin na noken go insait long Pogera main Spesol Maining Lis eria na ol arapela lis eria bilong Pogera Join Vensa, long mekim wok maining na ol arapela wok i brukim lo.

Nesenel Gavman bai go het nau long stopim olgeta manmeri i nogat tok orait long go insait long ol ristriktet eria insait long ol Pogera main lis eria olsem open pit, ol o stok pail na ol damp.

HON. SAM AKOITAI, MP
Minista i bosim wok Maining



MAINING HAUS: Dispela em i piksa bilong Maining Haus we wanpela atis yet i droim. Em bai wanpela bikpela haus we bai i gat ol stail piksa na disain bilong PNG yet.

Maining Haus bai nupela pes bilong PNG wok maining

MAINING sekta bilong Papua Niugini bai bungim wanpela bikpela taim namel long 5 na 10-pela yia i kam.

Oi main i wok nau i wok long redi long pas klostu taim, na wok painim bilong ol minerel o kain kain ain aninit long graun i stap long mak we i no olsem bipo.

Aninit long dispela luksave, PNG gavman i askim long halivim i kam long SYSMIN progrem aninit long Lome IV Konvensen.

Long pinis bilong yia 2000, wanpela wok glasim i bin kamap long painimaut mak bilong sapot Gavman bilong PNG i bin askim long kisim long Yuropien Yunion.

Dispela wok glasim i kamapim sampela wok i go het bilong "Opim rot bilong PNG long go insait long wol ikononi, na strongim divelopmen bilong em na painim ol arapela rot bilong kisim moa moni long givim ol bikpela sevis i go long ol pipel long pait agensim poveti (nogat gutpela sindaun)"

Wanpela long ol dispela bikpela rot i bin toktok long sanapim wanpela bikpela opis ol i kolim "Maining Haus".


Dispela nupela opis em ol bai sanapim long ples we opis bilong Maining Dipatmen i sanap long en nau. Em bai lukautim opis bilong Seketeri, Deputi Seketeri, PMU na ol divisin bilong Maining Dipatmen we nau ol i stap nabaut long biksiti Pot Mosbi.

Oi opis we nau Maining Dipatmen i sindaun long en em ol opis bilong bipo tru na i no moa gutpela bilong lukautim sindaun bilong Dipatmen bilong Maining.

Taim olgeta liklik han na opis bilong Maining Dipatmen i kam stap aninit long wanpela rup tasol, em bai mekim wok bilong Maining i ron stret na bai nogat kain kain wok i kamap.

Wok i go het pinis long sanapim dispela Maining Haus. Plen bilong Dipatmen em bilong olgeta wokmanmeri bilong Dipatmen bai go wok long Datec opis long Waigani Draiv long Mosbi pastaim taim ol i brukim opis Dipatmen i stap long en nau.

Maining Haus bai stap aninit long lukaut bilong Dipatmen bilong Maining yet.



Want to spend more time with family?
Cook faster and cleaner with gas.
It's it

Get a Gas Cooker
with a 4.5kg bottle of
Origin Energy gas.
Only
K139
Get a FREE
1kg pack of Roots Rice.



Cook faster and cleaner with gas and spend more time with your family.

Offer valid 1st - 31st December 2005. Available at participating Origin Energy gas dealers.

Port Moresby: 321 4248 Lae: 472 3177
Rabaul: 982 1177 Mt Hagen: 545 1431
Wewak: 856 2125 Goroka: 732 2100



WOK I STAT PINIS: Fletcher Morobe em kampani i wok long statim namba wan hap wok bilong sanapim 'Maining Haus'.

TOLUKUMA GOLD MINE

CENTRAL PROVINCE
PAPUA NEW GUINEA

Mipela go pas long seti kamyanti na gro bilong yupela

Tolukuma Gold Mine, i stap 100km Not long Pot Mosbi, TGM i wanpela bilong ol bilas bilong kraun bilong DRDGold - namba foa bikpela gol maining kampani bilong Saut Afrika.

Tolukuma i stap insait long misin bilong DRD olsem wanpela indipenden gol produsa we i mas sukurim laip bilong mine gut na mekim win moni.

DRD i statim pinis wanpela eksploresen na developmen progrem long Tolukuma long luksave long ol nupela risos, surukim laip bilong mine na kamapim moa prodaksen.

Nau mine i lukluk long kamap bikpela, Tolukuma bai oltaim:

- Tok strong long wok klostu wantaim ol lokel komyuniti;
- Givim sans long ol lokel pipel long kisim wok;
- Holim strong yet tok promis bilong en long surukim laip bilong mine gut.



Tolukuma Gold Mines Limited

i memba bilong DRDGold - www.drdgold.com)
P.O. Box 5043, BOROKO, Papua New Guinea


Mine Site
Tel: (675) 329 9277
Fax: (675) 329 9282

Port Moresby Office
Tel: (675) 311 2899
Fax: (675) 311 2806



*Mipela i amamas long stap wantaim yu long yu gen long yu 2000
mipela i lukluk long stap wantaim yu gen long yu 2000*

God i blessim yupela olgeta!!



TOLUKUMA GOLD MINE

CENTRAL PROVINCE

Mipela go pas long bejti komyuniti na gro bilong yupela

Tolukuma Gold Mine, i stap 100km Not long Pot Mosbi, TGM i wanpela bilong ol bilas bilong kraun bilong DRD Gold - namba foa bikpela gol maining kampani bilong Saut Afrika.

Tolukuma i stap insait long misin bilong DRD olsem wanpela independen gol produsa we i mas sukurim laip bilong main gut na mekim win moni.

DRD i statim pinis wanpela eksploresen na developmen progrem long Tolukuma long luk-save long ol nupela risos, surukim laip bilong mine na kamapim moa prodaksen.

Nau mine i lukluk long kamap bikpela, Tolukuma bai oltaim:


- Tok strong long wok klostu wantaim ol lokel komyuniti;
- Givim sans long ol lokel pipel long kisim wok;
- Holim strong yet tok promis bilong en long surukim laip bilong mine gut.

Tolukuma Gold Mines Limited

i memba bilong DRD Gold - www.drdgold.com)
P.O. Box 5043, BOROKO, Papua New Guinea

Mine Site
Tel: (675) 329 9277
Fax: (675) 329 9282

Port Moresby Office
Tel: (675) 311 2899
Fax: (675) 311 2806



Kaikai bilong tingting i kam long OTML

Jane Mills i raitim

PLANTI pipel i save long hevi Ok Tedi main i kamapim long Wara Flai sistem insait long Westen provins. Tasol i gat wanpela arapela kain gutpela wok i wok long kamapim bihainim dispela wara tu.

Em i wok bilong sastenabol agrikalsa o wok agrikalsa we i ken i stap long taim. Dispela wok i wok long tanim ol ples we tait wara i bagaramim i go kamapim olsem ol rais gaden na gaden bilong ol kain kain gutpela kaikai na prut. Na antap long ol Sta Maunten, Ok Tedi Maining Limitet i wok long helpim ol Min pipel long tanim graun bilong ol i kamapim olsem ol raun wara bilong lukautim ol pis bilong putim i go bek insait long wara na givim liklik abus bilong ol famili kaikai bilong ol.

Stat yet long 1996, taim OTML i bin kamapim Kaikai Sekyuriti Program bilong en, bikpela tingting bilong wok gaden o sabsistens faming i bin kirap taim ol wan wan famili i bin luksave olsem wok faming i ken lukautim ol bihainim long Ok Tedi main i pas.

Olsem planti arapela Papua Niugini manmeri, ol Wara Flai pipel, em ol lain bilong Midel Flai, nau i save moa long senisim saksak kaikai bilong ol wantaim rais i kam long ol arapela kantri, we i dia tumas. I gat ol kain kain graun kaikai olsem ol tapiok na bikpela yam bilong Afrika, tasol rais i wok long kamapim namba wan kaikai bilong ol.

Groim rais nau i wok long go bikpela tru, wataim Afrika Yam insait long Midel Flai. Ol ples olsem Manda, Mipan, Wangawanga na Bosset i wok long groim rais bihainim long ol namba wan manmeri bilong Manda ples i bin traim na soim olsem dispela kain kaikai i ken gro insait long ples bilong ol.

Manda ples yet i groim pinis moa long wanpela hap tan rais we ol i milim pinis bilong kaikai na nau ol i wok long lukluk long groim wanpela tan taim dispela taim bilong ren i pinis.

Ol Wangawanga manmeri, na kaunsol husat i go pas long ol i kamapim pinis wanpela 0.3 hekta gaden na Bosset i kamapim pinis 0.5 hekta. Olgeta dispela ples em ol bai groim wanpela tan rais wan wan pastaim long stat bilong taim bilong drai i kamapim.

W a n g a w a n g a Kaunsol Mark Anato i tok komyuniti bilong em i luksave long strong bilong wok faming.

"Ol mama na pikinini meri bilong mipela i save wokabaut long we tru long ples, inap long 17 kilomita tupela taim long wanpela wik bilong mekim saksak.

"Mipela i luksave olsem taim mipela i groim rais na ol arapela kain gaden kaikai, famili i stap wantaim, mipela i stap klostu long ples na dispela i strongim tingting bilong ol pikinini bilong mipela long wok strong long skul na ol i no inap wari long mama i kamapim gut long ples o sapos i gat kaikai long haus bilong ol long kaikai o nogat.

"Mi laik lukim ol pipel bilong mi i kamapim ol fama. Dispela bai strongim ol pikinini bilong ol i kisim moa skul, bai ol i ken lukautim gut ol risoses bilong mipela long bihainim taim."

Bihainim wara i go daun long Komovai na Levame, OTML i wok long traim faming bilong baramandi pis insait long ol waia banis.

OTML i wok long wok bung wantaim Australian Senta bilong Intanesenel Agrikalsa Risets na Bismark Barramandi bilong Madang na nau i gat 1200 bebi pis i stap insait long Midel Flai.

Ol wok kamapim bilong dispela projek bai kamaut long pinis bilong 2005 taim olgeta dispela liklik pis i bikpela inap long kaikai.

Bosman bilong Bismark Barramandi, lan Middleton husat i wok long groim barramandi pis long Madang, i tok dispela pis projek i gat bikpela bihainim taim bilong en, na sapos ol i lukautim gut Westen Provins bai go pas long kamapim nupela rot bilong mekim moni insait long rijen.

Insait long Sta Maunten ol pipel i wok long groim ol preswara spisis long finalbin, Bultem, Migalsim na Wangbin. Ol pipel i wok long kisim bikpela save long ol stia tok bilong ol OTML fiseris opisa wantaim as ples man, Tike Kulingim, husat i wok long kisim moa save bihainim tumbuna rot bilong lukautim pis long Not Kwinsten.

Kaikai Sekyuriti Program em i wanpela long ol planti sastenabol developmen wok OTML i wok long kamapim wantaim Westen Provins na insait long Telefomin na Wes Sepik we main em i wanpela rot tasol bilong kamapim gutpela sindaun bilong ol pipel.

Wanpela arapela ikonik wok o wok bisnis we i ken senisim winmoni i kam long OTML em raba we moa long 350 smolholda bilong Kiunga na Lek Mari i bin kamapim. Long stat bilong dispela

yia, Not Flai Raba Limitet, wanpela wok bung namel long ol groa, Progress Limitet na OTML, i peim moa long K125,000 olsem wanpela bonas peimen i go long ol raba fama.

OTML i save givim samting olsem 25 pesen bilong ekspot winmoni bilong PNG, tasol em i save kamapim 95 pesen

bilong baset bilong Westen Provins olgeta yia.

Long namba wan Westen Provins Developmen Forum long Tabubil ol lida i harim olsem provins i sindaun strong tumas long main na ol mas tingting long wok agrikalsa na fiseris long senisim winmoni ol i save kisim long main.



PIS PROJEK: Cage Barramundi projek. wanpela rot bilong mekim moni bilong Westen Provins we ol i wok long traim insait long klia wara bilong Midel Flai.

A committed partner during PNG's 30 years of independence and development


K2 billion direct benefits to Western Province and PNG since 1982

95% National Employees

Average Annual Copper Production: 200,000 tonnes

Average Annual Gold Production: 16 tonnes

From copper and gold production to power generation, from assisting villagers with fish farming to landowner business development, from training truck drivers to developing the country's future leaders - Ok Tedi Mining Limited shares a partnership with all shareholders, contractors, the people of the Western Province and all of Papua New Guinea.



Contract type	PORGERAN contracts		ENGAN contracts		NATIONAL contracts		PNG TOTAL contracts		OTHER contracts		TOTAL contracts	
	Kina Value	#	Kina Value	#	Kina Value	#	Kina Value	#	Kina Value	#	Kina Value	#
Bus Hire	K27,953,166	100	K2,360,187	5			K30,313,353	105			K30,313,353	105
Field	K12,388,587	6,584	K2,256,541	2400	K1,932,576	681	K16,577,704	9,665	K3,090,901	9	K19,668,605	9,674
Freight	K27,696,012	23	K99,781,412	60	K20,123,635	8	K147,601,059	91			K147,601,059	91
Plant Hire	K21,866,119	230	K45,724,831	354	K3,922,504	41	K71,513,454	625			K71,513,454	625
Service	K95,257,725	421	K1,691,990	64	K316,546,078	191	K413,495,793	676	K319,293,608	599	K732,789,401	1,275
Works	K3,696,813	2,653	K2,141,211	1074	K32,676,632	2607	K38,514,656	6,334	K35,232,472	198	K73,747,128	6,532
TOTAL	K188,858,422	10,011	K153,956,172	3957	K375,201,425	3528	K718,016,019	17,496	K357,616,981	806	K1,075,633,000	18,302

Strong bilong em long bihain taim:

Long 2006, Porgera opere-sen bai bihainim wanpela arapela gutpela yia bilong prodaksen, na sampela projek i go het pinis long apim mak bilong wok strong na gutpela wok pasin bilong main. Wantaim ol dispela wok kamap, na ol gutpela wok painim we i bin kamap long 2004 na 2005, Porgera main bai go het long mekim bikpela wok kamap long iekonomik developmen bilong Enga provins na Papua Niugini i go inap longpela taim bihain yet.

Stori bilong wok kamap long Porgera Join Vensa

Porgera Join Vensa em i wanpela long ol namba wan praiwet kampani we i save strongim ikonomi bilong Papua Niugini.

Long 2004, main i bin mekim moa long K1 bilien long ekspot o salim kaikai bilong main i go aut. Dispela hap moni em i mekim i makim 16.4% bilong olgeta moni kantri i mekim long ol ekspot o samting em i salim i go aut olgeta yia.

Taim Porgera main i bin stat i kam inap tude, em i kamapim samting olsem 14% long olgeta PNG Nesenel ekspot win moni long wan wan yia.

Ol bikpela kaikai bilong pablik na winmoni:

Namba wan pablik winmoni we i save kamap long dispela wok maining em i kam long ol takis o royalti em i peim i go long Nesenel Gavman we i karamapim inkam takis o takis long potnait pe, takis long bensin na takis long kastoms.

Long 2004, Porgera i mekim na givim moa long K170 milien long pablik winmoni i go long Nesenel Ikonomi, na long laip bilong main i kam inap nau, em i baim moa long K1 bilien long ol takis na eksais duti.

Wanpela bikpela seaholda insait long dispela Join Vensa em Minerel Risoses Enga Limitet (MRE), we Enga Provinsel Gavman na ol as ples papa graun yet i bosim, na ol i holim 5% bilong dispela Join Vensa na ol sea insait long ol dividen o winmoni bilong kampani olgeta yia. Dispela i save givim bikpela rot bilong kisim winmoni olgeta yia bilong ol as ples pipel na Enga Provinsel Gavman.

Long 2004, Minerel Risoses Enga i baim wanpela rekot dividen inap long K6 milien i go long ol join seaholda bilong MRE long moni ol i mekim we bikpela hap bilong en i go long baim ol bikpela lokal infrastraksa samting olsem ol rot, ol skul na ol helt senta.

Antap long dispela, Porgera Join Vensa i mekim bikpela wok kamap long developmen bilong sivil infrastraksa na givim bilong ol bikpela sevis insait long Porgera Distrik na Enga Provins, na i save tromoi planti milien Kina olgeta yia long strongim helt, edukesen na ol arapela komyuniti infrastraksa na bisnis.

Dispela bisnis i save givim pawa i go long bikpela hap insait long Porgera Veli we i save kam long ol Haits ges fil we ol i save mekim, na i go olgeta long Porgera bihainim Haits Trensmisen Lain. Dispela trensmisin lain i save save givim pawa i go long Porgera main tasol. Join Vensa i save givim klin wara bilong dring i go long planti hap insait long Porgera veli. Ol i save pulim dispela wara i kam long ol bikpela raun wara ples ol i sanapim antap long Porgera Distrik. Wanpela helpim progrem bihainim Wara Striklen (Strickland River) i go insait long Nomad Distrik i save givim ol wara tang na ol arapela samting bilong pulim na holim gutpela wara bilong dring na karim i go long ol bus ples komyuniti insait long Papua Niugini. Helpim i go olgeta long Lek Mari (Lake Murray) Distrik insait long Westen Provins, we ol sasten-abol indastri progrem olsem lek Mari Fising Kopretiv i save kisim sapot i kam long PJV Sosioekonomik Developmen Yunit.

Infrastraksa Developmen Progrem em yet em i kamapim moa long K43 milien bilong ol bikpela infrastraksa projek insait long Enga long stat bilong main i kam inap tude.

Ol dispela projek i karamapim ol bikpela helt infrastraksa apgred, wantaim kostim i abrusim K1.7 milien long ol haus, opis na ol masin long Porgera Distrik Haus sik long Paiam, na developmen bilong ol bikpela komyuniti samting, olsem sanapim bilong Enga Provinsel Gavman opis (K10 milien) na wanpela polis bareks na haus kot long Wabag (K4milien).

Wanpela arapela bikpela rot bilong wok na mekim moni i kamaul long main em i bikpela namba bilong ol kontrak bilong ol stua samting na sevis dispela kain bikpela bisnis i save kamapim.

Ol dispela kontrak em long sait bilong keitaring o kukim kaikai, freit o karim ol samting long balus na ol arapela samting na sevis, na givim wok na potnait winmoni long ol pipel long Porgera na Enga Provins (klostu hap bilong olgeta nesenel kontrak) na i go long olgeta arapela hap bilong Papua Niugini.

Olsem tebol daunbilo i soim, bikpela hap namba bilong ol kontrak we Porgera Join Vensa i givim i go long ol PNG saplaia, na ol arapela wok kamap bilong dispela kain wok em i bikpela tru.

Our Values



provide a work environment in which the **safety** and health of people is valued above all



act with **integrity**, honesty, fairness and respect



encourage personal growth, and value the contributions and innovation of our **people**



operate in an environmentally **responsible** manner and partner with communities to create a better social and economic future



HETMASTA AMAMAS LONG SENIS: Hetmasta Leo Maia i givim prais long wanpela sumatin.



SENIS KAMAPIM AMAMAS: Daks sumatin Luke Phillip bilong 10 Orens i tok em i amamas tru long dispela graduesen na tu long pasin ol wanlain bilong em i wokim long kamapim gutnem bilong skul. "Ol wanlain bilong mi i wok hat tru long karim sampela senis i kam insait long skul na nau mipela i lukim stret greduesen bilong mipela," em i tok.

Daks prais em i kisim em wanpela sil wantaim nem bilong em long em na K700 pasbuk akaun long BSP we kampani yet i sponsaim.

Ol Jubili kisim salens long daunim korapsen....Skul wokim gut

Natasha Bodger i raitim

SALENS i go long ol sumatin i bin greduet long Jubili Katolik Sekonderi Skul (JCSS) long Mosbi siti long bihainim ol samting we i bin lainim na long noken mekim korap pasin long wanem em i wanpela samting we i save daunim kantri.

Ges spika na Dairekta bilong TIPNG Richard Kassman i bin autim strongpela toktok long ol sumatin long namba 5Gret 12 na namba tri Gret 10 greduesen bilong ol sumatin long Sir John Guise Stadium long Fraide las wik

Em i tok Jubilee em wanpela gutpela skul na planti ol bipo sumatin na nau i wok long kamap gutpela manmeri insait long praivet na pablik sekta.

JCSS em i nupela skul tasol ol sumatin i wokim gut tru taim ol Gret 10 na 12 sumatin i bin kisim ol op mak tru.

Tripela Gret 12 na 17-pela Gret 10 sumatin bilong JCSS i skorim A na Distingsen tasol long

nesenel eksem bilong ol Gret 10 na 12 long dispela yia.

Prinsipel Benedette Ove i tok em i amamas tru long wanem ol pikinini i wok hat stret na nau ol i lukim stret kaikai bilong hat wok bilong ol.

Misis Ove i tok skul bai i no nap kamap olsem sapos ol i nogat ol gutpela tisa na mamapapa we i save givim sapot long ol pikinini long taim ol i stap long hevi.

Ol awot i lukim daks prais i go long wanpela mangi Filipino, Jabin Landayan, we i bin wanpela painia Gret 12 sumatin long bihain long skul i stat long kisim ol Gret 9 long 2002

Long wankain taim tu, tupela sumatin i winim skolasip long Hi-Lift bilong 2006 em Get 9 sumatin Maryanne Koibua na Gret 11 sumatin Michael Evara

Hi-Lift bai baim skul i bilong dispela tupela sumatin long neks yia

De La Salle Greduesen bihain long tripela yia

Natasha Bodger i raitim

DE La Salle Hai skul Greduesen i lukim sampela gutpela senis i kamap long skul long daunim bikhet na jenere-sen kalt pasin.

Prinsipel Leo Maia i rausim liklik ai wara na tok, em i amamas tru long wanem dispela greduesen bilong 2005 i soim olsem ol pikinini i wok long senis isi isi na tu, Dela Salle skul bilong ol manki man i wok long kisim bek gen gutpela nem bilong em..

Em i tok dispela yia na ol yia i go pinis i bin no luk gut tumas long

wanem planti ol bikhet pasin bilong ol sumatin manki i bagarapim nem bilong skul na dispela i wokim na skul i no holim ol greduesen long sampela yia.

Dispela yia tu i bin lukim bikpela hatwok na strongpela sanap long rausim ol jenere-sen kalt na bikhet pasin na ol mamapapa bilong skul i kamap wantaim strongpela tingting olsem dispela yia i mas gat greduesen we i soim stret olsem ol i wok hat stret.

Em i tok wanpela samting we i kamap bikpela stret dispela yia em pasin bilong jenere-sen sistem we nem bilong Dela Salle i bin

pairap long olgeta hap na bagarapim nem bilong skul.

"Mipela i wok bung wantaim ol woklain bilong Edukesen Dipatmen na kamapim wanpela pepa we i nap long helpim ol arapela skul long rausim dispela jenere-sen sistem," Mista Maia i tok.

Moia long 251 Gret 10 sumatin manki bilong Dela Salle Hai Skul insait long NCD i greduet long ai bilong ol mamapapa bilong ol bihain long tripela yia olgeta we skul yet i no lukim wanpela gutpela fomol greduesen bilong ol arapela sumatin manki.



Moa Greduesen poto long ol narapela skul



SMAIL LONG MALOLO: Sacred Hat Elementeri pikinini long greduesen de



PASIFIKA STAIL O: Dani long pikinini skul



ODINESEN I GO HET: Taim bilong mekim promis.

KISIM BLESING: Soim daun pasin na kisim blesing.

Nupela Pater i wokabaut

Andrew Molen i raitim

WANEM kain ol manmeri i save kamap wokman bilong sios na autim tok bilong God? Planti bai i ting olsem ol lain i save bihainim dispela rot em ol i no lain bilong bikhet na sakim tok na ol i save stap isi na i go long lotu tasol.

Wanpela man mi bai givim stori bilong em long hia em i kain olsem. I nogat wanpela i save o inap tingting olsem em bai lusim olgeta samting long laip bilong em na i kamap olsem wanpela pater tasol dispela i kamap na ol pipel bilong ples bilong em i amamas tasol long dispela.

Pater Allan Efi bilong ples Eboa long Mekeo long Kairuku eria bilong Bereina distrik bilong Sentrel Provins i kisim odinesen bilong em long kamap pater long han bilong bisop bilong Bereina, John Ribat long ples bilong em yet long Desemba 3 dispela yia.

Laip i pulap long taim bilong traim

Tasol bipo long dispela man i kisim nem olsem pater, em i wanpela man husat i luksave long olgeta kain rot bilong laip. Em i wanpela boksa husat i save makim Papua Niugini long ol bikpela pilai olsem Saut Pasifik gems na ol narapela. Em i save makim tu NCD.

Laip bilong em tu i no isipela laip. Taim em i pinis long koles long Mt Hagen, Allan i stap nating tupela yia long ples wantaim nogat wok.

"Long dispela taim em i save salim moni i go long taun na ol lain husait i kambek long ples i save baim niuspepa bilong em i kam na em i lukluk insait long traim na painim wok. Olgeta pas em i raitim, em i save raitim long ples na salim i kam tasol bihain long tupela yia em i no painim wanpela gutpela wok yet," wanpela kandre bilong Pater Allan, Leo Eko i stori.

Em i traim i go na namba wan wok em i painim em long wasim windua bilong wanpela stoa long Hugo's Building long Tabari ples long Pot Mosbi.

"Long hap em i aplai na kisim wanpela wok long Elcom we em i stap inap em i lusim na go long skul bilong ol Bruder long 1995 we em i stadi long kamap pater i nap nau," Mista Eko i tok.

Long Elcom em i wok strong wantaim sampela kos long yunivesiti, em i

kamap olsem wanpela hap man bilong yusim kompyuta.

Mista Eko i tok tu olsem Allan em i wanpela kain man we i nogat wanpela man i ting olsem em bai kamap pater.

"Em i man bilong stap isi tasol taim em i spak, yu lukaut," Mista Eko i lap na stori. "Em i wanpela man bilong pait tu na i no save isi long ol lain i bikhet long em."

Hap boksa man tu ya

Allan i joinim boksing taim em i yangpela yet na i save pait long 54kg wet divisen we i lukim em i save makim kantri na Pot Mosbi.

"Long 1989 mi stap long Bulolo na mi ringim em long Elcom opis we em i wok na em i tokim mi olsem ol i makim em long i go long Mini-Saut Pasifik Gems," Mista Eko i tok.

Eko i tok Allan i mekim na em yet wantaim ol brata bilong em na planti ol narapela manki long ples i go joinim boksing. Tasol taim man i skulim em long pait, Allan Efi (sinia) i dai, Pater Allan i givap na lusim boksing tasol ol skil, save na tingting bilong em long spot bilong em i stap strong yet long em.

"Dispela tingting long noken lus na pait i nap mi win em mi yusim taim mi stadi. Sampela taim mi stadi i go na taim mi laik les dispela tingting olsem long boksing i save mekim strong na i go moa yet," em i tok.

Wanpela kasen bilong Allan, Camillus Ongogo Andrew i tingim tu laip bilong em; "Em raf baga yah, nau em i senisim dispela olgeta pasin na i kamap pater. Mama na Papa bilong Allan na susa bilong em husait i tupela tasol long famili i dai taim tupela i yangpela yet."

Laip i bin strongim em

Pater Allan i tok wanem samting em i save wokim bipo long em i kamap pater i helpim long strongim bodi na tingting bilong em.

"Mi statim nupela laip nau na olgeta samting mi wokim bipo i kam pinis long hia tasol laip bilong pater em i no isi," Fr Allan i tok.

Stadi bilong em olsem Bruder long Bomana i kisim em i go long Rabaul na kam bek. Bihain long Bruder em i kamap Diken na long 11 kilok moning long Desemba 3 Bisop Ribat i tokaut long ol pipol olsem Allan nau i kamap Fr Allan Efi.

Fr Allan em i kamap olsem namba tu pater bilong Inawaia daiosis we em bai i stap bihain long moa long 30pela yia. Fes pater bilong dispela hap em Pater Julian Efi husait i lapun na i lusim pinis wok tasol em i bin i kamap long odinesen.

"Em i bin longpela taim tru, mi no bin lukim o save olsem Pater Julian i stap i nap mi bikpela, em i mas stap wok bipo long mama karim mi," Pater Allan i tok.

Pater Allan yet i tok em i lukluk nau long dispela niupela laip bilong em na em i tok bikpela amamas na tenkyu i go long ol wanples na femili bilong em na ol narapela husait i kamap soim sapot long odinesen bilong em.

Long kamap pater, Pater Allan i tok; "Long kamap olsem pater i makim pinis bilong wanpela laip tasol em i makim tu stat bilong narapela."

Odinesen bilong Allan i lukim planti manmeri i kam long olgeta ples bilong Kairuku, Fane long Goilala na sampela ol daiosis long Pot Mosbi.

Bisop Ribat i tok amamas long ol wantok, poro na femili bilong Allan long givim sapot bilong ol long em na long sios.

Taim em i lukim dispela, Bisop Ribat i tok: "Mi amamas long ol i samting i kamap tude we i no bilong Allan tasol, nogat, dispela odinesen em bilong em tasol em i bungim yumi olgeta.

Dispela em i gutpela bilong wanem em i bihainim tingting bilong sios long dispela daiosis long bungim olgeta manmeri bilong maunten na nambis wantaim."


Em i tok dispela em i de bilong Allan tasol olgeta man long ples na daiosis wantaim ol narapela long ol longwe ples i kamap long soim sapot i no long em tasol, tasol long katolik sios tu na dispela i gutpela.

Dispela de i lukim ol tumbuna singsing na i kamap long nait i go moning na ol i kilim tu moa long 30pela pik.

Neks de long Sande Disemba 4, em i holim fes lotu bilong em.

Maus bilong em i abrus long sampela toktok we i soim olsem em i nupela tasol wantaim helpim bilong tupela sinia pater, em i pinisim lotu we i haus lotu i pulap tru.

Em i klia tu nau olsem bikman yet i save husait bai i kamap na mekim wok bilong em, gutpela man o nogut olsem em i mekim long Saul long Baibol.



KAMAP PATER: Bisop John Ribat i givim las blesing long nupela Pater Allan Efi.



PASIN TUMBUNA: Allan Efi i putim tumbuna bilas, singsing na paitim kundu.



PATER PINIS: Pater Allan Efi i tromoi tumbuna bilas na amamasim nupela laip wok bilong em olsem pater.

OF POTO: ANDREW MOLEN

Bulolo laik senis

Bustin Anzu i raitim

BULOLO na Wau eria insait long Morobe Provins i lukluk nau long kamapim gutpela sindaun na kirapim wok bisnis.

Dispela mak bilong gutpela sindaun bai kamap bihainim gutpela wok namel long komyuniti we Komyuniti Jastis Senta na Komyuniti Jastis Liesen Yunit bilong Lo na Jastis Program (CJLU) wantaim strongpela luksave bilong komyuniti polising.

Wari bilong ol nau em long gavman i mas kisim sevis ikam insait long ples bilong ol.

Dispela kain wok bung wantaim i no bin kamap longpela taim na planti pasin bilong stil na narapela ol hevi i bin kamap. Tasol bihainim dispela wok bung, nau Bulolo na Wau eria, ples we planti i poret long wokim bisnis na stap, bai lukim planti ol gutpela senis i kamap. Sapos ol yangpela i min bisnis long bringim ol birua samting i go long lo, lo na oda bai i no wanpela hevi moa.

Ol yangpela yet i go pas

I no long taim i go pinis, ol yangpela husat i save stap insait long bikhet pasin i bin kam aut na toksave olsem ol i lusim dispela pasin na laik painim gutpela sindaun - sindaun we bai bringim gutpela nem bilong Bulolo na Wau eria.

Ol i bin lusim ol gan, katres, spak brus o mariwana, na ol samting bilong wokim ol gan wantaim bia bilong ples o hombru insait long wanpela bung we i bin kamap long ples Gawapu, klostu long Bulolo taun.

Samting olsem 1000 manmeri bilong ples klostu long Mumeng olsem Baglum, Sambio, Samsam na long Bulolo yet olsem Bairis, Katia, Namba 8 Manga, Warabung, Leku na Latep ples i bin kamap long witnessim dispela seremoni.

Ol yangpela i givim 42-pela hom med gan, tripela gumi o silinda bilong wokim hombru, ol spak brus we ol i kamautim long gaten wantaim ol ain, we ol i save yusim long karim aut bikhet pasin bilong ol arere long rot.

Taim bilong kauboi taun

Bulolo/Wau eria i save kamap olsem wanpela kauboi ples bikos planti raskol pasin i save kamap olsem holap, pasin stil, kilim i dai narapela na ol narapela kriminel pasin. Dispela i wokim na Bulolo/Wau i bin stap olsem wanpela 'densa zon' na i no gutpela long wokim bisnis.

Dispela pasin i stat long taim bilong gol ras na long



OL GAN NA KATRES: Ol polis manmeri putim ol long kontena. Ol yangpela i bin lusim ol.

hap we developmen i bin kamap long Eddi Krik. Long 1980, pasin raskol i kamap bikpela tru. Ol raskol i save go sanap long wanpela rot kona na wetim ol meri long askim ol long moni. Taim ol meri tok nogat, ol i save paitim ol o reipim ol. Pasin bilong kisim idai narapela man o meri tu i kamap bikpela long dispela taim tu. Pasin bilong rispek ino bin stap.

Taim bilong senis

Tasol dispela pasin raskol nau bai senis - tenk yu igo long hat wok bilong Komyuniti Jastis Senta na Komyuniti Jastis Liesen Yunit bilong Lo na Jastis Sekta Progrem wantaim luksave bilong komyuniti polising bilong polis. Dispela mak i senisim sampela toktok tu olsem: "Pop gan i pundaun pinis" na nupela toktok em: "Jisas i stap nau."

Dispela senta bilong Komyuniti Jastis long Bulolo em i olsem wanpela pilot projek bilong Dipatmen bilong Jastis na Atoni Jeneral long 2001 long helpim Nesinol Lo na Jastis Polisi i kamap long kamapim gutpela sindaun long komyuniti.

Taim ol komyuniti polising lain bilong polis, ol NGO grup na Mobail Skwat 15 bilong Bulolo i wokim aweanes, dispela raskol pasin i go daun. Taim CJLU i skruim wok aweanes long lo na Jastis, ol pipol i kam luksave moa.

Planti spika long dispela taim i tok planti hevi isave kamap bikos gavman ino luksave long ol na givim sevis long ol manmeri long ples. Dispela em wanpela bikpela as tingting planti yangpela i kamapim raskol pasin na ol narapela pasin nogut.

Etvausa bilong Monitaring na Ivaluesen long Jastis Advaiseri Grup Steven Miller i bin kisim ples bilong memba bilong Bulolo olsem ges spika, i tok olsem lo na



GUTPELA SENIS: Ol yangpela bai lusim ol gan nau.

oda em wanpela bikpela wok bilong Lo na Jastis Sekta Progrem. Ol i bin statim tupela projek, wanpela em long Wau na narapela long Kainantu bilong helpim ol manmeri.

Mista Miller i tok em i amamas long lukim ol manmeri i wok bung wantaim ol yangpela long lusim ol hom med gan, spak brus na ol samting bilong wokim hombru. Dispela em i namba wan taim bilong Miller long lukim dispela samting long wanem em i no lukim kain samting olsem bipo.

Em i strongim toktok bilong em yet olsem sapos ol i lusim dispela ol raskol pasin, planti ol invest na turis bai kam insait long ples bilong ol.

Long dispela taim tu mausman na kansila bilong Wod 12 long ples Gawapu, Giwisa Tukwund i tok i gutpela long olgeta ples i lusim ol gan na nogat man bai stap wantaim pretpasin long wanpela narapela.

Mista Steven i tok ol lain yangpela long ples bilong em i bin wokim disisen long lusim ol gan long kamap ol gutpela manmeri bilong komyuniti na kantri bihainim

ol wok bilong CJLU voluntia Richard Bonipe na lain bilong em i karimaut. Tasol em i tok ol yangpela bilong Bulolo i traime ol gen, ol bai wokim ol dispela raskol pasin gen.

Em i tok tu olsem ol yangpela bilong em i wokim ol dispela raskol pasin bikos ol raskol bilong Bulolo taun i pretim ol Gawapu ples lain, holim ap ol na kisim ol meri olsem ol kalabus.

Long Mumeng Lokal Level Gavman, ol yangpela i kisim tupela gan ol i wokim long ples. Ol pipol i belhat na stat long wokim ol gan bihain long ol yangpela long sampela ples klostu i holim ap ol. Nau ol i lusim ol gan na ol i singaut long ol narapela i wokim wankain.

I mas i gat moa aweanes

CJC voluntia Bonipe i tok i gat bikpela nid long karim aut aweanes long Bulolo/Wau eria, em ples we ol i ken smelim gan na spak brus long olgeta hap.

Em i tok tu olsem i save hat long wokim aweanes taim ol i no gat kar tasol ol yangpela i wokim bikpela komitmen long lusim ol gan samting, dispela em wanpela



RAUSIM NAU: Ol sampela yangpela i bin karim ol hom med gan wantaim manwana na givim i go long ol lain bilong lo.

bilong bia long stua nau wok long go antap olsem ol ol liklik man long ples man inap long baim. Na tu, ol meri na pikinini i wok long wokim dispela long sains long koma sampela man long ples skul fi bilong ol painim taim ol

Asisten Komiseri Jastis Korea-saaf Sevis Edukasi Tamar i beken tingting bihain ol na tok gavman ino nau kam kisim graun bilong ol nating. Ol pipol yet em yusim graun bilong ol long painim gutpela sindaun. Gavman i ken helpim ol long givim trening o skil long ol we dispela bai helpim ol yet long lukautim ol.

Ol lidaman long ples na ol kansila bilong ples Mumeng, Bulolo na Wau i bin stap insait long dispela bikpela dei na ol i tok klostu taim, ol tu bai holim wankain progrem bilong ol long lusim gan na ol samting bilong kamapim birua.

Dispela em wanpela han mak bilong komyuniti Jastis senta o CJLU, we aweanes bilong ol i karim kaikai. Bihain long planti nait ol ino silip na kaikai gut, nau kaikai bai swit na ol ken silip longpela aua. Bai ino gat nois na ol kar na manmeri bai ron fri igo ikam.

Wok bilong gavman nau long luksave long dispela wok bung bilong komyuniti na ol yangpela na painim sampela sevis we bai helpim ol long kisim nupela laip na wok long strongim na developim kantri igo het.

PNG em i gat 30 krismas pinis na nau yumi olgeta - yu bikman o bisnis man, politisen o fama, kopi baia o wokman meri bilong gavman opis, long bungim han na tingting na plenim olsem kantri bai i olsem wanem long 30- yias bihain.

Memba bilong palamen, husait i maus man bilong ol pipol na gavman mas sindaun na givim tingting long dispela rikwes bilong ol yangpela.

Ol enimol tu mas kisim balens kaikai olgeta de - NARI wokman

James Kila i raitim

OL ENIMOL we ol manmeri i save lukautim long ples na haus-lain olsem kakaruk, pik, memek, sipsip na pato i mas kisim balens kaikai olgeta de long stap fit na helti.

Taim ol dispela enimol i kisim helti na balens kaikai olgeta de ol bai gro bikipela hariap na taim ol i redi, tru tumas taim yu kilim na kaikai ol mit bilong ol bai swit tru.

Dispela em wanpela gutpela na strongpela toktok tru wanpela wokman bilong Nesanel Agrikalsa Risets Institiut (NARI) nem bilong em Leka Stanley i bin mekim taim em i bin soim eksibisen bilong em long NARI fil-de we i bin kamap long Aiyura i no long taim i go pinis.

"Balens kaikai i min olsem ol enimol mas kisim gutpela enejj kaikai, protin na tu ol kaikai long helpim gro bilong ol. Ol dispela kaikai em yumi ol manmeri i mas save pas-

taim na mipela i givim ol dispela enimol," Stanley i tok.

Planti ol manmeri husat i bin go long dispela fil-de long Aiyura i bin ai-op stret long ol toktok dispela man i givim. Em i tokim ol tu olsem taim ol yet i kamapim ol stok-fid bilong ol yet long ples ol bai kisim gutpela profit taim ol i lukautim kakaruk o poltri projek long ples.

Stanley i save wok long NARI stesin long Labu klostu long Lae long Morobe provins tasol em i bin go long Aiyura long givim dispela gutpela tingting i go long ol lain smolholda fama long Hailans rijen.

Em i tok olsem ol manmeri long ples yet i ken kamapim ol kaikai bilong ol enimol we prais bilong em i daunbilo taim ol yet i yusim ol kaikai bilong gaden bilong ol yet. Em i tok nau yet prais bilong stok-fid long stua i antap tru olsem na ol manmeri i mas painim gutpela rot long kamapim lokal stok-fid bilong ol yet.




Foto: JAMES

BUS KAIKAI: NARI wokman LEKA Stanley i yusim grainda long memeim ol drai kaukau long wokim kaikai bilong kakaruk na pato.

Em i tokaut olsem ol manmeri i mas save tu olsem ol enimol i wankain olsem yumi ol man na ol tu i mas kisim balens kaikai long helpim na strongim bodi bilong ol.

Taim Stanley i go long Aiyura em i karim wanpela liklik masin ol i kolim grainda we em i yusim long memeim ol gaden kaikai olsem soya bin, kaukau, rais bren, kasa-

va na kon. Ol dispela kaikai em i bin draim long san na ol i drai na em i yusim long mekim grein long kamapim kaikai we ol enimol i ken kaikai.



Bank of Papua New Guinea

BOOK SALE


The public is advised that the book titled **MONEY & BANKING IN PAPUA NEW GUINEA** published by Bank of Papua New Guinea is on sale for K15.00.

The scope of the book is broader than it's titled would suggest.

Sale is between Monday - Friday from 9.00 am to 2.00pm either by order, cash or bank cheque. **Strictly No Personal Cheques.**

Topics Cover

- Banks and banking, monetary policy and economic conditions in PNG



This book is a recommended text book for top-up schools, high schools and universities

Contact

Public Information Unit, Economics Department, 3rd Floor ToRobert Haus, Douglas Street, P O Box 121, PORT MORESBY, Papua New Guinea Telephone: (675)322 7326/322 7332/ 322 7335 Facsimile: (675) 320 0757/321 1617 Email: edawana@bankpng.gov.pg Website: www.bankpng.gov.pg



OFFICIAL ORDER FORM

TO: Public Information Unit
Bank of Papua New Guinea
P. O. Box 121 Port Moresby, Papua New Guinea
Telephone: (675) 322 7326/322 7332/322 7335
Facsimile: (675) 320 0757/321 1617

Name _____ Mr. Mrs. Ms. Dr.

Address _____

Telephone _____ Facsimile _____

Email _____

Please accept my payment for Money and Banking Text Book (ISBN 9980-85265-9)

Quantity	Price	Postage Charge	Total Price
1	K15.00	K20.00	K35.00
2	K30.00	K40.00	K70.00
3	K45.00	K60.00	K105.00

I enclosed a cheque for K _____ payable to Bank of Papua New Guinea for _____ copies of the book.

Signature: _____

Date: _____

OI PNG Kopirait Lo i lukluk long pairasi o nogat?

IGAT wanpela bikpela hevi tru i ken kamap we yumi bai lukim moa yangpela manmeri i nogat wok, bikpela hap takis bilong gavman bai lus, ol liklik rekoding studio bai pas long wanem ol bai nogat moni, na stendat o kwolati bilong musik bilong yumi bai bagarap olgeta.

Olgeta dispela samting bai kamap long wanem ol musik atis bilong yumi bai no inap kisim royalti insait long 5-pela yia antap sapos i nogat wanpela bikpela wok i kamap long daunim hevi bilong pairasi insait long PNG.

Pairasi em taim ol manmeri bilong pablik i kisim ol kaset na musik bilong ol rekoding atis na ol i rekodim ol yet na salim. Taim dispela i save kamap, ol musik atis yet i no save kisim pe bilong musik bilong ol. Nogat.

Dispela kain wok em i wanpela bikpela hevi i wok long brukim lo na em i wok long gro i go bikpela moa yet na i nogat moa luksave long ol PNG Kopirait Lo we i kamap long tnum Julai 2000 yet.

Ol saveman yet i tokaut olsem ol dispela kopirait lo i no givim banis long ol musik atis bilong yumi.

Em bai olsem wanem nau? Ol kopirait lo bilong yumi i gat banis agensim dispela stil pasin bilong pairasi? Sapos i gat banis i stap, bilong wanem na ol lain i lukautim i no mekim samting bilong daunim dispela hevi bilong pairasi?

Tokwin i raun nau i tok olsem dispela hevi i ken go bikpela moa long 2006 taim Sief Rejistra bilong Gavman long ol Kopirait Lo, Gai Araga i lusim gavman sevis wok long pinis bilong dispela yia.

Pairasi i kru pinis long PNG


Strong bilong Kopirait Lo na pasin pairasi i stap we wanpela em i banis bilong narapela. Tasol dispela tupela samting i wok long pait long taim tru long kain kain ol arapela rot na long kain kain hap long wol. Tasol nau em i stap pinis long PNG.

Tupela bikpela kampani bilong soim ol muvi piksa, Home Boks Opis (HBO) na Star Muvis i wok long mekim ol wok aweanes long pait agensim pasin bilong stilim ol intanesenel muvi piksa na musik na strongim tingting bilong ol lain husat i save yusim long pait agensim dispela kain pasin na noken baim ol dispela giaman piksa.

HBO i save askim ol kastoma bilong en long 'tok no long pairasi' na Star Muvis yet i wok long yusim Arnold Schwarzeneger (man i ekt olsem Temineta) na Kung Fu man Jackie Chan long toktok agensim pasin pairasi. Insait long liklik tok-save bilong ol, Jackie i save tok, "sapos yu baim ol muvi na musik ol i stilim, yu wok long sapotim ol stil man." Na Arnold yet i save tok, "Yumi teminetim tasol."

PNG mas daunim

PNG i mas kisim gutpela toktok



GIAMAN CD: Nau kain kain manmeri i ken baim ol K2 CD na rekodim ol musik na muvi piksa long laik.



DAUNIM PAIRASI: Insait long planti kantri nau ol gavman i wok long pait agensim dispela kain stil pasin. Tasol gavman bilong yumi i no luksave yet.

bilong dispela tupela man long wanem dispela hevi i stap pinis na wankain olsem HIV/AIDS, pairasi i wok long gro hariap tru. Na mi yet mi sem long wanem i luk olsem gavman i no mekim wanpela samting bilong daunim dispela hevi.

Ol opis bilong erf olsem Kopirait Sekreteriet bilong IPA, PNG Sensasip Bot, IRC Kastoms, Indipenden Konsuma na Kompetisen Komisin (ICCC), Polis na ol arapela i aipas na mauspas long dispela kain samting. Na i nogat wanpela bikpela wok i kamap long pait agensim na stopim dispela hevi long kamap moa insait long kantri. Planti long ol dispela kain samting i save kam long Esia.

Pairasi i save kilim nem

Pairasi i save daunim strong na nem bilong musik atis, kwolati bilong en, nem bilong kampani na mekim ol musik na piksa i kamap lo gret o prodak. Tasol ol i save salim yet long bikpela moni olsem

ol tru tru musik na muvi. Dispela i save daunim stret nem bilong ol musik atis o muvi piksa.

Mi bai glasim hevi dispela kain pasin i wok long kamapim long ol lokol musik atis bilong yumi husat i wok long lusim bikpela moni tru long dispela kain pasin. Ol lain tumbuna atis bilong yumi tude tu i wok long pundaun long dispela hevi.

Nau we yumi olgeta i gat save long ol kain kain nupela masin, kain kain manmeri i ken mekim kopi bilong ol musik na muvi long ol CD o DVD bilong ol poroman. Yu ken kisim ol tumbuna disain o piksa na yusim kompyuta long putim i go long singlis o laplap.

Yumi lukluk pastaim long PNG musik na ol lain i save mekim, na tu lukluk long ol nupela masin we ol yangpela i save yusim long mekim kopi na rekodim musik long laik bilong ol na ol i no save tingting long ol lain i hat wok long rekodim ol dispela musik.

Olgeta de bai yu ken painim ol musik albam bilong ol PNG musik

pela nem bilong PNG musik we ol lokol atis yet i kamapim insait long tripela ten krismas i go pinis bai lus nating.

Maketing na Etvataising Menesa bilong CHM, Aaron Chin i tok i gat bikpela wok kamap long lokol musik pairasi long ol lain husat i wok long rekodim nating ol PNG musik albam na salim wan wan long K10 long haus bilong ol yet. Planti long ol dispela musik albam i no stap long CD yet.

"Dispela i save bagarapim olgeta manmeri. Musik atis, pablisa, ol rekoding studio na pablik tu taim ol i baim musik we i no gutpela kwolati. Sapos mipela i no stopim dispela kain stil pasin, bai musik indastri bilong yumi i bagarap," Aaron i tok.

CHM yet i save lusim bikpela hap moni tru taim ol manmeri i save rekodim ol PNG musik albam na salim nabaut long ol arapela Pasifik Ailan kantri.

I no long taim bai ol musik atis i les long rekodim ol musik albam na ol bai les long mekim musik moa.

Aaron Chin yet i tok olsem long daunim dispela hevi bilong pairasi, ol i toktok long ol loya bilong ol long painim rot long daunim olgeta. Ol i askim Glasim Musik long halivim kampani long painim ol arapela rot long daunim dispela pasin pairasi tu.

"Ol lain husat i wok long mekim moni long musik bilong ol PNG atis em ol stil man husat i wok long rekodim ol dispela musik."

Aaron i tok CHM na midia i mas wok bung wantaim long skulim ol musik atis, planti long ol em ol gras ruts lain husat i nogat wok. Ol produsa bilong ol long ol liklik studio tu i mas save wanem samting i wok long kamap long banisim gut ol musik atis.

"Mipela i mas save long wanem rot stret ICCC i ken sapotim mipela na banisim mipela long dispela hevi."

Ol pairasi muvi piksa

Em i wankain tu long sait bilong ol muvi piksa. Nau yet yumi long PNG i no inap tok olsem mipela i save mekim ol bikpela muvi piksa. Tasol tude bai yu ken lukim ol kain kain nupela muvi i save kam long Esia na i pulapim PNG maket em ol muvi we ol i rekodim na i no gutpela kwolati. Na i nogat ol lami wok long mekim wok long stopim ol.

Ol stua papa tu i wok long pasim ai tasol na baim yet na salim gen long ol PNG.

Tasol dispela pasin i mas stop na PNG musik indastri i mas singaut strong long ol gavman atontu long mekim samting bilong daunim dispela stil pasin bilong pairasi.

****Yu ken ritim ol stori bilong Musik olgeta Mande insait tasol long The National**



atis i sindaun insait long ol liklik stua nabaut. Tasol sapos yu lukluk gut, bai yu lukim olsem ol dispela musik em ol i rekodim long ol dispela kain CD we yu ken baim long K2 tasol o ol bleng kaset we yu ken baim long K3 na i nogat ol bikpela nem. Insait karamap pepa bilong em ol i save potokopim tasol na suvim i go insait. I no save stap long kala tu. Em i save stap long bilak na wait tasol.

Sapos yu sekim prais bai yu lukim olsem ol stua i save putim prais bilong ol yet long en.

Wok painimaut

Glasim Musik i bin mekim wanpela wok painimaut long ol musik samting insait long wanpela ten 4 stua insait long Mosbi siti, na tru tumas, planti long ol kaset na CD insait long ol stua em ol i pairasi kopi tasol. Planti long ol em ol bikpela Holiwut muvi we ol i save rekodim wantaim kamera taim ol i soim insait long ol bikpela piksa haus na bihain rekodim i go long ol CD na salim i kam long PNG wantaim tok ples saina long en.

Planti long ol stua kipa tu i maus pas taim mipela askim ol long tok klia long ol dispela samting.

Namba wan bikpela musik pablisa na distributa insait long kantri, Chin H Meen i wok long lusim bikpela moni tru long dispela kain pasin.

Ol manmeri i save baim wanpela CD o kaset tasol na bihain ol i save go rekodim na salim ol gen long ol bikpela prais.

Long dispela as tasol na ol musik atis ol yet i no save kisim wanpela long dispela ol moni.

Tasol i no CHM na ol musik atis tasol husat bai karim dispela hevi. Wok i go long ol yut tu bai sot taim moa musik atis i lusim wok bilong ol taim ol studio i pas. Ol studio bai no inap mekim moni moa, na gut-

Raun wantaim Kanage olgeta wik



YUMI FM NATIONAL WEEKLY HITPARADE DESEMBA 17, 2005

Table with 3 columns: Singing, Musik Atis, Dispela Wik. Lists artists and their song titles with corresponding rank numbers.

CATHOLIC RADIO 103.5 FM

Table with 3 columns: Fonde, Fraide, Sarere, Tunde, Trinde, Sande. Lists program names and their scheduled times for various days.

TV GAID EM TV

Table with 3 columns: FONDSE 15 DESEMBA 2005, FRAIDE 16 DESEMBA 2005, SARERE 17 DESEMBA 2005, SANDE 18 DESEMBA 2005. Lists TV programs and their broadcast times.





Bisnis bilong Groim Diwai insait long PNG - Planim diwai long ol renfores eria

Rot bilong groim ol spisis diwai i save groa insait long PNG

Nem bilong en: Kwila

Ples we em i save groa:

Kwila i gat tripela spisis na em i save groa long Madagaska, Esia, Melesia, Australia na ol Pasifik Ailans. Long PNG, kwila i save groa long ol ples daun long as bilong ol bikpela maunten o insait long ol ples tais. Em i save kamap namel long ol arapela ples tu. Kwila i save laikim ren we i save pundaun long moa long 2000 milimita long wanpela yia na i save groa insait long ol praimer i olpela sekenderi fores na em i ken groa insait long kain kain graun.



Taim bilong karim plaua:

Kwila i save karim flaua olgeta yia tasol em i save karim moa flaua long mun Ogas long Madang.

Bungim na prosesim ol sit:

Kwila i save karim planti pikinini tu olgeta yia. Yu ken rausim ol pikinini bilong em taim ol i stap long diwai yet, o yu ken kisim long graun. Ol skin bilong sit em yu mas drain inap long tripela de pastaim bai ol i bruk. Yu mas pasim gut insait long kontena we win i no inap go insait.

Rot bilong groim insait long neseri: Sit i mas i gat namel long 9 na 11 de long kru. Tasol sapos yu stretim pastaim, em i ken kru namel long 2 na 5 de. Long mekim em i kru kwik taim, skirapim skin bilong en na putim insait long wara. Yu mas planim sit wantaim het bilong em i go daun bai skin bilong sit i ken bruk na lus taim em i brukim graun i kam ausait.

Ol wok traim long kain kain rot bilong groim i wok long go het.

Wanem kain diwai:

Kwila em i wanpela namel sais diwai. Longpela bilong em inap long 20 na 30 mita samting na namel bilong em i ken groa inap long 250 sentimita. Skin diwai bilong em i ret na braun. Insait skin diwai bilong em i lait braun na timba bilong em i yelo braun o ret braun. Ol lip i longpela. Ol flaua bilong en i gat ol waitpela lip na ret-pela bun. Ol liklik binatang i save laikim tru na ol i save karim mit bilong flaua long maritim diwai. Sid i save stap insait long wanpela dak braunpela drai skin.

Rot bilong yusim:

Kwila em i wanpela bikpela komesel timba spisis. Sampela taim ol i save kolim merbau. Ol i ken yusim timba bilong ol long mekim kain kain samting bilong insait long haus na ausait. Ol i save yusim moa long mekim ol sia na tebol samting long wanem em i strong moa na i ken stap longtaim. Long ol bikpela wok, ol i save yusim bilong mekim haus, ol bot na ol arapela bikpela samting. Skin diwai na lip bilong en em ol i save yusim olsem marasin na sit bilong em tu em yu ken yusim bhain long yu stretim gut.

MCCARTHY & ASSOCIATES (FORESTRY) PTY. LTD.

National & International Forest Consultants

mccaf@datec.net.pg

"Long kisim tok stia long olgeta wok diwai"

Nupela bakstoa bilong gaden kaikai na prut bai op long Kainantu



PRES KUMU PULAP KAPSAIT: Nesenel Agrikalsa Risets Institut (NARI) antap long Aiyura i bin holim wanpela open de na ol i soim strong bilong Hailans rijen long kamapim ol gutpela pres kumu na ol arapela gaden kaikai.

James Kila i raitim

WOK plen i kamap pinis long opim wanpela nupela pres prut na gaden kaikai bakstoa long Kainantu insait long Isten Hailans provins.

Dispela bakstoa o depo bai bungim ol gaden kaikai na prut we i kam long Hailans rijen em ol bai salim i go long olgeta hap bilong kantri na tu long ovasis.

Jenerel Menesa bilong Fres Prodius Developmen Ejensi (FPDA), Robert Lutulele i bin tokaut long dispela i no long taim i go pinis insait long Nesenel Agrikalsa Risets Institiut fil de we i bin kamap long Aiyura long Isten Hailans provins.

Mista Lutulele i tokaut olsem ol i bin makim Kainantu bikos em i stap namel tru na narapela samting em i maus-rot bilong Hailans rijen. Olsem na taim ol i

bungim ol gaden kaikai bilong Hailans rijen ol i ken karim long trak igo daun long Lae na sip i ken isi long karim i go. Narapela samting tu em sapos ol i laik yusim balus i ken pikim ol dispela samting long Nadzab ples-balus long Lae na karim i go sapos ol kastoma long ovasis i laikim kwiktaim.

Jenerel Menesa bilong FPDA i tokaut tu olsem dispela bikpela projek bilong wokim kamap bakstoa bilong gaden kaikai na prut bai kamap long stat bilong neks yia 2006. Tasol em i tok tu olsem kampani bilong em i wok long stretim toktok wantaim ol lain long Dipatmen bilong Lens o lain bilong lukautim graun na tu sampela ol lain papa-graun long Kainantu taun long redim ples we dispela nupela bakstoa o depo bai i stap long en.

Dispela fil de long

Aiyura we i bin kamap long Obura-Wonenara distrik opis i bin lukim moa long 2,000 ol fama i bin bung long lukim ol planti ol kain kain dispela em ol lain risets institut we i save stap long Aiyura veli i bin soim kamap.

Bikpela het-tok bilong dispela fil-de em "Agriculture - Prosperity Through Self Reliance" Long Tok Pisin dispela i min olsem "Agrikalsa - Gohet strong taim yu wan wan i helpim yu yet long mekim wok"

Mista Lutulele i tokaut tu olsem dispela bakstoa em wanpela bikpela projek tru insait long Hailans rijen na PNG olsem na ol pipel bilong Kainantu na Hailans rijen i mas amamas.

Em i tok bikpela tingting bilong FPDA em long bringim ol fama i go klostu long wok wantaim FPDA long saplaim ol gaden kaikai i go long

dispela bakstoa o depo long Kainantu.

Mista Lutulele i tok tu olsem FPDA i wok long karimaut sampela kain i trening pinis long helpim ol liklik ol famas long ples na hauslain insait long Kainantu na Hailans rijen long pasin bilong wok bung wantaim na saplaim gaden kaikai na ol prut bilong ol insait long kain wok bilong koporetiv.

Em i mekim bikpela singaut tu i go long olgeta liklik ol fama insait long Hailans rijen na PNG long wok bung wantaim insait long koporetiv long maketim ol gaden kaikai bilong ol na kisim moni long helpim sindaun bilong ol insait long ples na hauslain komyniti.

Mista Lutulele i mekim narapela bikpela toktok tu olsem dispela ol skul ol i givim em long helpim ol fama long kisim gutpela skul long kamapim gutpela kaikai em ol kastoma i laikim. Narapela samting tu em ol fama i mas lainim long redim gut ol dispela kaikai na ol bai no inap bagarap na i ken stap long taim.

Mista Lutulele i tok olsem insait long PNG i gat bikpela maket bilong pres prut na gaden kaikai. Tasol long lukluk bilong em, em i lukim olsem ol lain ejensi bilong gavman olsem Nesenel Agrikalsa Risets Institiut, Dipatmen ov Agrikalsa na Laipstok i mas wok klostu long sait bilong extensin wantaim ol liklik famas long ples na hauslain.

Cat D3G, D4G, D5G, Track-Type Tractors

Rugged construction, outstanding reliability - everything you expect from Caterpillar and more!



Outmanoeuvre every job you tackle.

A single lever joystick controls speed, direction and steering on Cat "G" Series III Hystat Track-Type Tractors. Full powerturn capability is made possible by maintaining power to both tracks at any ground speed or turning radius.

- **Power Train** - Offering powerful six cylinder Cat 3016 engine that provides the power you expect from Cat tractors, and the productivity you need to increase your profitability
- **Undercarriages** - Undercarriages are rugged with strong, durable components for long wear life and lower costs.
- **Operator Stations** - Excellent visibility down to the cutting edge, ergonomically designed controls and fully adjustable armrests for optimum comfort and productivity.

Hastings Deering



PORT MORESBY

Group 10, 11, 12, 13, 14, 15, 16, 17, 18, 19, 20, 21, 22, 23, 24, 25, 26, 27, 28, 29, 30, 31, 32, 33, 34, 35, 36, 37, 38, 39, 40, 41, 42, 43, 44, 45, 46, 47, 48, 49, 50, 51, 52, 53, 54, 55, 56, 57, 58, 59, 60, 61, 62, 63, 64, 65, 66, 67, 68, 69, 70, 71, 72, 73, 74, 75, 76, 77, 78, 79, 80, 81, 82, 83, 84, 85, 86, 87, 88, 89, 90, 91, 92, 93, 94, 95, 96, 97, 98, 99, 100

	PHONE	FAX
LAE	521 2211	521 2212
TABUBIL	521 2211	521 2212
RABAUL	521 2211	521 2212
LIHIR	521 2211	521 2212
KIMBE	521 2211	521 2212

Product Commitment.
We deliver.

TOK PISIN NEWS
from Radio Australia
radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service
6am - 7am
5995; 6020; 9710; 12801KHZ

RADIO TOK PISIN PROGRAM	
TUNE IN: 101.9 FM	
Radio Australia Tok Pisin Program - stat long mun Mas 2005	
MANDE Moring	
6AM	Stesen Op - Nius Hettlain - Musik na ol intaviu
6.30AM	Nius na Karent Afes
7AM	Stesen Pas
Nait	
7PM	Stesen Op
7.01PM	Oi Hettlain na Program Priviu
7.15PM	Spots
7.30PM	Nius na Karent Afeas
8PM	Hett
8.15PM	Musik
8.30PM	NIUS
8.40PM	Spots Riplei
8.55PM	Musik
9PM	Stesen Pas
TUNDE Moring	
6AM	Stesen Op - Nius Hettlain - Musik na ol intaviu
6.30AM	Nius na Karent Afes
7AM	Stesen Pas
Nait	
7PM	Stesen Op
7.01PM	Oi Hettlain na Program Priviu
7.15PM	Musik na Chit-Chat
7.30PM	Nius na Karent Afeas
8PM	Mama Graun
8.15PM	Musik/Spots
8.30PM	NIUS
8.40PM	Hett Riplei
8.55PM	Musik
9PM	Stesen Pas
TRINDE Moring	
6AM	Stesen Op - Nius Hettlain - Musik na ol intaviu
6.30AM	Nius na Karent Afes
7AM	Stesen Pas
Nait	
7PM	Stesen Op
7.01PM	Oi Hettlain na Program Priviu
7.15PM	Musik na Chit-Chat
7.30PM	Nius na Karent Afeas
8PM	Focus
8.15PM	Musik/Spots
8.30PM	NIUS
8.40PM	Mama Graun Riplei
8.55PM	Musik
9PM	Stesen Pas
FONDE Moring	
6AM	Stesen Op - Nius Hettlain - Musik na ol intaviu
6.30AM	Nius na Karent Afes
7AM	Stesen Pas
Nait	
7PM	Stesen Op
7.01PM	Oi Hettlain na Program Priviu
7.15PM	Musik na Chit-Chat
7.30PM	Nius na Karent Afeas
8PM	Youth
8.15PM	Musik/Spots
8.30PM	NIUS
8.40PM	Focus Riplei
8.55PM	Musik
9PM	Stesen Pas
FRAIDE Moring	
6AM	Stesen Op - Nius Hettlain - Musik na ol intaviu
6.30AM	Nius na Karent Afes
7AM	Stesen Pas
Nait	
7PM	Stesen Op
7.01PM	Oi Hettlain na Program Priviu
7.15PM	Musik na Chit-Chat
7.30PM	Nius na Karent Afeas
8PM	Wantok
8.15PM	Musik
8.30PM	NIUS
8.40PM	Youth Riplei
8.55PM	Musik
9PM	Stesen Pas
SARERE Nait	
7PM	Stesen op - Oi Nius Hettlain/Program Priviu
7.05PM	Musik na Chit Chat
7.30PM	Nius
7.40PM	Wantok
8PM	Lokal Ben
8.30PM	Nius
8.40PM	Musik/Chit Chat
9PM	Stesen Pas
SANDE Nait	
7PM	Stesen op - Oi Nius Hettlain/Program Priviu
7.05PM	Musik na Chit Chat
7.30PM	Nius
7.40PM	Femuli Blong Serah (Redio Plei)
8PM	Lukluk Bek Long Wik
8.30PM	Nius
8.40PM	Musik/Chit Chat
9PM	Stesen Pas

TOKSAVE: YU KEN HARIM RADIO AUSTRALIA TOK INGLIS LONG 24 AUA 7 DE LONG WAN WIK.

PACIFIC BEAT

Ol bipo ami man bilong Fiji stap yet long Bogenvil

DISPELA stori long ol bipo ami man long Fiji long Bogenvil i wok long go yet long dispela wik namel long ol ripot olsem 6-pela long dispela 8-pela man husat i go long Bogenvil i les long lusim ailan. I gat bilip olsem dispela 8-pela man i bin kam long wok long Noah Musingku, man husat i go pas long long kamapim dispela moni skim, U-Vistrak we ino wok. I gat moa bilip olsem dispela ol man i bin givim ol man husat i behainim Mista Musingku wantaim kain trening ol ami save wokim, tasol dispela bipo soldia tok ol i kam long ailan olsem wokman bilong sios.

Husat i Askim:
Caroline Tiriman

Husat i Bekim:
Sir Rabbie Namaliu, PNG's Minista long Foren Afes na Tred na Joseph Bemu, Bogenvil Polis Komanda

TIRIMAN: Tupela long dispela 8-pela bipo soldia i stap nau long Pot Mosbi na wok long mekim ol narapela 6-pela long lusim Bogenvil ino wok. Ol lokol atoroti long Bogenvil i tok ol lain insait long komyuniti wok long pilim likluk hevi taim dispela 6-pela lain Fiji i stap yet long ailan. Ol ripot i kam long nius man long PNG i tok bipo soldia, man husat i part wantaim PNG Defens Fos long taim long

Bogenvil hevii nau wok long wokim ol tok olsem ol bai kamapim meknais na kisim lo insait long han bilong ol yet long fosim ol lain Fiji long lusim Bogenvil.

Taim Caroline Tiriman i askim sapos dispela ol meknais tok bai kamap tru tru, Bogenvil Polis Komanda, Joseph Bemu glasim toktok na givim bekim.

BEMU: Mi laik tok ol hap tok tok long ol bipo soldia bai kisim lo insait long han bilong ol yet ino tru.

Ol soldia bilong bipo stap long gavman bikos ol i gat ilektet minista bilong ol na long dispela, gavaman long Bogenvil i lukautim ol na ol i bai behainim laik long gavman long Bogenvil. I mas dispela hap tok ino tru, mi bai no nap tok aut o toktok long dispela bikos dispela gavman nau long Bogenvil i save tru long laik bilong ol long i no lusim Bogenvil. Dispela tingting olsem oli bai kisim lo insait long han bilong ol yet ino stret.

Ol rebel i tok ol Fiji i mas lusim ailan

OL MILITEN grup insait long Bogenvil provins blong Papua New Guinea i mekim wanpela askim long rausim 6-pela olpela Fiji soldia insait long Tonu long south hap blong ailan.

Fiji televisen i ripot olsem ol i bilip dispela olpela soldia i wok long givim training long lain sekuriti long lukautim man i go pas long dispela pyramid

TIRIMAN: Komanda, olsem wanem wantaim polis fos bilong yu yet? Bai yu inap long go insait long Bogenvil na rausim ol lain Fiji?

BEMU: Em bai hat bik os dispela ol lain i gat gan na polis long Bogenvil ino gat gan na tu planti taim dispela ol lain i save tok hap graun bilong i no-go zon o ples we ol man bai ino nap long go.

Mipela i no nap long go insait long dispela kain hap sapos mipela i nogat gan bikos em bai gat planti hevi. Dispela samting nau ino stret long olgeta man.

TIRIMAN: Long narapela sait, Foren Afeas na Imigresen Minista bilong PNG i tok olgeta gavman long Fiji i wok long wok hat tru long painim bekim long dispela hevi.

Sir Rabbie Namaliu i tok ol Fiji i mas brukim sampela lo olsem long sait long imigresen na sekuriti o was wok.

scheme, Noah Musingku.

Radio New Zealand i ripot Autonomous Bougainville Gavaman i tok em i laik bai olgeta Fiji i lusim provins long Desemba 20 taim visa blong ol i pinis taim.

Tokman blong Gaman, Peter Sawyer, itok bihain long dispela taim, em inonap tok stret sapos ol dispela olpela Fiji soldia bai ol i orait oa nogat.

NAMALIU: Dispela hevii moa long imigresen hevi bikos nau kamap olsem sekyurati samting-samting we polis i stap namel long en wantai tupela gavman, atonomas gavman na nesanel gavman.

Imigresen i wanpela samting we i kamap bikos long sait bilong visa o hap pepa long larim yu stap long kantri. I gat ol narapela samting we mipela mas lukuk long olsem Benkin na Faines Ekt we i lukluk long dispela mani bisnis U-Vistrak bilong Noah Musingku. Antap long dispela i gat hevi long sait bilong lo na oda.

Dispela samting, ol Nesanel Sekyuriti Kaunsel long nesanel levul i lukluk long en wantaim departmen bilong mi na tu wantaim atonomas gavman long graun.

TIRIMAN: Minista, sapos ol bipo soldia bilong Fiji i wok long stron yet long stap long Bogenvil, bai olsem wanem nau?

NAMALIU: Na gavman long Fiji i narapela long dispela hevi. Oli wok long wok klostu wantaim mipela, dispela hevi i luk olsem emi semi ol tu bikos ol i no bin save long dispela hevi taim igo dispela ol lain i bin luk save long graun.

Olgeta samting we mipela i mekim i long lukim olsem ol bai go. Gavman long Fiji wok long helpim mipela long dispela hap wok.

Pacific BEAT Listen to Radio Australia 101.9FM Port Moresby

4, 5, 6am & 4pm, 5pm including sport

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.

<p>RAGBI LIG CASPAR WOLLOM SOKA TONAMEN (ATS ORO VILLAGE) Sarere - Disemba 17, 2005</p> <p>08:00 Musa 1 vs Furguson 2 PA 09:00 Tufi 2 vs Kusebo 1 PB 10:00 Furgusen 1 vs Ioma 2 PA 11:00 Kokoda 2 vs Afore 2 PB 12:00 Kusobo 2 vs Kokoda 1 PB</p> <p>1:00 Furguson 2 vs C/Kaiva 1 PA 2:00 Ioma 2 vs Afore 1 PA 3:00 Musa 2 vs Kusebo 2 PA 4:00 Tufi 2 vs Furguson 2 PB 5:00 C/Kaiva 1 vs Afore 1 PA</p> <p>Sande -Disemba 18, 2005</p> <p>08:00 Kusebo 1 vs Kokoda 2 PB 09:00 Ioma 1 vs Afore 2 PB 10:00 Tufi 1 vs Kusebo 2 PA 11:00 Musa 2 vs Afore 1 PA 12:00 Ioma 2 vs Kokoda 1 PB</p> <p>1:00 Furguson 1 vs C/Kaiva 2 PB 2:00 Kokoda 2 vs Afore 1 PB 3:00 Furguson 2 vs Ioma 1 PA 4:00 Musa 1 vs Afore 2 PB 5:00 Tufi 2 vs Musa 2 PB</p>	<p>4:00 Musa 1 vs Afore 2 PB 5:00 Tufi 2 vs Musa 2 PB</p> <p>MORATA RAGBI LIG Sarere - Disemba 17, 2005</p> <p>C Gret 09:00 Comm Tigers vs West Kanges 09:30 Hawks vs Talapia Magpies 10:00 Gateway Sharks vs Eastern Eels 10:30 Giburi Raiders vs M3 Bulldogs 11:00 Mumuts vs Megusa Brothers 11:30 Wata Rangers vs Kongo Ratz 12:00 Northern Warriors vs Newtown</p> <p>Knights B Gret 12:30 Comm Tigers vs West Kanges 1:10 TS Hawks vs Talapia Magpies 1:50 Gateway Sharks vs Eastern Eels 2:30 Giburi Raiders vs M3 Bulldogs</p> <p>A Gret 3:10 Wata Rangers vs Kongo Ratz 4:00 Northern Warriors vs Newtown</p> <p>Knights Sande - Disemba 18, 2005</p> <p>B Gret 09:00 Mumut vs Megusa Brothers</p>	<p>09:40 Wata Rangers vs Kongo Ratz 10:20 Northern Warriors vs Newtown</p> <p>Knights A Gret 11:00 Comm Tigers vs West Kanges 11:50 TS Hawks vs Talapia Magpies 12:40 Gateway Sharks vs Eastern Eels 1:30 Giburi Raiders vs M3 Bulldogs 2:20 Mumuts vs Megusa Brothers 3:30 Morata 1 Maruns vs Morata 2 Blues</p> <p>VOLIBOL CASPAR WOLLOM VOLIBOL TONAMEN (ATS ORO VILLAGE) Sarere - Disemba 17, 2005</p> <p>08:00 Musa 1 vs Furguson 2 PA 09:00 Tufi 2 vs Kusebo 1 PB 10:00 Furgusen 1 vs Ioma 2 PA 11:00 Kokoda 2 vs Afore 2 PB 12:00 Kusebo 2 vs Kokoda 1 PB</p> <p>1:00 Furguson 2 vs C/Kaiva 1 PA 2:00 Ioma 2 vs Afore 1 PA 3:00 Musa 2 vs Kusebo 2 PA 4:00 Tufi 2 vs Furguson 2 PB</p>	<p>5:00 C/Kaiva 1 vs Afore 1 PA Sande - Disemba 18, 2005 08:00 Kusebo 1 vs Kokoda 2 PB 09:00 Ioma 1 vs Afore 2 PB 10:00 Tufi 1 vs Kusebo 2 PA 11:00 Musa 2 vs Afore 1 PA 12:00 Ioma 2 vs Kokoda 1 PB</p> <p>1:00 Furguson 1 vs C/Kaiva 2 PB 2:00 Kokoda 2 vs Afore 1 PB 3:00 Furguson 2 vs Ioma 1 PA 4:00 Musa 1 vs Afore 2 PB 5:00 Tufi 2 vs Musa 2 PB</p> <p>MORATA WOMENS VOLIBOL KOMPETISEN Sarere - Disemba 17, 2005</p> <p>B Gret 12:00 Comm Tigers vs West Kanges 12:30 TS Hawks vs Talapia Magpies 1:00 Gateway Sharks vs Eastern Eels 1:30 Giburi Raiders vs M3 Bulldogs 2:00 Mumuts vs Megusa Sisters 2:30 Wata Rangers vs Kongo Ratz 3:00 Northern Warriors vs Newtown</p> <p>Knights A Gret - Kot 1 12:00 Comm Tigers vs Kanges 12:30 Gateway Sharks vs Eastern Eels 1:00 Mumuts vs Megusa Sisters 1:30 Northern Warriors vs Newtown</p> <p>Knights 2:30 Morata 1 Maruns vs Morata 2 Blues</p> <p>A Gret - Kot 2 12:00 TS Hawks vs Talapia Magpies 12:30 Giburi Raiders vs M3 Bulldogs 1:00 Wata Rangers vs Kongo Ratz</p>	<p>09:00 KCC vs OS Hoods KCC Meri (25 Overs) 12:30 TST Coasters vs Bowmans Dogura MB 08:10 Chubb United vs KCC HMS 2</p> <p>Sande - Disemba 18, 2005 A Gret (2 De Tropi) 10:00 OS Hoods vs Chubb United Amini 10:00 TST Coasters vs Bowmans Dogura Colts B Gret (40 Overs) 12:30 Mobil Steamships vs KCC STC 12:30 Lamana Mariners vs Curries Nomads 12:30 TST Coasters vs Sup. Aroma Coast MB 12:30 Taora vs PB Cheung HMS 2</p> <p>Anda 19 (30 Overs) 08:10 Mobil Steamships vs BNG P/Porena STC 08:10 Lamana Mariners vs OS Hoods Nomads 08:10 Chubb United vs Raukele MB 08:10 Taora vs Bowmans Dogura HMS 2</p> <p>Anda 17 (25 Overs) 08:10 Lamana Mariners vs B. Dogura</p> <p>Rules Womens (25 Overs) 12:30 BNG P/Porena vs Lamana Mariners Rules Bye: Chubb United U17</p>
--	---	---	---	--

Gutpela spotman kamapim gutpela pilai

... i kam long pes 38

Long wankain taim kosa bilong Yaskom Royals George Dom i tok tenk yu long ol pilai bilong em long soim sampela stail pilai long dispela tonamen. Ol i no gat ol nem pilai tasol ol i soim tru kala bilong pilai.

"Mipela i no gat ol bikipela nem pilai tasol mipela ol manki bilong ples husat i save pilai long lokol kompetisen tasol mipela i gat bel bilong pilai ragbi lig. Mipela kam na soim stail bilong mipela long pilai. Mipela kam soim stail bilong mipela na tu lainim planti samting tu.

"Kam long dispela mak na i go aut em wanpela bikipela samting. Mipela i gat wanpela longpela stori long

mekim bek long ples. Mi laik tok tenk yu tu long Gavena bilong mipela (Enga) long kamap wantaim dispela tingting we mipela ol manki bilong bus i kam stail bilong mipela na lainim sampela samting tu," em i tok bihain long pilai bilong ol wantaim Kundiawa Wara Simbu Masalais.

Em i tok tu olsem dispela yia, ol bin rausim sans bilong ol long pilai long gren fainol tasol neks yia, ol bai kam bek gen gut na klin tru. Planti tim bai kisim pen long han bilong ol long 2006.

Yaskom Royals i kamap namba 4 namel long 24-pela tim husat i pilai long dispela Coca-Cola Ipatas Cup na mekim dispela pilai olsem wanpela gutpela ov-sisen kompetisen.



EM I KAM: Pilai bilong Simla i laik rausim tiket bilong Yabwau long EPC gren fainol pilai long las Sande. Simla winim bek taitol 2-1.

Gem Viles Polis Bareks pilai

tas ragbi
Paulus Tali i raitim

LASw wik long Gems Viles Polis Bareks, long Waigaini ol pikinini bilong polis i pinisim tats fainol bilong bilong ol we dispela i lukim moa manmeri na pikinini i bin kamap long lukim.

Pilai long sait bilong ol meri lukim ol susa long maunten long gems yet i winim. Wailo sharks i no isi long ol pilai bilong narapela kain na autim ol susa bilong ol Tobras Tigers'.

Long namba wan dispela i lukim, tupela tim wantaim kamapim gutpela pilai we ol soim wain kain stail bilong pilai. I no long taim long 15 minit i go insait long pilai stret Frisca Tondop husat i mekim gutpela ron go abrusim beklain bilong Tigers na go skoa we i bringim sko 1-0.

I no long taim gen ol Tigers i kam strong we kepten Nikol Karmui' na Hestar Kurabi, bekap gut go na Hestar go putim trai kamap we i lukim skoa i sanap Tigers 1 Wailo

Sharks 1. Pilai i ron gut i go na bihan tasol Frisca i kisim bal long Rebecca Tondop na setim Doreen em husat i putim trai long kisim skoa go antap 2-1.

Ol yangpela bilong Tobras i no suruk, ol pilai yet na liklik bilong Hestar i kisim bal long liklik bilong em Alponsa Kurabi, we dispela i lukim em i setim Hestar husat i ron go long spes na putim trai. Skoa nau i sanap olsem 2-2.

Seken hap pilai nau tupela tim i kam bek wantaim strong go inap Wailo Sharks i go winim pilai long fultaim long 76. Ol yangpela meri husat i pilai gut long Tigers em Hestar Kurabi, Nikol Karmui, Alponsa Kurabi, Misis David Terry, Junia Gelma" Leah Morris,

Long sait bilong Sharks em Frisca Tondop, Rebecca Tondop, Doreen, Rita Yalom, Fidelma Hauk, Memo Hauk".

Arapela gem tu bin kamap lukim B Gret pilai bilong ol manki Rabitos autim Stellers 5,4.



KAM TASOL: Ol meri Ghost Town husat i bungim Sikau Rangers long 8 Mail meri gren fainol las Sande.



YU LAIK GO WE? Sentrol ragbi lig 9s kompetisen we i stat las Sande i lukim tupela bilong ol 32 tim Rovinama 2 (wantaim bal) na Poinimo husat i kamap na brukim bun. Rovinama 2 win 16-0.



EM YAH: Pablik Sevens netbol i hat tru long wiken we yu ken lukim long hia olsem NBC 1 pilaia i painim rot long tromoi bal i go egensim banis bilong Finance.



BLOK: Tom Gau bilong BNG Poreporena i kamapim strongpela Gem bilong tim bilong em egen-sim Mariners long Pot Mosbi kriket. Gau i skoaim 23 ran bipo em i go aut.



DAIV: Taim wanpela i ron i kam long hom bes long softball, yu mas lukaut long wanem ol bai subim het tasol olsem dispela pilaia bilong SP i wokim long ron long las Sarere pilai egenisim Gazelle. Tupela tim i dro 7-7 bihain long Gazelle i pait hat strong long las ining.



PAIRAPIM: Isten Papua soka kanivol we i save kamap long klostu taim bilong krismas i kamap gen long dispela taim na las Sande i lukim gren fainol pilai namel long difening sempions Simala na Yavbwau. Simla win gen 2-1. Hia yu ken lukim Simla Nathaniel Nepani i taik pairapim bal.



MIPELA YET: Ol meri Sikau Rangers husat i go long gren fainol egensim Ghost Town long 8 Mail soka gren fainol las Sande.

Williams bipo long kot


Clippers kisim sans long strongim pilai bilong ol



TAIM NOGUT: Serena Williams i sindaun amamas wantaim PNG wetlifting sempion Dika Toua long 2004 Athens, Gris Olimpik Gem. (insait potovenus Williams i holim pas papa Richard Williams).

Romano i askim Jan Michael Morris olsem kain toktok bai go krangki long lo na pasin bilong kot. "Mi tokim yu long noken toktok long dispela tasol yu no harim," Winicoff i tokim Morris. Jas i sasim Morris US\$1,000.

LOS ANGELES, Amerika: Sapos tim bilong ol bikipela taun i pilai gut olsem wanem long Los Angeles Clippers husat i no mekim gut nau long Westen Konferense (hap) bilong ol basketbol pilai long Amerika!



KLIA YAH: Los Angeles pilaia i tok taim em i rausim han bilong birua pilaia.

Dispela em askim planti opisel na sapota i wok long askim.

Oi i ting wankain olsem Los Angeles Lakers ol Clippers tu i mas mekim.

Tasol long dispela taim liklik taun San Antonio i wokim gut wantaim Spurs tim bilong ol. Oi i go pas long Westen Konferense kompetisen.

Dispela wik ol Clippers bai bungim ol Spurs.

Long las bung bilong ol Clippers i lus 7-pela taim. Na long 31 pilai olgeta Clippers i win foapela taim tasol. Dispela i min olsem ol Spurs bai winim yet ol Clippers bihain kain

tingting em planti lain i gat long mak bilong dispela pilai.

Long 2005 sisen ol Clippers i stap long namba tri ples bihain long ol Spurs husat i go pas na Dallas. Long bung bilong tupela long Epriel 9, klostu ol

Clippers i putim han antap long ol Spurs tasol laki bilong Spurs Robert Horry husat i putim las minit basket we i lukim Spurs i win 125-124.

Tasol dispela wiken ol Clippers i laik win.

AMERIKA: Jas long Amerika i mekim sas olsem Richard wantaim tupela pikinini meri bilong em Venus na Serena i no bihainim promis em ol i mekim.

Long Tunde dispela wik jas i tokaut olsem i kot bilong Serena na Venus bihainim askim bilong ol promotu husat i mekim promis long kamapim pilai "Betel ov Sekse" tenis pilai long 2001.

Jas Jeffery A. Winicoff i tok orait long loiya bilong promotu em John Romano husat i sanap long sait bilong Carol Clarke na Keith Rhodes long tok olsem bai mas i gat kot long dispela.

Romano long las tripela wik i wok long givim ol toktok long dispela promis em ol i mekim.

Long Tunde kot F. Malcolm Cunningham loaia i makim tupela susa i askim Clarke sapos nara-pela man i givim mani long em long em i mas kotim tupela meri yah bihain long Clarke i lukim olsem ol i no bihainim dispela tok promis ol i mekim long 2001.

Winicoff long wanpela ausait bung wantaim tupela loaia bilong Clarke na tupela Williams i tok olsem em i no laik bai dispela toktok i mas kamap long kot. Na

Montgomery, Gaines kisim 2-yia mekimsave

LONDON, Ingran: Wol rekot bilong em i raus olgeta wantaim mak em i bin kamap long en, medol na prais mani em i kisim.

Na tru tumas i luk olsem em i no bin ron liklik long ol bikipela resis maski long Olimpik rekot em i mekim.

Dispela em asua bilong bipo 100 mita spit sempion husat ol opisel i painimaut olsem em i kisim ol marasin we i tambu long ol manmeri i ron i kisim na ron. Sapos em i minim long kisim o i no minim dispela i asua tu.

Long Septemba 2002 Montgomery i ron long Paris na kamapim nupela rekot bilong 100m resis.

Wantaim Montgomery husat ol opisel i tok nogat long rekot na win bilong ol long ol resis em Gaines.


Stat long Jun 6, 2005 we ol opisel i harim ol toktok bilong tupela rekot bilong ol i pinis long buk bilong wol resis.

Montgomery husat i papa bilong pikinini em bipo 100m wol spit meri Marion Jones i lusim tu gol medol em i kisim long 400m resis long 2001.

"Em i oltaim i gutpela taim yumi i lukim ol etlit i kamapim wantaim ol klinpela rekot tasol sori long lukim olsem mipela i mas rausim dispela ol mak long hevi em ol i mekim long kisim marasin i tambu long kisim," sif eksekutiv opisa bilong Amerika marasin komiti Craig Masback i tok. "Mipela i tok tenk yu long CAS panel long ol i skelim gut long mekim ol samting."

Montgomery, 30, nau i nogat nem moa long wol rekot.

Na Chryste Gaines husat i win tupela taim long Olimpik Gem em ol opisel i stopim long em i no ken kamap long ol pilai gen



SORI TUMAS: Montgomery husat i bin holim rekot bilong 100m resis.

long Lausanne, Switzerland.

Oi lain husat i save lukluk long dispela kain hevi i pasim Montgomery na Gaines long ol i no ken kamap long ol pilai long foapela yia olgeta tasol CAS-bikipela kot olgeta i katim tupela yia na pasim ol tasol long tupela yia long ol i no ken kamap long ol pilai.

USA Tren na Fil gavman bodi i go tok ol bai rausim olgeta rekot em Montgomery i kamapim stat long Mas 31, 2001 inap long dispela taim na long Gaines ol bai rausim rekot bilong em stat long Novemba 30, 2003 i kam inap long nau.

Long taim ol kot i mekim sas bilong ol ol i tok ol i mekim bihainim kot na mekimsave ol i givim long bipo sprin sempion White, husat ol kot i pasim long 2004 long em i no ken kamap long ol pilai.

Em i bin tok promis long wok bung wantaim ol opisel long kamapim gut nem bilong pilai gen.

White husat i tokaut olsem Montgomery na Gaines wantaim i tokaut long tambu marasin em tupela i bin kisim. Oi CAS i tok tokaut bilong White i bikipela bagarap bilong Montgomery na Gaines long pilai bilong ol.


Tottenham go gut

INGLAN: Tottenham, wanpela primia lig klab inap kamap gut bihain long ol i winim turangu las tim Sunderland 2-3 long wiken.

Bihain long ol i kam gut wantaim helpim bilong Dean White, Sunderland i giv ap hop long Midz na Robbie Keane bihain long Anthony Le Tallec i mekim ekual.

Maski Keane i kisim penolti kik dispela i no bin kamap gut bihain long Ben Alnwick i sevim dispela gol tasol Michael Carrick i skoaim gol bilong ol Spurs. Kosa Martin Jol i tokaut:

"Mi amamas. Em oltaim i save hat taim yu stap longwe o pundaun i go daun. Dispela em i gutpela fri kick tru. Long tingting mipela i pait hat long kam bek," Jol i tok.



KISIM: Everton James Bittie i hetim bal i go longwe long ol Liverpool pilaia.

"Mipela i laikim na olsem mipela bai mekim olgeta samting long sevim laip bilong mipela. Na ol tim olsem Sutherland bai olgeta taim i ken skoaim gol. Em i gutpela namba

wan tas Michael Carrick i mekim na em i gutpela tu long lukim em i skoa. Mi ting olsem bikos mipela i pilai hat tru em i orait long mipela i kisim dispela win," Jol i tok.

Namba wan nating tru

AMERIKA: Kolim em wanem kain nem yu laik givim tasol Ricky Hatton i stap olsem Ricky Hatton yet.

Dispela liklik man long namba wan taim bai i lap long em sapos yu ting em i laik pilai kaskas long ol bikipela boksa tasol long taim i kam bai yu kirap nogut.

Em kain pasin planti lain i bin kamap long em taim ol i lukim tomtam man i daunim ol traipela man i go daun long ring. Hatton bihain long em autim Kostya



LUKAUT: Liklik Hatton i laik hukim Carlos Maussa long han kais bilong em

Tsyuu long Jun i pairapim Carlos Maussa long kamap

sempion bilong IBF na WBA junia weltawet divison.

Okuk Mori Rogerson ov sisen ragbi lig pilai

Bikpela resis long histri bilong ragbi lig pilai long kantri

Ripota PAUL ZUVANI i stori long ragbi lig resis we planti manmeri i bilip i brukim rekot bilong ol namba bilong klab wantaim tim bilong ol long wanpela ragbi lig pila long histri bilong ragbi lig pilai long kantri.

Spot laipstail- ragbi lig

S APOS i gat wanpela pilai we inap pulim planti manmeri long kamap na lukim long dispela taim we planti ol arapela bikpela pilai i pinis long sisen dispela em Pot Mosbi Not Is Okuk Mori Rogerson ov sisen ragbi lig pilai.

Wantaim namba bilong ol klab i stap olsem long 40 na namba bilong ol tim husat i pilai we i stap olsem 80 we ol i pilai long A na B Gret wantaim dispela i luk olsem i brukim rekot long kamapim bikpela sisen o ov sisen ragbi lig pilai long histri bilong ragbi lig pilai long kantri.

Na i olsem 20,000 manmeri i save kamap long olgeta wiken, 10,000 long Sarere na narapela 10,000 long Sande. Dispela long lukluk long ai tasol namba i ken i go antap moa long dispela sapos long kaunim stret ol manmeri i kamap long pilai.

Man husat i stap bihain long lukim dispela pilai na i sponsaim ol em Okuk Mori Rogerson.

Sapos ol manmeri i ken save Rogerson i hap famili bilong bipo biknem politik man leit Sir lambakey Okuk bilong Kundiawa, Simbu provins.

Rogerson i bin skul na bikpela long Kundiawa, Lae na Pot Mosbi.

Nau yet Rogerson i helpim long ronim Mondo Seken En Klos kompani long Lae na Pot Mosbi. Seken En Klos stua bilong Rogerson i stap long Lae.

Long Sarere 22 Oktoba, 2005 Rogerson i statim dispela ov sisen ragbi lig pilai.

Dispela pilai em Rogerson i askim wanpela wanpinis bilong em husat i bipo embeseda o mausman bilong PNG long Japan Sir Joseph Nombri i opim.

Long taim bilong opim pilai Sir Joseph i tok pilai i bikpela samting long holim gut ol manmeri.

"Long pilai ol manmeri i save putim taim na tingting bilong ol olsem ol i nogat arapela samting moa long," Sir Joseph i tok.

"Na long taim ol i nogat arapela gutpela samting ol i save mekim ol samting we planti bilong dispela ol samting i no gutpela," em i tok. "Long dispela pilai i stap. Em i save holim ol. Na long kamapim gutpela pilai yu



STRONG NA WINIM: (l-r) Okuk Mori Rogerson, Sir Joseph Nombri, Sir William Skate na Alois Kingsley long taim bilong lonsim kap na sil

mas pilai hat. I wankain long yu laik wok. Sapos yu wok hat yu lukim gutpela samting. Sapos yu tren hat yu kamapim gutpela pilai na gutpela mak."

Na Okuk i tok em i sponsaim ol pilai long helpim ol liklik manmeri.

"I nogat ol bikpela manmeri bai kam na givim sapot long yupela. Dispela sponsasip em bilong lukim yupela i pilai gut namel long yupela na kisim amamas," Okuk i tok.

"Mi amamas long givim dispela helpim i go long yupela," em i tok.

Ol klab husat i kamapim ol tim long dispela ragbi lig pilai em Gouno Nomads, 6 Mile Warriors, Hebou Knights, Moitaka Dragons, Bomai Eagles, GH Eagles, Negefi Bears, 8 Mile Settlers, BS Tigers, Hila Kennis, Flame Nambis Storms, 5 Mile Spiders, Bekiko Brothers, Backyard Tigers, Fincorp Warriors, Gordon Ridge, Daima Gunz, 9 Mile Crushers, Kipo Tigers, N'BAA, Saraga Saints, GH CKO, Mondo Tigers, F.O. Barbarians, Kone Sharks, N33 KM Storms, Eki Jubb, Vanuatu, Pulumpa, Bomai Yal, Makana Cowboys, Kerowagi United,

meri i gat ples long painim na kasim wok. Nau yet planti ol manmeri lusim skul na i stap naing. Na pilai bilong ol. Yumi mas tingting naing tu."

"Mi laik strongim wok agimol olsem mi sapotim dispela makim bilong gavman long "Gutpela Makim". Mi laik yumi mas yusim gutpela makim."

"Narapela samting em mi laik yusim ami bilong mipela. Mi laik lulam olsem enjiniaring batalion bilong amem gavman i mas yusim long stretim ol rot na bris. I luk olsem ami bilong mipela i gat ol samting na save tasol gavman i no yusim," em i tok.

Long 27 Novemba Okuk i lonsim bilong kap na sil bilong ragbi lig pilai we Rijnol Memba bilong Nesenel Kapitol Distrik Sir William Skate, Memba bilong Madang Alois Kingsley na sinia stetman Sir Joseph Nombri Okuk i stap tu long lukim. Bihainim maus bilong Sir William husat i bin givim toktok Okuk i tok stap na kamapim gutpela helti laistail i bikpela samting long ol.

"Long dispela pilai yumi i ken pait egensim raskol pasin, spak pasin, pasin bilong pamuk na abrusim hevi



GUTPELA: Sir Joseph Nombri, Okuk Mori Rogerson na Aaron Waula i sikan long ol Nambis Storm pilai long stat bilong pilai.

D8 Mosquitoes, Kanage Spiders, Limestone, Vadavada United na Wildlife Panthers.

Wantok Spot i askim em long wanem as em i sponsaim dispela pilai Okuk i bekim na i tok em i laik mekim sampela samting long givim hop long ol manmeri husat i ting ol i nogat nem moa long komyuniti.

"Mi lukim planti ol yangpela i stap nating na i nogat hop long ol. Mi helpim long sponsaim dispela ol pilai long ol i ken amamas na olsem ol i pilim ol i hap lain long komyuniti em yumi stap long en," Okuk i tok.

Na Wantok Spot i go moa long askim sapos em i gat tingting bilong politik Okuk i tok yes em i gat ol tingting tasol sapos em i sanap em i laik kamapim ol samting we i ken olgeta manmeri. Sampela samting em:

Maikro Fainans ol manmeri i ken i gat wei long kamapim liklik bisnis o samting long helpim ol yet; long man-

bilong kisim sik HIV/AIDS."

"Long pilai dispela i save helpim yumi tu long yumi i rispekim yumi yet na long ol arapela manmeri."

"Pilai i bungim yumi wantaim olsem wan pipel. "Long winim dispela kap na sil yupela i mas soim yupela yet pastaim bipo long yu kisim. I soim olsem yu tren hat na kamapim gutpela pilai. Mi hop yupela i amamas gut long dispela ol pilai."

Em i tok tenk yu long ol eksekutive na long wanwan ol klab na tim long ronim ol pilai.

"Mi sponsaimol pilai na mi stap olsem raba stem tasol, yupela i ronim ol pilai. Long dispela mi tok tenk yu."


Long helpim kamapim ol pilai na William na Kingsley i givim K3,000 wantaim (K6,000) na Okuk yet i givim K5,000. Na kasen brata bilong Tony Mondo i givim K1,000. Wantaim dispela K12,000 Okuk i bilip ol pilai bai kamap strong na gut



EM I TRU: Okuk Mori Rogerson wantaim ol poroman i amamas long kamap wantaim dispela tingting long ronim ol pilai.

Ol foto: ANDREW MOLEN

**LAE
BISCUIT CO.**



WANTOK

S P O T S


**LAE
BISCUIT CO.**



Pes 39

Pes 37

*Ovasis spot
Bipo wol spitman
Montgnomery*



Pini abrusim ol wol swima

Paul Zuvani i raitim

BIKPELA Papua Niugini pis Ryan Pini i mekim wol rekot long abrusim tupela wol swimming sempion Michael Klim na Andrew Richards long 100 mita bataflai resis long Mande nait dispela wik taim em i swim long Kwinslen swiming sempionsip, Australia. Em i kisim gol medol long dispela. Wantaim dispela resis em i kisim tu silva medol long 50 mita

bekstrok long Tunde nait we em i kamap long taim 26.43 seken bihain long Australia swima Ethen Roff husat i kamap pas long taim 26.38 seken.

Tru dispela i no wol sempionsip tasol long Pini i mekim gut long kain resis i putim PNG long wol mep.

Long winim swima husat i gat nem long wol dispela em i bikpela mak long PNG i mekim long pilai bilong swimming.

Klim i bin winim na kamapim

nupela wol rekot long 2000 inap long dispela Ogas we Michael Phelps bilong Amerika i brukim dispela rekot.

Aste nait Pini i bin traim 50m fristail tasol *Wantok Spot* i bin go long prin na olsem em i nogat taim long kisim dispela stori.

Nau nau em swim long 100m fristail na long tumora Fraide em bai traim 50m bataflai.

Long 100m bekstrok Pini i luk olsem em bai i no inap long resis. Aste Pini i tokim *Wantok Spot*

long telepon long Brisben olsem em i amamas long swim bilong em.

"Mi pilim gut. Dispela em i gutpela resis bilong mi stret," Pini i tok. "Mi ting olsem em i rait taim." "Ating mi bin redim mi yet gut long sisen na olsem dispela em i gutpela tru."

Em i tok em i hop long mekim gut tu long ol narapela swim long wik.

Moa yet sapos ol Australia nesenel sempionsip i kamap long

Januari, 2006 long Melbon em i hop tu long salensim ol long dispela taim. Tasol long go long fainol Pini bai i no inap long go. Dispela em bilong ol lain Australia tasol.

Papa bilone em Kevin Pini husat i stap long Pot Mosbi i amamas tu long harim gutpela nius long pikinini bilong em taim *Wantok Spot* i askim em.

I go long Pes 38 ...



**WINIM WANPELA
FANTASTIC
SHARP
CHRISTMAS
PACKAGE**

- WANWAN PACKAGE IGAT**
- SHARP 26" LCD TV NA CABINET
 - SHARP MICRO COMPONENT DVD STEREO SYSTEM
 - SHARP DVD PLAYER NA KARAOKE
 - SHARP VCD PORTABLE STEREO
 - SHARP 14" TV NA CABINET
 - SHARP HUGE 490LT FRIDGE/FREEZER
 - SHARP MICROWAVE OVEN
 - SHARP VACUUM CLEANER

OR **K10,000 CASH!!**


**NA 10 PELA
LIKLIK PRIZES
bilong 14" SHARP TVs!
WANTAIM K20 YU SPEND
BAI YU GAT SANS LONG
ENTA NA WINIM DISPLA
BIKPELA SHARP KRISMAS
PACKAGE!**



**5 PACKAGES
BILONG WINIM
WORTH K21,000 EACH
OR K10,000 CASH!!
DRAW BAI KAMAP LONG
HAUS & HOME (EMTV)**

WINNERS BAI KAMAP LONG HAUS & HOME (EMTV) NA TU LONG OL NEWS PAPERS

PLAZA 325 5411 HOMECENTRE CITY-GORDONS 325 8469 HOMECENTRE CITY-LAE 472 3200 TOPTOWN 479 1918 GOROKA 732 1622 KOKOPO 982 9027 MT HAGEN 542 1999 MADANG 852 1899 Email: bbsales@brianbell.com.pg



The Catholic Reporter

DECEMBER, 2005

Issue 36

Bisop Francesco Sarego, Presiden bilong Katolik Bisops Konferens, i salim Hepi Krismas bilong em long ol manmeri bilong Papua Niugini

Hepi Krismas long olgeta manmeri bilong Papua Niugini.

OLGETA yia, taim mun Disemba i kamap, mipela i ting 'klostu krismas i kam, na nupela yia bai i kamap tu.' Dispela tingim i gutpela mak long tingting na bilip bilong mipela bikos dispela de bilong Krismas i laik givim gutpela tok save long mipela olgeta.

Em i olsem Gutnius i kam long olgeta manmeri bilong graun.

Na mipela Papua Niu Gini i laik selebretim dispela gut nius wantaim famili na pren na mekim dispela taim i spesol.

Tasol mipela i mas tingim 'wanem samting em i spesol long dispela taim?' Dispela taim em i spesol bikos mipela i kisim save gen long bikpela laik bilong God long olgeta manmeri.

Long konstitusen bilong Papua Niu Gini ol pipol i makim dispela kantri em i Kristen kantri.

Olsem bai mipela i selebretim Krai i tok save long mipela olgeta long bikpela laik bilong God.

Long laik bilong God Papa, Pikinini bilong em i kamap man long mekim mipela olgeta i kamap wan famili na bratasusa bilong em na pikinini bilong God Papa.

Gutnius bilong Krai em i kam insait long narakain nius i no save helpim mipela na senisim ol dispela negative pasin na kamap beta moa.

Haumas taim mipela i harim toktok bilong pait, o bilong bagarapim gutpela nem o bodi bilong narapela manmeri o pasin selpis olsem korupsien o laik bilong wanwan na i nogat pasin bilong lukautim gut ol samting

bilong kantri.

Krais i no kam long bagarapim sindaun bilong ol manmeri. Em kam long bringim gut taim, amamas, minig bilong laip, respect long olgeta manmeri bai kantri wantaim ol pipel i gro long gutpela sindaun.

Klostu long krismas bai yumi selebretim Nu Yia. Dispela Nu Yia bai i bringim sampela gutpela presen na sampela senis long kantri? Mipela i no ken tingim bai presen na senis i kamap nating.

Nogat samting i kamap automatic. Sapos mipela i laik lukim senis i kamap, mipela i mas stat long mipela yet wan wan.

Mipela i mas putim sampela askim long lewa bilong mipela olsem, 'mi save lukautim na respektim laip bilong mi na bilong ol narapela?'

Famili bilong mi em i namba wan long tingting bilong mi? Mi helpim long strongim komyuniti bilong mi? Pasin bilong mi yet i mekim kain kain sik na hevi i kamap moa yet insait long komyuniti bilong mi' na tu olgeta manmeri olsem komyuniti (social and political) insait long kantri i mas putim wankain askim na soim strongpela pasin long muv wantaim long helpim kantri long sanap gut, long mekim wok onest na strongim laip, na bringim gutpela sindaun insait long komyuniti.

Krismas na Nu Yia i kamap. Laip bilong mipela i stap long han bilong God. Stap redi.

Hepi Krismas na Hepi Nu Yia

Bisop, Francesco Sarego, wantaim ol Katolik Bisop bilong PNG.



"Kam yumi olgeta, yumi amamas tru long Jisas i manki i slip hia long krib" -

Hepi Krismas olgeta na gutpela Niu Yia 2006.

The BIBLE DIARY 2006

Now available at the LCI Bookservice

Hardbound Glossy Pages

Only K30-00



Proud to be associated with The Catholic Reporter

BEEF
SNAX
CRACKER

Odinesen Long Mendi

BY TIMON HENRY

WANPELA bikpela bung i bin kamap long Sen Josep Peris, Homaria long Margarima Distrik insait long Sauten Hailen Provins long Mun i go pinis .Dispela bung i bin bungm planti ol Katolik man meri bilong wanwan Dineri long kam witnessim wanpela Pikinini bilong ol i kisim Blesim long Han bilong Bisop Stephen Reicniet makim Diken Pita Hinawai olsem Pris bilong Mendi Daiosis

Bisop Stephen i bin makim Diken Pita Hinawai olsem nupela Pris long Ples na Peris bilong em we em i bin i gat bikpela tingting long kamap Pris. Bipo long Misa bilong makim Pris, Bisop Stephen i tok - taim Pata Cyroll Repko i stap long Homaria olsem Peris Pris, em i bin planim gutpela sit na dispela sit i karim gutpela kaikai na Pata Cyroll yet i amamas long wanem God i harim Prea bilong em na ol man meri tu i pulap long amamas, bilong wanem, God i singautim wanpela pikinini bilong em long kamap wok boi natin bilong God .Olsem na Bisop Stephen i tok, olsem Pata Cyroll em i Aposol bilong Homaria Sen Josep Peris.

Insait long Homili bilong Bisop i askim ol Katolik lei man meri olsem, Sios em i husat? Yumi yet i sios na yumi mas laikim God, God i save pogivim yumi na yumi mas laikim ol arapela brata, susa na noken bagarapim ol arapela ol Kristen. Ol lei man na meri mas sanap strong long kamap man meri

bilong Politik, Kisim save bilong skul na ol kainkain wok insait long Komyuniti na long ples na God tu i save marimari long husait i daunim em yet.


Bisop Stephen i tok. Mama bilong tupela man husat i bin kisim kar Eksiden long Togoba insait long Westen Hailens Provins long Mun i go pinis i tok mi amamas long yu long God i singautim yu long mekim wok bilong God na Brata bilong yu tu em i lusim laip bilong ol na Prea long ol bai sol, bodi, na spirit i ken opim dua bilong heven. Bisop Stephen i tok mi makim em na kolim em, Pata Pita Hinawai. "Na yupela ol man meri tu mas kolim em olsem mi kolim em." Olsem na Bisop Stephen i givim Nupela Peris long Karinz.

Ripot tu i tok, "Long dispela de bilong Odinesen olgeta lain famili bilong 9-pela husat i bin kisim Kar Eksiden i bin kam bung na stap wantaim ol Katolik man meri long Prea na amamas long bikpela de i bin kamap long taim narapela Pikinini bilong ol yet tu laik kisim Odinesen bilong kamap pris, Ol i bin askim Pata Pita Hinawai long taim bilong yu long Prea long olgeta de yu mas tingim ol brata na susa bilong yu husat i bin lusim laip bilong ol. bai God i ken lusim rong bilong ol na God i ken marimari long ol," Bisop Stephen i tok long dispela Misa bai mi dediketim i go long ol brata na Susa bilong yumi husait i kisim Kar Eksidens long Togoba, Westen Hailen Provins. Bihain long Bisop Stephen i makim Pita Hinawai olsem Pris. Bisop

Stephen i tok, "bikpela tok tenkyu i go long olgeta lei man na meri bilong Homaria Sen Josep Peris long hat wok bilong yupela i karim kaikai tude, Moa yet long ol papa mama na wan famili bilong Pata Pita Hinawai long yupela i bin sapatim em long dispela wok Ministri bilong em na tu long ol arapela Katolik Lei man meri long olgeta hap bilong Westen, Isten na Sentrol,"

Tripela diken bilong Simbu Daiosis tu i bin kam na ol i wan skul bilong Pata Pita long Bomana Semenerian Kolis na wanpela bilong ol bai kamap Pata long ncks yia." Long tok tumbuna ol i save tok Hela Opea i slip baksait, Makim maus bilong Wabag Daiosis Pata Justin Sungi husat i kam long Odinesen bilong Pata Pita.

Bihain long Bisop i makim Pata, Pata Pita Hinawai i bin mekim namba wan misa long tok tenkyu long God Papa long God i singautim em long mekim wok bilong em na tu long helpim ol pipel bilong God, "maski taim bilong hevi na wari i kamap mi bai stap wantaim God bilong mi," Pata Pita i tok, "Long skul bilong Pata Cyroll i tok Pris i mas laikim Jisas pastaim na bihain, Pris i mas laikim ol man meri na stap olsem rabis man olsem Jisas i bin stap olsem rabis, na Pris i mas stap olsem namel man long olgeta de. Het man bilong O.F.M. Capusins Pata Cyroll i tok long skul bilong mi na tok bilong mi yu kamap Pris, na Sapos narapela moa Pris i kamap orait tok olsem Pata Cyroll i givim long mi na mi



DIKEN PITA HINAWAI: Gutpela Odinesen sernomi long Mendi Daiosis

givim long yu na tingim mi long prea bilong yu. Ripot tu i bin tok long bipo long Bisop i makim em pris, ol i bin kilim 74-pela pik.

Odinesen de i bin kamap gut tru wantaim ol kainkain bilas na ol yut bilong Hela Sentrol Kaditrol Peris Musisens grup wantaim man husat i go pas long singsing bilong Odinesen na Liteji Kodineta, Mr Mak Maowe, wantaim ol Semenerian bilong Mendi Daiosis i bin redim gut ol kainkain stail bilong musik. Sen Josep Peris Homaria Katolik sios Graun i bin pulap long ol Leitis bilong olgeta hap bilong Papua Niugini na ol

Pris na Brata bilong ol arapela Kantri Bisop Stephen i tok bikpela tok tenkyu i go long olgeta lei man na meri bilong olgeta hap bilong wanwan Deneri long kam bung wantaim long luksave olsem em i wanpela spesol de God i bin makim long kam stap wantaim ol arapela Kristen na amamas na tu em i tok tenkyu long God bikos long dispela Peris i kamapim Pris na tu i gat tupela Sista, Sista Agnes Ipai na Sista Rita.

Olsem na Pata Pita Hinawai em i tok em i wanpela Frut bilong Pata Cyroll naem i redi long mekim ol wok insait long peris na moa yet long daiosis.

The Nativity of the Lord. A meditation for Christmas (Bible Alive)

At Christmas we celebrate the Son of God becoming man and entering into our human history. He took on our humanity and lived a truly human life, sharing all its aspects - its joys, sorrows, disappointments, successes and hardships. He went into exile in Egypt, worked for his living, felt hunger and thirst, suffered grief when Joseph died, was opposed and rejected, suffered his passion and experienced death. Jesus was no stranger to any aspect of human life. By becoming a man and by living a human life Jesus both redeemed our humanity and showed us how to live a truly human life. He lived for us, choosing to serve all. Thus he shaped his own life by his choices, living virtuously, courageously, generously and humbly. He chose

to use the gift of his human life in loving service of others. By doing so he redeemed all human life by his obedience and love and he showed us how to live the gift of his human life in loving service of others. By doing so he redeemed all human life by his obedience and love and he showed us how to live the gift of our own human lives.

At our birth the Father gave each of us the gift of a human life. We shape the gift of our lives by the choices we make. As the Father's Son, Jesus shaped his own life, showing us how to shape our own lives. Therefore, we can choose to live in the way that Jesus chose to live - for the Father and in live and service of your fellow human beings. As our Saviour, Jesus was born to give us the 'power to become

children of God' (Jn 1:12), that is, the power to live as a true son or daughter of God. He empowers us to shape our lives by sending us his Spirit; 'from his fullness have we all received, grace upon grace' (Jn 1:16). What a marvelous gift our human life is!

How wonderful that we have the choice to shape our own human lives! Ask Jesus for the grace to appreciate the incredible gift of your human life with all its possibilities.

Ask him for the power to shape your life in the way he shaped his life.

'Lord Jesus, you became man, redeemed our humanity and lived a truly human life. Help me shape my life by glorifying the Father and by living in loving service of all.'

P. FRANCISCUS XAVEIUS SOG:IESUS



The Catechism of the Catholic Church

Bishop Francesco of Goroka writes:

LET'S continue the exploration of our faith in the area of the Eucharist taken from the Catechism of the Catholic Church

The presence of Christ by the power of his word and the Holy Spirit

In the Eucharist the whole Christ is truly, really and substantially present. The bread and wine by the power of the Word of Christ and the action of the Holy Spirit are transformed into the Body and Blood of Christ. Such a presence ceases when the bread and wine deteriorate and it is not possible to consume it.

The Body of Christ under the form of bread is kept with reverence in the Tabernacle. The Church adores Christ present in the

Tabernacle; encourages the faithful to visit and pray to him. She also venerates the Host by carrying in procession.

"Take this and it, all of you".

The Eucharist is meant to be received and the Lord urges us to do so. "Truly I say to you, unless you eat the flesh of the Son of man and drink his blood, you have no life in you" (Jn 6:53). Such declaration implies life or death. The Church encourages us to receive the Eucharist after being well prepared and aware of how important it is for our spiritual life.

Because it is so important for our spiritual life, the Church obliges the faithful to take part in the Eucharistic celebration on Sunday and Feast Days. She recommends receiving the Eucharist every Sunday and on Feast Days and even every day.

The Church, aware also that some Christians may not receive the Eucharist on Sundays, asks that they receive the Eucharist, after the sacrament of reconciliation at least once a year, possibly during the Easter season.

The fruits of Holy Communion.

Holy Communion strengthens our union with the risen Christ sharing with us his life through the Holy Spirit and in this way increasing and nourishing the life of grace received in Baptism. Like to natural food is for the body so the Eucharist is for our spiritual life.

Holy Communion by uniting us more deeply with Christ preserves us from mortal sins. This does not mean that we should be less attentive in avoiding sins but being unit-

ed with Christ it is more difficult to fall into mortal sins. The Eucharist strengthens our charity and cancels our venial sins.

The Eucharist unites the faithful among themselves and builds up the Body of Christ. At the same time it is a reminder of the division among Christians urging all the faithful to work to create the unity that Christ wanted. In case of a grave necessity, a catholic minister may give the sacrament of Eucharist, penance and anointing of the sick to a non-catholic Christian who ask for them with good disposition and believing in the faith of the Church.

The Eucharist makes us recognize that Christ is in the poor challenging us to exercise charity and mercy towards them.



FINANCE WORKSHOP PARTICIPANTS: Catholic Diocesan Finance official attend the "Quick books" workshop.

DIOCESAN STAFF LEARN QUICKBOOKS

By Sister Mary Jeanette, SSpS

TWO groups of Staff with finance functions in the Dioceses, institutions and congregations recently attended Training Course in Divine Word University.

The first course was for Beginner-staff who have been using Quickbooks but did not have formal training in its use.

The second group consisted of staff who have been using the program but needed to upgrade their skills. The trainees came from the Dioceses of Aitape, Alotau, Bougainville, Goroka,

Mt. Hagen, Mendi, Wewak and schools: Marianville (POM), Notre Dame (Mt. Hagen) and VunaBosco (Rabaul).

Paia Bokorum, the Finance Officer of DWU, was the main facilitator. He has been teaching QuickBooks for the past 5 years in DWU and believes that QuickBooks is the best accounting package for non-accountants.

The program is simple and easy to follow and yet it produces satisfactory results, especially the required financial reports and other reports as needed. Sister Mary Jeanette Matela, SSpS was the co-facilitator. She gave an introduction on basic accounting to each group.

During the sessions, she and Paia would guide the trainees in understanding what the computer is doing and relate it to accounting procedures involved. By so doing, the trainees better understood what they were doing.

The training was part of the institutional strengthening program being facilitated by the Catholic Bishops Conference for the whole Church institution of PNG. The costs of the training being supported by the Church Partnership Program with funding from AusAid and Caritas PNG.

Pope Thankful for Vatican II Marks 40th Anniversary

ZENIT News Agency: Benedict XVI celebrated the 40th anniversary of the close of the Second Vatican Council, describing the 1960s gathering as "the greatest ecclesial event of the 20th century."

Pope John XXIII inaugurated the ecumenical council in the name of Mary on Oct. 11, 1962. And in the name of the Immaculate Virgin, Pope Paul VI closed it on Dec. 8, 1965, recalled Benedict XVI in a homily on the solemnity of the Immaculate Conception. The homily drew applause during the Mass in St. Peter's Basilica.

As a young theologian, Joseph Ratzinger (now Benedict XVI) made his contribution at Vatican II.

Recalling memories of Vatican II in his homily, Benedict XVI acknowledged that the moment in which Paul VI proclaimed Mary as Mother of the Church "remains indelible in his memory."

"The [council] fathers suddenly rose spontaneously from their seats and stood applauding, rendering homage to the Mother of God — our Mother, to the Mother of the Church," Benedict XVI recalled.

"Mary not only has a singular relationship with Christ, the Son of God who, as man, willed to become her son," he said. "Being totally united to Christ, she also belongs to us totally."

Mary and the Church

After the Mass, when he prayed the midday Angelus with tens of thousands of people gathered in St. Peter's Square, Benedict XVI reflected further on the relationship between Mary and the Church.

"Mary has watched with maternal care over the pontificates of my venerated predecessors, each of whom guided Peter's bark on the route of authentic conciliar renewal, working incessantly for the faithful interpretation and execution of the Second Vatican Council," he said.

In the Prayer of the Faithful, read in six languages during the Mass, there was prayer in Arabic for justice and peace in the world and in Chinese for "the brothers and sisters visited by suffering of a thousand faces."

Bikpela Miting bilong Komyunikesen i kamap

NESENEL Sekreteri bilong Komisen bilong Sosil Komyunikesen, Fr Geoffrey Lee, i bin go long wanpela bikpela miting long Lyon, long kantri Frans. Long dispela miting Pater i bin bung wantaim planti arapela manmeri, bilong planti kantri, i wok long K a t o l i k Komyunikesen.

Olgeta 4-pela, 4-pela yia ol dispela wokmanmeri bilong komyunikesen i save kam bung. Olgeta i memba bilong wanpela bikpela Katolik komyunikesen grup, ol i kolim SIGNIS. Katolik Sios bilong Papua NiuGuinea em i wanpela memba bilong dispela organaisesen.

Long miting ol memba i stori long wok bilong Katolik Komyunikesen long kantri bilong ol. Wanem ol samting i run gutpela

na wanem ol hevi i stap. Ol i serim tingting na givim sapot long wanpela na narapela.

I bin i gat 4-pela spesol miting i kamap insait long bikpela miting. Miting bilong husat i gat intres long Redio miting bilong husat i gat intres long movi na film miting bilong Media Edukesen na miting bilong save moa long komputa Komyunikesen.

Klostu long 200 manmeri i bin kam long miting na tu bigman bilong Katolik Komyunikesen, Asbisop Jon Foli bilong Pontifikel Komisen bilong Sosil Komyunikesen long Vatiken i bin stap.

Long nisa bilong pasim miting ol memba bilong Pasifik Ailan i bin go pas long ol singsing bilong liturji na olgeta manmeri i bin i stap ol i amamas long lukim stail bilong yumi.



SIGNIS BUNG: Asbisop Jon Foli wantaim sampela manmeri i wok long Katolik komyunikesen long Pasifik na sampela arapela kantri long bikpela SIGNIS miting long Frans.

Bikpela nois kamap long pipel bilong Hagen

Aaron Gunbi i raitim

Kam bung wantaim bilong kamapim na kirapim tingting long wokbung wantaim olsem wanpela lain pipel olsem wanpela lain komyuniti insait long famili, long ples, long Sios, long kantri na long olgeta hap bilong graun em bilong samting long mekim bikpela wok long kirapim ples na tu long kirapim sindaun bilong wanwan pipel.

Long mun Oktoba, planti Katolik manmeri na pikinini bilong Asdaiosis bilong Mt. Hagen i bung long beten na kamapim tingting olsem ol i wanpela lain pipel bilong God. Ol i laik i stap olsem wanpela famili bilong God, olsem wanpela bodi bilong Jisas Kraist em wanpela tasol.

Namba tu bisop bilong Mt. Hagen Asdaiosis, Bisop Douglas Young SVD i tok, "Wara i save mekim bikpela nois taim em i pundaun antap long ston. Long wankain pasin, taim yumi bung, yumi save mekim bikpela nois tru we arapela pipel i save harim na lukim yumi."

Bisop i tok olsem taim yumi mekim nois, orait yumi mas mekim gutpela nois.

"Taim yumi mekim nois na ol arapela i

i lukim orait, ol i mas lukim gutpela samting long yumi. Taim yumi mekim nois na ol arapela i

harim, orait ol i mas harim gutpela samting."

Bisop i amamas tru long lukim planti pipel bilong ol paris i stap longwe long Hagen taun olsem Ambullua, Kol, Karap, Kiripia, na Rulna.

"Yupela i wokim bikpela wok sakripais long kam long dispela bung," wanma bilong ol Katolik pipel bilong Western Highlands I tok.

Long dispela bung, namba olsem 8000 manmeri na pikinini i bung. Insait long dispela bung em Bisop bilong Goroka em Bisop Fransico SVD i stap insait. Bisop Francesco i tok em i amamas long lukim planti tausen pipel i kam bung.

Insait long dispela bung i gat Pater Peter Inawai bilong Mendi daiosis tu i stap insait. Pater i tok Yukaris (Bodi na Blut) bilong Jisas em Bikpela samting long bungim olgeta pipel bilong God.

"Maski yu bilong Sauten Hailens or Westen Hailens, yumi olgeta i stap wanpela lain, long wanem yumi istap insait long bodi bilong Jisas Kraist.

Misa i kamap long Rabiamul paris na bihain i gat prosesio i kam long St. Paul's paris. Namba bilong ol Kristen man, meri na pikinini i bikpela tumas. Olsem na ol kar i no no ron tasol stop na givim we inap long wanpela aua.

DIOCESAN YOUTH LEADERSHIP TRAINING PROGRAM

Joshua Jeremiah & Richard Noau

A youth Leadership Training Program was held at St. Paul's Pastoral Center, Hagita from November 13th to 20th 2005. It was organized by Fr. Shanthi Chacko Puthussery PIME, the Diocesan Youth Coordinator.

There were thirty three participants representing all the parishes of the Diocese of Alotau. The program began on Sunday 13th discussing about National Youth Policy, Catholic Youth Policy and the Draft Copy of Alotau Diocesan Youth Policy.

The discussion looked at the similarities and the differences; and for further amendments if needed too.

Opening Holy Mass was celebrated by Bishop Francesco Panfilo followed by an open forum on issues affecting the

youth and their faith as a whole. Fr. Edward Meli MSC, presented basic introduction about the bible and the modern tools of interpretation of the Bible. He also presented the Sacraments of the Church explaining how it affects the Catholic faith. The open forum, relating the questions about Sacraments and Bible helped the leaders to clarify several issues.

On Wednesday Fr. Giorgio Licini PIME, the Diocesan Social Communication Director, gave sessions on writing newsletter reports and articles.

It was an additional bonus to the participants. Meeting with Sr. Stella Kambis, Coordinator of the Diocesan Family Apostolate challenged the youth and it was an educative experience about the family because she infused insights and values of fam-

ily in the youth.

The sessions on Leadership began on Thursday with Fr. Shanthi. It began with a basic introduction about leadership.

Three days the sessions covered: the gifts and talents of leadership, the need of having a time frame, the flow of life as a river, how anger affects the leadership and the values of leadership.

The creative way of doing the worksheets about these topics were educative as well as experiential.

The last day everyone was busy with preparing the youth calendar for 2006. The whole Diocese of Alotau divided into seven groups and each group will have Leadership Training Program during the next year.

All the parish youth leaders will be gathering at the Diocesan level in

March and in October for the evaluation and planning. Seven parishes will be holding the Parish Youth Conventions. The regular learning program for the year 2006 will be about Human Rights.

As the outcome of eight days, the participants were challenged to be an Authentic Christian Leader within their respective parishes.

Among the participants there were few pastoral Religious Sisters and Catholic Women Federation Executives, who made the leadership training program more meaningful at the same time inspiring and challenging.

The participants, on behalf of their respective youth groups sincerely thank Fr. Shanthi and his team for their effort and influential way of training the youth to become an Authentic Christian Leader.

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.